

**କରିହ୍ନୀୟମାନଙ୍କ ନିକଟକୁ ପାଉଲଙ୍କ ପ୍ରଥମ
ପତ୍ର
କରିନ୍ତିୟଇଂନେ ଡାଗ୍ରା ପାଉଲ୍‌ନେ
ପର୍ତ୍ତୁମ୍ ଉଲିଆଃ
କରିନ୍ତିୟ ବଇ ବିସୟରେ ଉଃଡ଼ିକୁଗ୍
ସାମୁଆଁ**

ମୁଲ୍ କରହି ଉଲିଆ ପ୍ରେରିଡ଼ ପାଉଲ୍‌ନେ ବାନ୍ ଜିସୁ କ୍ରିଷ୍ଟନେ ଜନମନେ ୫୫ ମୁଆଁ ଇଡ଼ିଙ୍ଗ୍ ଗୁଆରବଗେ ୧:୧ । ପାଉଲ୍‌ନେ ବାନ୍ ଗୁଆର ବକ୍ସେ ମ୍ବାକୁଗ୍ ଉଲିଆ ବାନ୍ ଆକେନ୍ ଡିଙ୍ଗକେ ମୁଲ୍ ଉଲିଆ । ମେଁ ଡିଙ୍ଗଲେଃଏ ଆକେନ୍ ଉଲିଆ ଏଫିସିନ୍ନିଆ ଲେଃନେ ବେଲା ଗୁଆରବଗେ । ମାସିଦନିଆବାନ୍ କରହିନ୍ନିଆ ବାସା ତିଂନେ ସେନୁଗ୍ ଗୁଆରବକେ ୧୭:୫-୯ ।

ପାଉଲ୍ ଆକେନ୍ ଉଲିଆନ୍ନିଆ ମଣ୍ଡଲି ବିତ୍ତେ ଦଲ୍ ଗଡ଼େନେ ଆରି ଦଦ୍ୟା କାମ୍ ଏଃଡେ ବିନ୍‌ବିନ୍‌ନେ ଦଦ୍ୟା କାମ୍ ଚାଲେଲେଃକ୍ସେ ବିସଏ ରେମୁଆଁଇଂନେବାନ୍ ଦ୍ରିଗରେ ଉତର ବିଃନେ ମନ୍ ବିଃଆରେ । କରହି ଇନି ଦଦ୍ୟା କାମ୍ ବିସଏରେ ମ୍ୟାଃ ଦ୍ରିଗ୍‌ଲେଃଗେ । ଏନ୍‌ସା ମଣ୍ଡଲି ଆକେନ୍ ଅସ୍‌ବିଦାଇଂନେ ସାମୁଆଁ ଡିଙ୍ଗତିଂଗେ ଆକଅରିଆ ଇରିୟାଡୁଗ୍‌ନେ ମେଃଡିଗ୍ ଶ୍ଟ । ୧ କରହି ଆଲାଦ୍ ଆଡାତ୍ରା ମୁଇଙ୍ଗ୍ ସାପାରେ ମ୍ୟାକ୍ସେ ଅଦ୍ୟାୟ୍ ଆଃରେକେ ୧୩

ସାସ୍ତର ବିତ୍ତେ ଲେଃକ୍ସେ ସାମୁଆଁଇଂ

- ୧. ପାଉଲ୍ କରହିୟଇଂକେ ସାର୍ଲ୍ ତିଂକେ ଆରି ମେଁଇଂନେ ଆଡ଼ଲା ଇସ୍‌ପର୍‌କେ ଦନ୍‌ସବାଦ୍ ବିଃଡିଂକେ । ୧:୧-୯
- ୨. ପାଉଲ୍ କରହିନେ ମଣ୍ଡଲିବାନ୍ ବାଲେଃକ୍ସେ ମଣ୍ଡଲି ବାଗ୍‌ବାଗ୍ ବିସଏରେ ସିକ୍ୟା ବିଃଡିଂକେ । ୧:୧୦; ୪:୨୧
- ୩. ବିନ୍‌ନେ ମେଁ ଦଦ୍ୟା କାମ୍ ବାରି ମୁଇଂଜା ବିନ୍‌ଶ୍ଟେକେ ବିଚାରିନ୍ନିଆ ତୁଂଖେନେ ବିସୟରେ ଗୁଆରବକେ । ୫-୭

- ୪. ଇଡ଼ିଙ୍ଗ୍ ବିଏନେ ବିସୟ୍ ମୁତ୍ କେ ପୁଜା ବିଷନେ ବେଲା ଉପାସ୍ ପବିତ୍ର ଆମ୍ବନେ ଦାନ୍ ବାରି ଜିବନ୍ତିଙ୍ଗ୍ନେ ଗୁଆର୍ବକେ । ୭-୧୫
- ୫. ସାରାସାରି ମେଁ ଉଡ଼ିରୁଆ ମାବାଣ୍ଡେ ଆରି ନିଜର୍ ବିସୟ୍ରେ ଗୁଆର୍ବଚେ ଆଃତାତିଂକେ । ୧୬

୧ ଇସ୍ପର୍ବନେ ଇକ୍ତାରେ କିସ୍ତ ଜିସୁବାନ୍ ବେବକ୍ନେ ସିସ୍ ରକମ୍ ପାଙ୍ଗନେଲେଃକେ ନେଙ୍ଗ୍ ପାଉଲ୍ ବାରି ନେନେ ବୟ୍ ସସ୍ତୁନା ।

୨ *କରିନ୍ଦ ନଗର ଇସ୍ପର୍ବନେ ବିସ୍ବାସ୍ କୁଦାକେ ଏନ୍ ଉଲିଆ ଗୁଆର୍ବକେ ଜାଣ୍ଡେଇଁ ଇସ୍ପର୍ବନେ ପବିତ୍ର ରେମୁଆଁ ଡିଙ୍ଗ୍ନେସା ରାଜି ବାରି ଜିସୁ କିସ୍ତ ଏତେ କୁଡ଼େନେସା ଇସ୍ପର୍ବନେ ରେମୁଆଁ ଡିଂଲେଃଆର୍ବକେ ବାରି ସାପା ନେନେ ମାପୁ ଜିସୁ କ୍ରିସ୍ତନେ ପାର୍ତନା ଡିଡିଙ୍ଗ୍ଆର୍ବତିଂକେ ।

୩ ମେଁ ସାପାରେକେ ନେନେ ଆବା ଇସ୍ପର୍ବ ବାରି ମାପୁ ଜିସୁ କିସ୍ତ ଲିବିସ ଡିଙ୍ଗ୍ଲେ ବାରି ସାନ୍ତି ବିଲେ ।

କିସ୍ତନେ ବାନ୍ ଆସିର୍ବାଦ୍

୪ ଜିସୁ କ୍ରିସ୍ତନେବାନ୍ ଇସ୍ପର୍ବ ଆପେକେ ଆଣ୍ଡିନେ ଲିବିସ ବିବକେ ଆଡେନ୍ସା ନେଙ୍ଗ୍ ଇସ୍ପର୍ବକେ କାଲାଆଃ ଦନ୍ୟବାଦ୍ ବିଃଣ୍ଡିଂ

୫ ତାଗ୍ଲା କ୍ରିସ୍ତନେ ଏତେ କୁଡ଼େ ପେଲେଃଗେସା ପେ ସାପା ବିସୟ୍ରେ ଦେକ୍‌ରକମ୍ କି ବ୍ଲାଲିର୍ ବପୁ ବାରି ଗିଆନ୍‌ରେ ଡିଗ୍ ଦନବାନ୍ ଡିଙ୍ଗ୍ପେଲେଃକେ ।

୬ କିସ୍ତନେ ବ୍ଲାଲିର୍ ପେଡାଗ୍ରା ଡାଟ୍ ବାବ୍ରେ ପାଙ୍ଗ୍ଲେଃକେ ।

୭ ତେନ୍ସା ପେଇଁ ନେନେ ମାପୁ ଜିସୁ କିସ୍ତ ତାର୍‌ନେ ବେଲା ଉର୍ରେ ଲେଃକେଲା ପେ ମେଃନେ ମେଃଡିଗ୍ ଆମ୍ବିକ୍ ଆସିର୍ବାଦ୍ ଉନା ଆଡିଙ୍ଗ୍କେ ଶ୍ଟୁ ।

୮ ନେନେ ମାପୁ ଜିସୁ କିସ୍ତ ପାଙ୍ଗ୍ନେ ଦିନା ଡିରକମ୍ ପେଇଁ ନିନ୍ଦା ପେବା ଶ୍ଟୁ ଆଡେନ୍ସା ମେଁ ଆପେକେ ଜୁଗ୍ ତାନେ ଜାକ ଡିଗ୍ ନିମାଣ୍ଡା ବାବ୍ରେ ବଏ ।

* ୧:୨ ପ୍ରେରିଡ୍ ୧୮:୧.

୯ ଆଣ୍ଡିନେ ଇସ୍ପର ମେଁନେ ଉଇଁଡେ ଜିସୁ କିସ୍ଟନେ ସାଇଜ ବାନ୍ସା ଆପେକେ ୱା ବକେ ମେଁ କାଲାଆଃ ବିସ୍ବାସ ।

ବିସ୍ବାସ କୁଦାଇଁ ବାଗ୍ ବାଗ୍ ଡିଆରକେ

୧୦ ବୟାଁ ବାରି ତନାଇଁ ମାପୁ ଜିସୁ କିସ୍ଟନେ ମ୍ନିରେ ନେଇଁ ଆପେକେ ଗୁଆରେ ଶ୍ରିଂକେ ବାଲିରବାତାନେ ବେଲା ମୁଇଇଁ ମନ୍ ଡିଇଁପା । ତେଲା ପେ ବିଡ୍ରେ ମେଃଡିଗ୍ ଗଡ୍ବଡ୍ ଆଲେଃ ଶୁ ।

୧୧ ମୁଇଇଁ ଚିନ୍ତା ବାରି ମୁଇଇଁ ମନ୍ରେ ମୁଇଁନିଆ ରିସିଇଁପା । ବୟାଁଇଁ ପେ ବିଡ୍ରେ ବାନ୍ ଗଡ୍ବଡ୍ ଲେଃକେ ତାଗ୍ରେ ଖୁୟାନେ ତୁଆଣ୍ଡେ ଉଡ୍ଡିରୁଆ ଆନେଇଁକେ ଆଃମ୍ୟାଆରକେ ।

୧୨ *ନେଇଁ ସାମୁଆଁନେ ବାବ୍ନା ଏନ୍ ପେ ସାପାରେ ବିନ୍ବିନ୍ ରକମନେ ବାବ୍ନା ବାବେ ପେଡିଇଁକେ । ଜା ବାସଇଁଡିଇଁକେ, ନେଇଁ ପାଉଲକେ ତୁଡ୍ଡୁରଶ୍ରିଂକେ, ନିଂ କେଫାନେ, ଜା ବାସଇଁଡିଇଁକେ ନେଇଁ ଆପଲକେ ତୁଡ୍ଡୁରଶ୍ରିଂକେ, ନିଂ କେଫାନେ, ବାରି ଜା ବାସଇଁଡିଇଁକେ, ନେଇଁ କିସ୍ଟନେ ପ୍ଲା ୱେଲେଃକେ ।

୧୩ କିସ୍ଟ ମେଁନେ ବାଗ୍ବାଗ୍ ଡିଇଁଲେକେ ? ପାଉଲ ମେଃମେଃନେ ପେଇଁନେ ସା କୁରୁସ୍ନିଆ ଗୁଏ ଲେଃକେ ? ପେଇଁ ମେଃମେଃନେ ପାଉଲନେ ମ୍ନିରେ ଶ୍ରିଆଦିକ୍ୟା ତୁଂତ ପେବକେ ?

୧୪ *ଇସ୍ପରକେ ଦନ୍ୟବାଦ୍ ବିଶ୍ରିଂକେ ଜେ କ୍ରିସ୍ପସ୍ ବାରି ଗାୟସକେ ଆନ୍ତାରରେ ପେ ବିଡ୍ରେ ବାନ୍ ନେଇଁ ଆଜାକେ ଶ୍ରିଆ ଦିକ୍ୟା ନ୍ନାବିଃକେ ଶୁ ।

୧୫ ତେସା ନେଇଁନେ ମ୍ନିରେ ଶ୍ରିଆଦିକ୍ୟା ତୁଇଁତ ଲେଃକେ ତାଗ୍ରେ ପେ ବିଡ୍ରେବାନ୍ ଜା ବାସଇଁ ଆୟା ଶୁ ।

୧୬ *ଅଃଅଁ ନେଇଁ ସ୍ରିଫାନ୍ ବାରି ମେଁ ତୁଆଣ୍ଡେକେ ଶ୍ରିଆ ଦିକ୍ୟା ବିମ୍ବେ । ବିନ୍ ଆଜାକେ ଶ୍ରିଆଦିକ୍ୟା ବିମ୍ବେକେ ତାଗ୍ରେ ଆନେଇଁ ମନେ ପଡ୍ଡେ ଆଡିଇଁକେ ଶୁ ।

୧୭ ଶ୍ରିଆଦିକ୍ୟା ବିନ୍ସା କିସ୍ଟ ଆନେଇଁ ବେଆବକେ ଶୁ । ମେଁ ଆନେଇଁ ମାପୁରୁ ସାମୁଆଁ ବାସଇଁ ଅଲେଇଁସା ବେ ବକେ ଆତେନ୍

☆ ୧:୧୭ ପ୍ରେରିଡ୍ ୧୮:୨୪. ☆ ୧:୧୪ ପ୍ରେରିଡ୍ ୧୮:୮; ପ୍ରେରିଡ୍ ୧୯:୨୯; ରମିୟ ୧୭:୨୩.
 ☆ ୧:୧୭ ୧ କରିନତିୟ ୧୭:୧୫.

ଡିଗ୍ ରେମୁଆଁ ଗିଆନ୍ରେ ଶୁ ମାରିଆଃ କ୍ରିଷ୍ଟନେ କୁସନେ ବପୁ ବାରି କସ୍ତ ସରା ତିଙ୍ଗ୍ଏ ।

କ୍ରିଷ୍ଟ ଇସପରନେ ବପୁ ବାରି ଗିଆନ୍ ଲେଃକେ

^{୧୮} ନସ୍ତୁ ତିଙ୍ଗ୍ନେସା ଝେଡିଙ୍ଗ୍ନେ ରେମୁଆଁଇଁ ନସା କୁସନେ ସାମୁଆଁ ଦଦ୍ୟା । ମାତର ନେନେ ସୁଗୁଆ ପରିତ୍ରାନ୍ ବାମ୍ୟାଃକ୍ନେ ରେମୁଆଁଇଁ ନସା ଆକେନ୍ ତିଙ୍ଗ୍ତିଙ୍ଗ୍ତିକେ ଇସପରନେ ବପୁ ।

^{୧୯} ସାସ୍ତରନ୍ନିଆ ଗୁଆର୍ ବକେ:

“ନେଙ୍ଗ୍ ଜ୍ଞାନି ରେମୁଆଁଇଁନେ ବୁଦିକେ ନସ୍ତୁ ଶ୍ଵାଃଡିଙ୍ଗ୍ଏ ।

ବୁଦି ଲେଃକ୍ନେ ରେମୁଆଁଇଁନେ ଚାଲାକିକେ ନସ୍ତୁ ଆଡିଙ୍ଗ୍ମିଏ ।”

^{୨୦} ତେସା ଏନ୍ ଜୁଗ୍ନେ ଜ୍ଞାନି, ପଶ୍ଚିତ୍ ଶୁଲା ସାମୁଆଁ କାଟେତେ ବାଲିରନେ ରେମୁଆଁଇଁନେ ଜାଗା ଆଣ୍ଡିଅରିଆ ? ଏନ୍ ଦର୍ତ୍ତନିନେ ବୁଦିକେ ମୁରକ ତାଗ୍ତେ ଇସପର୍ ବାସଙ୍ଗ୍ ଆବକେ କି ?

^{୨୧} ଇସପର୍ ମେଁନେ ମ୍ନାଗିଆନ୍ରେ ଆର୍ମେଁ ବକେ ଜେ ଦର୍ତ୍ତନି ନିଜେନେ ଗିଆନ୍ ଏତେ ଇସପର୍କେ ମ୍ୟା ଆୟା ଶୁ । ବିନ୍ ପାକା କେଲା ନେ ବାସଙ୍ଗ୍ ନେମ୍ୟାଃକ୍ନେ ବ୍ନାଲିର୍ ଆଣ୍ଡେଙ୍ଗ୍ ଦଦ୍ୟା ସାମୁଆଁରେ ବିସ୍ବାସ୍ ତିଙ୍ଗ୍ମ୍ୟାକ୍ନେ ରେମୁଆଁଇଁକେ ଉଦାର୍ ଆଡିଙ୍ଗ୍ନେସା ଇସପର୍ ଇକ୍ତା ତିଙ୍ଗ୍ବଗେ ।

^{୨୨} ଜିହୁଦିଇଁ ଚିନା ତୁରଆର୍ଏ ଗ୍ରୀକ୍ଇଁ ବୁଦି ତୁରଆର୍ଡିଂକେ ।

^{୨୩} ମାତର ନେନେ କୁରୁସ୍ନିଆ ଗୁଏଲେଃକ୍ନେ କିସ୍ତକେ ବାସଙ୍ଗ୍ ଅଲେଙ୍ଗ୍ନେଡିଙ୍ଗ୍ ଏନ୍ ଜିହୁଦିଇଁନେ ସା ଅସ୍ବିଦା ତିଙ୍ଗ୍ଝେଗେ ବାରି ବିଜାତି ରେମୁଆଁଇଁନେ ସାର୍ମୁଆଃନିଆ ନିର୍ବୁଦି ତିଙ୍ଗ୍ମ୍ୟାଏ ।

^{୨୪} ମାତର ଜିହୁଦି ତିଙ୍ଗ୍ଲେ କି ବିଜାତି ରେମୁଆଁ ତିଙ୍ଗ୍ଲେ ସାରାସାରିକେଲା ପାଙ୍ଗ୍ଲେଃ ଆର୍କେ ସାପାରେ ନସା କିସ୍ତ ତିଙ୍ଗ୍ତିଙ୍ଗ୍ତିକେ ଇସପରନେ ବପୁ ବାରି ଗିଆନ୍ରେ ବିନେ ଶୁ ।

^{୨୫} ତାଗ୍ଲା ମେଃମେଃନେ ଇସପରନେ ମୁରକ ତାଗ୍ତେ ମନେ ତିଙ୍ଗ୍ଏ ଆଡେନ୍ ରେମୁଆଁନେ ବୁଦିବାନ୍ ଜାବର୍ ବୁଦି । ବାରି ଆଣ୍ଡିନେ ଇସପରନେ ଦୁର୍ବଲ୍ ତାଗ୍ତେ ମନେ ତିଙ୍ଗ୍ଏ ଆଡେନ୍ ରେମୁଆଁନେ ବପୁବାନ୍ ଜାବର୍ ବପୁ ।

୨୭ ବୟାଁଇଂ ବାରି ତନାଇଂ ଇସପର୍ ଝାନେ ବେଲା ପେ ଡିରକମ୍ ପେଲେଃରେ ଆତେନ୍ ବାବେ କେଲାପା । ଜାଗତିକ ଇସାବ୍ରେ ପେ ବିତ୍ତେବାନ୍ ଉଡ୍ଡିରୁଆ ବୁଦି ରେମୁଆଁ ସାଆସ୍ ରେମୁଆଁ ବାରି ମ୍ମା କୁଲ୍ ଡିଙ୍ଗ୍ରେ ପେଲେଃରେ ।

୨୮ ଇସପର୍ ଜାନିଇଂକେ ଆଃଗିଆସ ନ୍ସା ମଞ୍ଜୁପୁର୍ ବାନ୍ ବାତେବକେ ମୁରକ ରେମୁଆଁଇଂକେ ସ୍ତ୍ରି ବକେ ବାରି ବପୁଲେଃକ୍ରେ ରେମୁଆଁଇଂକେ ଆଃଗିଆସ ନ୍ସା ମଞ୍ଜୁପୁର୍ ବାନ୍ ବାତେବକେ ଅସକ୍ତିଆ ରେମୁଆଁଇଂକେ ସ୍ତ୍ରି ବକେ ।

୨୮ ମଞ୍ଜୁପୁର୍ନେ ମୁଆଁଃନ୍ନିଆ ଜା ସାପା ଦରକାର୍ ଆତେନ୍ ସାପାକେ ବିନାସ୍ ଆଡିଙ୍ଗ୍ନସା; ଦରତନିନେ ଇକ୍ତା ବୁଟ୍ଟେ ବାରି ଡାଆଁରେକେ ଇସପର୍ ମନ୍ ଡିଙ୍ଗ୍ବକେ ।

୨୯ ଆକ୍ବାନ୍ ପୁରାପୁରି ବାବ୍ରେ ନିମାଣ୍ଡା ଜେ ଜା ଇସପର୍ନେ ସାମନାନ୍ନିଆ ବଡ୍ପନ୍ ଡିଙ୍ଗ୍ ଆୟା ଶୁ ।

୩୦ ମାତର୍ ଇସପର୍ ଆପେକେ କିସ୍ତ ଜିସୁ ଏତେ ଆମିସୁ ବକେ ବାରି ଆତେନ୍ କିସ୍ତକେ ଆଃ ନେନେ ବୁଦି ରକମ୍ ଆଡିଙ୍ଗ୍ବକେ । ମେଁ ବାନ୍ ଇସପର୍ ଏତେ ନେନେ ପୁରାପୁରି ବିସ୍ବାସ୍ ବାର୍ମୁଇଂତର୍ ଡିଙ୍ଗ୍ଲେକେ ନେନେ ଦାର୍ମିକ୍ ବାରି ପବିତ୍ର ରେମୁଆଁ ଡିଙ୍ଗ୍ରେ ମୁକ୍ତି ବାନେଲେଃକେ ।

୩୧ ଆତେନ୍ସା ଦରମ୍ ସାସ୍ତ୍ରନ୍ନିଆ ଡିରକମ୍ ଗୁଆର୍ ବକେ: “ଜା ବଡ୍ପନ୍ ଡିଙ୍ଗ୍ନେସା ଚାଏଏ ମାପୁ ମେଁନେ ଡିଙ୍ଗ୍ବକେ ଆତେନ୍ସା ମେଁ ବଡ୍ପନ୍ ଡିଙ୍ଗ୍ଲେଃ ।”

୨

କୁରୁସନ୍ନିଆ ଗୁଏଃକ୍ରେ କ୍ରିସ୍ତୁନେ ବିସ୍ତ୍ରେ ସାମୁଆଁ

୧ ବୟାଁ ବାରି ତନାଇଂ ନେଙ୍ଗ୍ ପେ ଡାଗ୍ରା ଇସପର୍ନେ ତାଡ୍ଡେ ସାମୁଆଁ ବାସଙ୍ଗ୍ ଅଲେଙ୍ଗ୍ନେସା ଝେନେବେଲା ରେମୁଆଁ ଗିଆନ୍ରେ କି ଆନେଙ୍ଗ୍ ଆଃ ବୁଦି ଲେଃକେ ଡାଗ୍ରେ ଆକେ ନେବେ ।

୨ ପେ ଏତେ ଲେଃ କେଲା ମାତର୍ ଜିସୁ କିସ୍ତ ମ୍ମା ବିସ୍ତ୍ରେ ମେଁନେ ଗୁଏକ୍ରେ ଆଡାରେ ବିନ୍ ମେଃଡିଗ୍ ସାମୁଆଁ ମ୍ୟାଃନସା ରାଜି ଡିଙ୍ଗ୍ ଆଲେଃରେ ।

୩ ☆ ଆତେନ୍ ବେଲା ନେଙ୍ଗ ଅସକ୍ତିଆ ନ୍ଲେଃଗେ କାଲାଆଃ ବୁଟତେ ଜୁର୍ ଶ୍ରିଂଗେ ।

୪ ନେଙ୍ଗନେ ବୁଦି ବିଃନେ ବାରି ସାମୁଆଁ ରେମୁଆଁ ବୁଦିନେ ସାମୁଆଁ ବାନ୍ ପାଙ୍ଗ ଆଲେଃକେ ଶୁ । ଆତେନ୍ ଇସପରନେ ଆମ୍ବାନେ ବପୁରେ ସଡ଼ ପାରମାନ୍ ବାନ୍ ବାସଙ୍ଗ୍ ଡିଙ୍ଗ୍ଲେଃକେ ।

୫ ତେସା ପେନେ ବିସବାସ୍ ରେମୁଆଁନେ ବୁଦି ଆଡ଼ାଡ଼ା ଆଲେଃକେ ଶୁ ଆତେନ୍ ଇସପର ବପୁରେ ତିଆର୍ ତିଲେଃ ।

ଇସପରନେ ବୁଦି

୬ ଏଲେଡିଗ୍ ଗର୍ବେ ବିଡ଼ରେନେ ଗିଆନ୍ ବାବରେ ମ୍ଲୁଆର୍ଏ, ଦେଡ଼ରକମ୍ ରେମୁଆଁଇଂନେ ଡାଗରା ବୁଦି ସାମୁଆଁ ମ୍ବାସଙ୍ଗ୍ଏ, ମାତର୍ ଆକେନ୍ ଗିଆନ୍ ଏନ୍ ଜୁଗ୍ନେ ଗିଆନ୍ ଶୁରା ଏନ୍ ଜୁଗ୍ନିଆ ସାସନ୍ ଡିଙ୍ଗ୍ମ୍ୟାକ୍ଲେ ନସ୍ ଆଃଡ଼ିଂମ୍ୟାକ୍ଲେ ସାସନ୍ ତିଂଶ୍ଟେନେ ଗିଆନ୍ ଶୁ ।

୭ ନେଙ୍ଗ ଇସପରନେ ଡାଡ଼ତେ ବୁଦିନେ ସାମୁଆଁ ବାସଙ୍ଗ୍ଶ୍ରିଙ୍ଗ୍କେ, ଆତେନ୍ ବୁଦି ରେମୁଆଁବାନ୍ ବୁଡ଼ିତେ ବକେ, ଏଲେଡିଗ୍ ନେନେ ନିମାଣ୍ଡା ନସା ମଞ୍ଚପୁରକେ ଆଃରେନେ ସିସେ ଆଃ ଇସପର ଆକ୍ମେକେ ଆଃରେ ବଗେ ।

୮ ମଞ୍ଚପୁରନେ ମେଃଡିଗ୍ ସାସନ୍ ଡିଙ୍ଗ୍ଶ୍ଟେ ଏନ୍ ବୁଦିନେ ପରିଚୟ ବାଆଲେଃଗେ ଶୁ । ଜଦି ଆତେନ୍ ବାପାଲେ ତେଲା ମେଇଂ ମ୍ଲୁମ୍ଲମା ମାପୁକେ କୁରୁସ୍ ଅରିଆ ଆରାଃଗୁଏଃଆର୍ ପାଡ଼ିଙ୍ଗ୍ ।

୯ ତିରକମ୍ ଦର୍ମ ସାସ୍ତ୍ରନ୍ନିଆ ଗୁଆର୍ବକେ:

“ଜା ଅଃନା ମେଃଡିଗ୍ ଆକେକେ ବା ଆଅଁକେ ଶୁ

ମେଁନେ ଗଟେନେ ଜା ଆବାବେକେ ଶୁ

ଆମେକେ ଆଲାଦ୍ ତିଂମ୍ୟାଃକ୍ଲେ ରେମୁଆଁଇଂନେ ଆଡ଼ଲା

ଇସପର ଆତେନ୍ ସାପା ଆର୍ମେ ବକେ ।”

୧୦ ଇସପର ମେଁନେ ଆମ୍ବାବାନ୍ ଆତେନ୍ ବୁଡ଼ିଲେଃକ୍ଲେ ବିସୟ୍ ଆନେକେ ଆଃମ୍ୟାବକେ । ଆତେନ୍ ପରମାମ୍ବା ଆଃ ଇସପରନେ ବିଡ଼େନେ ବାବନା ସାପାରେନେ ତୁର୍ ଅଲେଙ୍ଗ୍ଏ ।

୧୧ ରେମୁଆଁନେ ସାପା କିଚି ମୁଇଁ ମେଁନେ ବିଡ଼ରେନେ ଆମ୍ବା ମ୍ୟାଃଏ ।
ଦେଡ଼ରକମ୍ ମୁଇଁ ଇସପରନେ ଆମ୍ବା ଇସପରନେ ବିସୟରେ ସାପା
କିଚି ମ୍ୟାଃଏ ।

୧୨ ନେନେ ସାଂସାରିକ ଆମ୍ବା ନେବାକେ ଶୁ । ମାତର ଇସପର
ଆରେ ବକ୍ତେ ସାପା ବିସୟ ମ୍ୟାଃନ୍‌ସା ଇସପର ବେବକ୍ତେ ଆମ୍ବାକେ
ସାଃନେଲେଃକେ ।

୧୩ ଆତେନ୍‌ସା ବିଡ୍ରେ ଚିନ୍ତା ରେମୁଆଁଇଁନେ ଡାଗରା ବିଡ଼ରେନେ
ବାବନା ସଡ଼ ବାସଙ୍ଗନେ ବେଲା ନେନେ ସାଂସାରିକ ଗିଆନ୍‌ରେ
ସାମୁଆଁ ବାସଙ୍ଗ ନେବ ଶୁ; ପବିତ୍ର ଆମ୍ବାନେ ବୁଦି ଇସାବରେ ଆତେନ୍
ସଡ଼ ସାପା ବୁଦି ବିନେଡ଼ିଙ୍ଗ ।

୧୪ ମାତର ଜାଗତିକ୍ ଆମ୍ବାନେ ଚିନ୍ତା ଶୁ । ମେଁ ମ୍ମାଃ ଆମ୍ବାନେ
ଦାନ ଆଣ୍ଡେଙ୍ଗ ସାଃନ୍‌ସା ତିଆର ତିଙ୍ଗଲେଃକେ । ମେଁ ପକରୁଡ଼ରେ
ଆକେନ୍ ଦାନଆଣ୍ଡେଙ୍ଗ ଦ୍ଵିଗ୍‌ଆୟା ଶୁ । ଆତେନ୍ ସାପା ମେଁ
ଆଡ଼ଲା ମୁର୍କ ରକମ୍; ମେଃଡାଗଲା ବିଡ଼ରେନେ ବାବରେ ଆତେନ୍
ଆଣ୍ଡେଙ୍ଗନେ ମେଃଡିଗ୍ ବିଚାର ତିଙ୍ଗୟାଏ ।

୧୫ ଇସପରନେ ଆମ୍ବା ଲେଃକେ ରେମୁଆଁ ସାପା ବିସୟରେ ସଡ଼
ସାମୁଆଁ ଦ୍ଵିଗ୍‌ୟାଏ ମାତର ମେଁ ନିଜେ ଜାବାନ୍ ତିଗ୍ ବିଚାର ଆଡ଼ିଙ୍ଗ
ଶୁ ।

୧୬ ଦର୍ମ ସାସ୍ତରନ୍ନିଆ ତିରକମ୍ ଗୁଆର ବକେ;

“ଜାଣ୍ଡେ ଇସପରନେ ମନ୍‌ନେ ବାବନା ଦ୍ଵିଗ୍‌ୟାଏ ?

ଜାଣ୍ଡେ ଆମେକେ ଆଦେସ୍ ବିୟାଏ ?”

ମେଁ ତିଃଡ଼ି ତିଙ୍ଗଲେଃ ନେ କିସ୍‌ନେ ମନ୍‌ନେ ବାବନା ସାଃ
ନେଲେଃକେ ।

୩

ଇସପରକେ ଗତିରେ

୧ ଅ ବୟାଁ ବାରି ତନାଇଁ ଇସପରନେ ଆମ୍ବା ଲେଃକେ
ରେମୁଆଁଇଁନେ ଏତେ ବାଲିରବାତା ତିଙ୍ଗଲେ ରକମ୍ ନେଙ୍ଗ୍ ପେ
ଏତେ ବାଲିରବାତା ତିଙ୍ଗ ନେଡ଼ିଙ୍ଗକେ ଶୁ । ମାତର ନେଙ୍ଗ୍ ଆପେକେ
ଏନ୍ ମାସ୍ତପୁରନେ ରେମୁଆଁ ବାରି କ୍ରିସ୍ଟିୟ ବିସ୍‌ବାସ୍‌ରେ ଚିରଲାଅ ମନେ
ଏତେତେ ସାମୁଆଁ ବାସଙ୍ଗମ୍‌କେ ।

୨ ✨ନେଙ୍କ ଆପେକେ ତ୍ରାଃଡ଼ିଆ ଆଉଗ୍ରେ ବିନ୍ ବଲେ ନାବିକେ ଶୁ ତାଗ୍ଲା ପେଇଁ ଆତେନ୍ ନ୍ୟା ଇକ୍ତା ପେଡ଼ିକେ ଶୁ ବାରି ଏବେ ଡିଗ୍ ଇକ୍ତା ପେଡ଼ିକ୍ତାକେ ଶୁ

୩ ଏବେ ଡିଗ୍ ପେ ସାଂସାରିକ ରେମୁଆଁଇଁନେ ସୁଗୁଆ ବୁଆ ଡିକେ ପେଡ଼ିକ୍ତାକେ । ପେ ବିଡ୍ରେ ରିସା ବାରି ନେଃନେ ବିଡ୍ରେ ଓଁକ୍ତାଆଃରିଆଃ ଲାଗେ ଲେଃକେ । ଆକ୍ବାନ୍ ମେଁନେ ପେ ଗାଗ୍ଡେନେ ବାରି ସାଂସାରିକ ତାଗ୍ରେ ପରମାନ୍ ଡିକ୍ତାପେଡ଼ିକ୍ତା ?

୪ ପେ ବିଡ୍ରେବାନ୍ ଜାଡିଗ୍ ଉଡ଼ିବେଲା ବାସକ୍ତାଏ ନେଙ୍କ ପାଉଲ୍ଲନେ ବାରି ଜାଣ୍ଡେ ବାସକ୍ତାଆର୍ଏ, ନେଙ୍କ ପାଉଲ୍ଲଇଁନେ ବାରି ଜାଣ୍ଡେ ବାସକ୍ତାଆର୍ଏ ନେଙ୍କ ଆପଲ୍ଲଇଁନେ ଆତେନ୍ ବେଲା ମେଁନେ ପେଇଁ ସାଂସାରିକ ରେମୁଆଁଇଁନେ ସୁଗୁଆ ବେବଆର୍ ଡିକ୍ତା ପେଡ଼ିକ୍ତାକେ ?

୫ ଆପଲ୍ଲ ଜାଣ୍ଡେ ? ବା ପାଉଲ୍ଲ ଜାଣ୍ଡେ ? ନେ ଇସ୍ପରନେ ସେବାରେ ମାତର୍ ଆପେକେ ବିସ୍ବାସ୍ ଆଡ଼ିକ୍ତାନେସା ନେ ସାଇଜ ଡିକ୍ତାନେଡ଼ିକ୍ତାକେ । ଇସ୍ପର ନେନେ ବିଡ୍ରେବାନ୍ ସାପାରେକେ ଆଣ୍ଡିନେ ସ୍ନେନିଆ ସ୍ତ୍ରୀ ବକେ, ନେ ଆତେନ୍ କାମ୍ ଡିକ୍ତାନେବକେ ।

୬ ✨ନେଙ୍କ ଉଁମ୍ତକେ ବାରି ଆପଲ୍ଲ ଆଡ଼ଅରିଆ ଶ୍ରିଆ କିଗ୍ ବକେ ମାତର୍ ଇସ୍ପର ଆମ୍ବା ବକେ ।

୭ ତେସା ସ୍ଲା ଉଁଣ୍ଡେ ବାରି ଶ୍ରିଆ ବିଣ୍ଡେ, ମେଃଡ଼ିଗ୍ ଶୁ, ମାତର୍ ସ୍ଲାକେ ଆମ୍ବାଣ୍ଡେ ପୁରନ୍ କର୍ତା ଇସ୍ପର, ସାପାବାନ୍ ସାପା ।

୮ ଜା ଉଁଣ୍ଡେ ବାରି ଶ୍ରିଆ ବିଣ୍ଡେ ବିଡ୍ରେ ମେଃଡ଼ିଗ୍ ବିନେ ଶୁ, ନିଜର୍ ନିଜର୍ନେ କସ୍ ଇସାବ୍ରେ ଇସ୍ପର ଆମେଇଁକେ ପୁରୁସକାର୍ ବିଏ ।

୯ ତାଗ୍ଲା ନେ ଇସ୍ପର ଏଡେ କୁଡ୍ରେଟେ ସ୍ନେରେ; ପେ ଇସ୍ପରନେ ଲିଜ ବାରି ଇସ୍ପରନେ ତୁଆ ।

୧୦ ଇସ୍ପର ବିଃକ୍ତେ ଲିବିସ୍ ସୁଗୁଆ ମୁଇକ୍ତା ତାର୍ ଆରେଣ୍ଡେ ବାବ୍ରେ ନେଙ୍କ ମୁଲ୍ ପାଣ୍ଡୁସ୍ ଲ୍ଲାଗ୍ମକେ । ବିନ୍ ମୁଇକ୍ତା ଏନ୍ ପାଣ୍ଡୁସ୍ ଆଡ଼ାଡ଼ା ଆଃରେ ମ୍ତକେ । ମାତର୍ ଆଃରେକ୍ତେ ବେଲା ନେ ସାପାରେ ତରକ୍ ଡିକ୍ତାନେ ଦରକାର୍

୧୧ ମେଃଡ଼ାଗ୍ଲା ଇସ୍ପର ଜିସୁ କିସ୍ତକେ ମୁଇକ୍ତା ମାତର୍ ମୁଲ୍ ପାଣ୍ଡୁସ୍ ଆଡ଼ିକ୍ତାରେ ଆଃରେ ବକେ; ଆମେକେ ଆନ୍ତାବ୍ରେ ମେଁ ଡିଗ୍

✨ ୩:୨ ଏବ୍ରି ୫:୧୨,୧୩. ✨ ୩:୨ ପ୍ରେରିଡ୍ ୧୮:୪-୧୧; ପ୍ରେରିଡ୍ ୧୮:୨୪-୨୮.

ମୁଲ୍ ପାଣ୍ଡୁସୁନ୍ ତିଆର୍ ତିଙ୍ଗ୍ ଆୟା ଆରଏ ଶୁ ।

୧୨ ଏନ୍ ପାଣ୍ଡୁସୁନ୍ ଆଡ଼ାଡ଼ା ଜାଣ୍ଡେ ଜାଣ୍ଡେ ସୁନା ରୁପା ଦାମ୍ ଦାମ୍‌ନେ ବି ଆଡ଼ାଡ଼ା ଆରେମ୍ୟାକେ ବାରି ଜାଣ୍ଡେ ଜାଣ୍ଡେ ସୁଆ ଚେଃମୁଆଁ ବାରି ବୁରିୟାଃ ଲ୍ଲାଗ୍‌ଚେ ତିଆର୍ ତିଙ୍ଗ୍ ମ୍ୟାକେ ।

୧୩ ମାତର୍ “କିସ୍‌ଟ ଡ଼ିଆନେଦିନା” ସାପାରେନେ କାମ୍ ନ୍‌ଏ । ଆଡେନ୍ ଦିନା ସୁଆ ଏଡେ ସାପାରେନେ କାମ୍ ପରିକ୍ୟା ତିଙ୍ଗ୍‌ଚେ ତିରକମ୍ ତଣ୍ଡ ବାନେ ମେଁ ଆର୍ମେଏ ।

୧୪ ଜଦି ମୁଲ୍ ପାଣ୍ଡୁସୁନ୍ ଆଡ଼ାଡ଼ା ଜା ଆଃରେକ୍‌କେ କାମ୍ ସୁଆନେ ପରିକ୍ୟାନ୍ନିଆ ଆଃରିସା ଶୁ ମେଁ ପୁରୁସ୍‌କାର୍ ବାଏ ।

୧୫ ଜାନେ କାମ୍ ନସ୍‌ଟ ତିଙ୍ଗ୍‌ଏ ମେଁ ଆଡ଼ବାନ୍ ମେଁଏ ମାତର୍ ମେଁ ସୁଆବାନ୍ ଉଦାର୍ ବାଲେଃକ୍‌କେ ରେମୁଆଁ ସୁଗୁଆ ମେଁ ରକ୍ୟା ବାଏ ।

୧୬ ଯେ ବଲ୍ ବାବ୍‌ରେ ମ୍ୟାପେଲେଃକେ ଜେ ପେଇଁ ଇସ୍‌ପର୍‌ନେ ମନ୍ଦିର୍ ଇସ୍‌ପର୍‌ନେ ଆମ୍‌ା ପେଇଁନେ ଉର୍‌ଦେନ୍ନିଆ ବାସା ତିଙ୍ଗ୍‌କେ ।

୧୭ ଜା ଜଦି ଇସ୍‌ପର୍‌ନେ ମନ୍ଦିର୍‌କେ ନସ୍‌ଟ ଆଡ଼ିଙ୍ଗ୍‌ଏ ଇସ୍‌ପର୍‌ ଆମେକେ ନସ୍‌ଟ ଆଡ଼ିଙ୍ଗ୍‌ଏ । ମେଁ ତାଗ୍‌ଲା ଇସ୍‌ପର୍‌ନେ ମନ୍ଦିର୍ ପବିତ୍ର ବାରି ଯେ ଆଡେନ୍ ମନ୍ଦିର୍ ।

୧୮ ଜା ତିଗ୍ ନିଜେକେ ଆନାଲେଲେ । ଯେ ବିତ୍ରେବାନ୍ ଜା ଜଦି ନିଜେକେ ସଂସାର୍‌ନେ ବିସ୍‌ୟରେ ଜ୍ଞାନି ତାଗ୍‌ଚେ ବାବେଏ ସଡ଼ ଜ୍ଞାନ ବାନେସା ଆମେକେ ଆମ୍ୟାଃକେ ସୁଗୁଆ ତିଙ୍ଗ୍‌ନେ ପଡ଼େଏ

୧୯ ମେଃଡ଼ାଗ୍ଲା ଏନ୍ ମଞ୍ଚ୍‌ପୁର୍ ଇସାବ୍‌ରେ ମେଁନେ ଗିଆନ୍ ଆଡେନ୍ ଇସ୍‌ପର୍‌ନେ ସାମ୍‌ନାରେ । ବାରି ମୁଇଁତର୍ ଦର୍ମ ସାସ୍‌ପର୍‌ନ୍ନିଆ ଗୁଆର୍ ବକେ: “ଇସ୍‌ପର୍ ଜ୍ଞାନି ରେମୁଆଁଇଁକେ ମେଁଇଙ୍ଗ୍‌ନେ ନୁଆଁ ନୁଆଁଚେ ସାଃମ୍ୟାକେ ।”

୨୦ ବାରି “ମାପୁ ମ୍ୟାଆଲେଃକେ ଜେ ଜ୍ଞାନି ରେମୁଆଁଇଁନେ ଚିନ୍ତା ବାବ୍‌ନା ମାଲେ ।”

୨୧ ମନେ ତିଙ୍ଗ୍‌ପା ରେମୁଆଁ ତିଙ୍ଗ୍‌ନେ ସାପା ସ୍ତେ ବିସ୍‌ୟରେ ଜା ତିଗ୍ ବଡ଼ପନ୍ ଆଡ଼ିଙ୍ଗ୍‌ଲେ; ସଡ଼ରେ ଯେ ସାପା ବିସ୍‌ୟରେ ଅଦିକାରି ।

୨୨ ପାଉଲ୍, ଆପଲ୍, ପିତର୍, କେଫା ଆକେନ୍ ମଞ୍ଚ୍‌ପୁର୍ ପାରାନ୍ ବାରି ଗୁଗୁଏନେ ଏକେ ବାରି ଇଡ଼ିଙ୍ଗ୍‌ଡେ ସାପା ଯେନେ ।

୨୩ ମାତର୍ ଯେ କିସ୍‌ଟନେ ବାରି କିସ୍‌ଟ ଇସ୍‌ପର୍‌ନେ ।

୪

କ୍ରିଷ୍ଟ ବେବକ୍ଲେ ସିସ୍

୧ ଯେ ଆନେକେ କିସ୍ତନେ ଜତନ୍ ତିଙ୍ଗ୍ଣେ ଡାଗ୍ରେ ବାବେନେ ଦରକାର । ଇସ୍ପର୍ ଆନେକେ ଆଡ଼ାତ୍ରାନେ ତାଡ଼ତେ ସାମୁଆଁକେ ସାମାଲେନ୍‌ସା ମୁଇଙ୍ଗ୍ ଗୁମୁସ୍ତାକେ ବକେ ।

୨ ଦେକ୍ ରକମ୍ ଦାଇଡ଼ ବାଲେଃକ୍ଲେ ରେମୁଆଁ ନିଜର୍ ମାପୁନେ ଆଡ଼ାତ୍ରା ବିସ୍ବାସ୍ ବନେ ଜାବର୍ ଦରକାର ।

୩ ଏନ୍ ବିସ୍ମରେ ଯେ ବାନ୍ ଶୁଲା ଜା ତିଙ୍ଗ୍ଲେ ରେମୁଆଁ ବିଚାରନାନ୍ନିଆ ବିଚାର୍ ତିଙ୍ଗ୍ ନ୍‌ସା ଆନେଙ୍ଗ୍ ଚିନ୍ତା ଶୁ ଦେକ୍‌ରକମ୍ କି ନେଙ୍ଗ୍ ନିଜେ ତିଗ୍ ନିଜେନେ ବିଚାର୍ ତିଙ୍ଗ୍‌ନାତିଙ୍ଗ୍‌କେ ଶୁ ।

୪ ନେଙ୍ଗ୍ ବିରଦ୍ରେ ମେଃଡିଗ୍ ବିସ୍ମ ଲେଃନେ ସାମୁଆଁ ନେଙ୍ଗ୍ ନ୍ମାମାକେ ଶୁ । ଏଲେଡିଗ୍ ଆକ୍‌ମେନେ ଅରତ ଶୁ ଜେ ନେଙ୍ଗ୍ କ୍ଲିଗ୍‌ତା ବାବ୍ରେ ଦସି ଶୁ । ମାତର୍ ମାପୁ ନିଜେ ନେଙ୍ଗ୍‌ନେ ବିଚାର୍ ତିଙ୍ଗ୍ଣେ ।

୫ ତେସା ଆର୍ମେ ବକ୍ଲେ ବେଲା ସିସେବାନ୍ ଯେ ଜାନେ ତିଗ୍ ବିଚାର୍ ଆଡିଙ୍ଗ୍‌ପା । ସାରସାରି ବିଚାର୍ ମାପୁ ପାଙ୍ଗ୍‌ନେ ବେଲା ତିଙ୍ଗ୍‌ଏ । ମେଁ ତାଙ୍ଗ୍‌କିଗ୍‌ନେ ବୁଡ୍‌ଲେଃକ୍ଲେ ସାମୁଆଁ ସାପା ତାର୍‌କିଗ୍‌ନିଆ ତୁଙ୍ଗ୍‌ପାଙ୍ଗ୍‌ଏ । ରେମୁଆଁଲ୍‌ନେ ମନ୍‌ଅରିଆ ବୁଡ୍‌ଲେଃକ୍ଲେ ବାବ୍‌ନା ସାପା ବାସଙ୍ଗ୍‌ଏ । ଆଡେନ୍‌ବେଲା ସାପାରେ ଇସ୍ପର୍ ଡାଗ୍ରାବାନ୍ ନିଜେ ନିଜେନେ ତିଲାଡିଗ୍ ପ୍ରସଂସା ବାଆରୁଏ ।

୬ ବର୍ଯ୍ୟା ବାରି ତନାଇଂ ମାତର୍ ଯେନେ ମଙ୍ଗ୍‌ଲ୍ ନ୍‌ସା ନେଙ୍ଗ୍ ଆପଲ୍ ବାରି ନେଙ୍ଗ୍ ବିସ୍ମରେ ଏନ୍ ସାପା ସାମୁଆଁ ବାସଙ୍ଗ୍‌ମୁକେ । ଆନେ ମ୍ବାୟାକେ ଉଦାଅରନ୍ ରକମ୍ ମନେ ତିଂତେ ଯେ ସିକେନେ ଦରକାର୍ ଜେ “ସାସ୍ତର୍‌ନିଆ ମେଁନେ ଗୁଆର୍ ବକେ ଆମେକେ ଆନ୍ତାର୍‌ତେ ବାରି ଜାବର୍ ବାଏରେ ଝେନେ ବଲ୍ ଶୁ ।” ଯେ ବିଡ୍ରେବାନ୍ ଆଜାକେ ତୁଂଝେତେ ବଡ୍‌ପନ୍ ଆରାସୁଏଲେ ବା ଆଜାକେ ଆଉରଲେ ।

୭ ବିନ୍ ବାନ୍ ଆପେକେ ଜାଣ୍ଡେ ମ୍ବା ଆଡିଙ୍ଗ୍ ବକେ ? ଯେନେ ସାପା ମେଁନେ ଇସ୍ପର୍‌ନେ ଦାନ୍ ଶୁ ? ତେଲା ଯେନେ ମେଃ ଲେଃକେ, ଆଡେନ୍ ଦାନ୍ ରକମ୍ ବାମାଲେଃକେ ରକମ୍ ବଡ୍‌ପନ୍ ତିଙ୍ଗ୍‌ପେଡିଙ୍ଗ୍‌କେ ମେଃସାଃ ?

୮ ପେନେ ଦରକାର ଲେଖକେ ସାପା ବିସୟ ବା ପେଲେକେ କି ? ପେ ମୋମୋନେ ସାକାର ତିଙ୍ଗପେଲେଖକେ ? ପେ ମୈନେ ମୁଇଁ ମୁଇଁ ଇଃସାଙ୍ଗ ତିଙ୍ଗ ପେଲେକେ ଜଦି ନେ ତିଙ୍ଗ ନେୟାକେ ? ସତେଆ ପେଇଁ ଇଃସାଙ୍ଗ ତିଙ୍ଗ ପେଲେଖକେ ? ତେଲା ନେ ପେନେ ଆତେନ୍ ଇଃସାଙ୍ଗ ପଦ୍ ବାନ୍ ନେପାକୁଡ଼େ ।

୯ ସତ୍ ସାମୁଆଁ ବାସଙ୍ଗନେ ଝେଲା ଆନେଙ୍ଗ ମନେ ଲେଖକେ ଜେ ନେନେ ରକମ୍ ପ୍ରେରିତ୍ ସିସ୍ଲଂକେ ଇସ୍ପର୍ ସାପାରେକେ ପ୍ଲା ବକେ । ରେମୁଆଁ ସାମନା ଗୁଏନେ ତଣ୍ଟ ବାତେ ସାପା ଦର୍ତ୍ତନିନେ ରେମୁଆଁ ବାରି ଦେବ୍ ଦୁଡ଼ଇଁ ତାଗ୍ରା ଉପହାସନେ ପାତ୍ର ରେମୁଆଁଇଁନେ ରକମ୍ ଆନେକେ ମୈ ବକେ ।

୧୦ ନେ କିସଟନେ ନସା ବୁଦି ଶୁଭୁତାଗତେ ସ୍ନାମୁଆଁ ନେଲେଖକେ ମାତର୍ କିସଟ ଏତେ ମିସୁପେଲାଗେସା ପେ ଜାନି । ନେ ଅସକତ୍ୟା, ମାତର୍ ପେ ତାଟ୍ । ନେ ଅମାନି ରେମୁଆଁ, ମାତର୍ ପେ ସନ୍ମାନଶ୍ରେ ।

୧୧ ଏବେ ତିଗ୍ କେଡ଼େସଃ ନେଲେଖକେ ଉଗତ୍ୟାଃ ତଡ଼ିକେ ତେକପ୍ୟାଃକେ ପାଟାଲ ସଃକ୍ଲେଖକେ ମାଡ଼୍ ଚଙ୍ଗ୍ଲେଖକେ ବାରି ଆନେଙ୍ଗ୍ ତୁଆ ଶୁ ।

୧୨ ଜାବର୍ କାମ୍ ତିଙ୍ଗ୍ରେ ନେ ଦିନକେ ଦିନ୍ ଲାକାଃ ଝେ ନେଲେକେ । ଜାଣ୍ଟେ ଆନେକେ ଅବିସାପ୍ ବିଲା ନେ ଆମେକେ ଆସିର୍ବାଦ୍ ନେତିଙ୍ଗ୍ । କସ୍ ପାଙ୍ଗ୍ଲା ସାମ୍ପାଲେ ନେଝେଏ ।

୧୩ ଅପମାନ୍ ତିଙ୍ଗ୍ରେ ମିସୁନେ ସାମୁଆଁ ବାସଙ୍ଗନେତିଙ୍ଗ୍; ଏଃଜାକ ତିଗ୍ ନେ ମଞ୍ଚ୍ପୁରନେ କାଟ୍‌ରା, ସାପାରେନେ ଚିନ୍ ରକମ୍ ତିଙ୍ଗ୍‌ନେଲେଖକେ ।

୧୪ ନେଙ୍ଗ୍ ଆପେକେ ଗିଆସ ଆଡ଼ିଙ୍ଗ୍ ନସା ଏନ୍ ସାପା ବିସୟ ଗୁଆରନ୍ନାଡ଼ିକେ ଶୁ ମାତର୍ ନେଙ୍ଗ୍‌ନେ ନିଜର୍ ଉଙ୍ଗ୍‌ଡେ ତାଗ୍‌ରେ ମନେ ତିଙ୍ଗ୍‌ରେ ଆପେକେ ତରକ୍ ଆଡ଼ିଙ୍ଗ୍ ନସା ଏନ୍ ସାପା ଗୁଆର୍ ଶ୍ରିଙ୍ଗ୍ ।

୧୫ କ୍ରିସ୍ଟନ୍ ପାରାନ୍‌ନିଆ ପେନେ ଗୁଲୁଏ ଦରମ୍ ଗୁରୁ ଲେଖଆର୍ଏ । ମାତର୍ ପେନେ ଆବା ମୁଇଙ୍ଗ୍ । ପେନେ ତାଗ୍ରା ମାପୁର ସାମୁଆଁ ମ୍ବାସଙ୍ଗ୍‌କେ ବାରି ଜିସୁ କିସଟକେ ପେ ପେସାକେ ଆଡ଼ବା ନେଙ୍ଗ୍ ପେନେ ଆବା ରକମ୍ ତିଙ୍ଗ୍ ନେଲେଖକେ ।

୧୬ ଏନ୍‌ସାଃ ନିଏକେ ସାର୍ଲି ଶ୍ରିଂକେ, ପେଇଂ ନିଂ ପ୍ଲାଃ ପାଙ୍ଗ୍‌ଲାପା ।

୧୭ କିସ୍‌ଟିୟାନ୍ ପାରାନ୍‌ନିଆ ନେଙ୍ଗ୍‌ନେ ନିଜର୍ ବାରି ବିସ୍‌ବାସ୍‌ରେ ଲେଃକ୍‌ନେ ନେଉଂ ତିମତିକେ ପେ ତାଗ୍‌ରା ବେଶ୍ରିଂକେ । ନେଙ୍ଗ୍ ମାପ୍‌ରୁ କିସ୍‌ଟିନେ ତାଗ୍‌ରା ଲେଃକ୍‌ରେ ଆଣ୍ଡିନେ ମି ପାରାନ୍ ବୁଆ ତିଙ୍ଗ୍‌ଶ୍ରିଂକେ ବାରି ସାପା ସାପାନେ ମଣ୍ଡୁଲି ତାଗ୍‌ ଆଣ୍ଡିନେ ସାପା ବୁଦି ବିଃଶ୍ରିଂକେ, ଆତେନ୍ ମେଁ ଆପେକେ ରେଡ୍‌ନା ଆଡିଙ୍ଗ୍ ବିଏ ।

୧୮ ନେଙ୍ଗ୍ ପେଇଂନେ ତାଗ୍‌ ନ୍ନାଝେ ତାଗ୍‌ରେ ବାବେରେ ଜାଣ୍ଡେ ଜାଣ୍ଡେ ଗର୍ବ ତିଙ୍ଗ୍‌ଆରତିଂକେ ।

୧୯ ଇସ୍‌ପର୍ ଇକ୍‌ଟା ତିଙ୍ଗ୍‌ଲା ନେଙ୍ଗ୍ ଜିଆ ପେ ତାଗ୍‌ ଜୁଏଃଏ ଆତେନ୍ ବେଲା ଏନ୍ ତିଆର୍ ତିଙ୍ଗ୍‌ଲେଃକ୍‌ ରେମୁଆଁଇଂନେ ସାମୁଆଁ ମାତର୍ ନାଅଁ ଶୁ ସତେଆ ମେଁଇଂନେ ଉଡି ବପୁ ଲେଃକେ ଆତେନ୍ ନେଙ୍ଗ୍ କ୍ଲେଏ ।

୨୦ ତାଗ୍‌ ଇସ୍‌ପର୍‌ନେ ରାଇଜ୍ ମାତର୍ ନ୍ନାଲିର୍‌ନେ ବିସ୍‌ୟରେ ଶୁ ମାତର୍ ବପୁନେ ବିସ୍‌ୟରେ ନାଏ ।

୨୧ ପେ ମେଃମେଃନେ ଚାଏଁପେତିଂକେ ? ନେଙ୍ଗ୍ ମେଃମେଃନେ ଆପେକେ ସାସନ୍ ତିଙ୍ଗ୍‌ନସା ଚାବୁକ୍ ତୁଙ୍ଗ୍ ଖାଙ୍ଗ୍‌ଏ ? ଶୁ ଆଲାଦ୍ ବାରି ସାର୍ଦା ମନ୍ ତିଙ୍ଗ୍‌ରେ ଜୁଏଃଏ ?

୫

ମଣ୍ଡୁଲିନିଆ ଦଦିଆ ବାଃଲିର୍‌ବାଃତା

୧ ସତେଆ ଅଁ ନେଡିଙ୍ଗ୍‌କେ ଜେ, ପେ ମୁଡି ବୟ୍‌ଜାର୍ ଦଦ୍ୟା କାମ୍ ତିଙ୍ଗ୍‌ପେଡିଙ୍ଗ୍, ଆତେନ୍ ବିଜାତିଇଂନେ ଅରିଆ ତିଗ୍ ଆନାକେ ଶୁ । ନେଙ୍ଗ୍ ଦ୍ରିଗ୍‌ଶ୍ରିଙ୍ଗ୍ ପେ ବିଡ୍ରେବାନ୍ ମୁଇଂତା ମେଁନେ ଆବାଡେନେ କୁନେଡେ ଏତେ କୁଡେଃମାଡେଃ ତିଙ୍ଗ୍‌ଡିଙ୍ଗ୍‌କେ ।

୨ ଏଲେଡିଗ୍ ପେଇଂ ତିରକମ୍ ନିଜର୍ ବିସ୍‌ୟରେ ଗରବ୍ ତିଙ୍ଗ୍ ପେୟାକେ ? ସଡ୍‌ପାକା ପେ ଗିଆସରେ ଦେଡ୍ ରକମ୍ ରେମୁଆଁକେ ପେ ବିଡ୍ରେବାନ୍ ଆଃତାର୍‌ବିନେ ଦର୍‌କାର୍ ।

୩ ନେଙ୍ଗ୍ ଆଡ୍‌ଅରିଆ ଗାଗ୍‌ଡେ ଇସାବ୍‌ରେ ଝେଟା ନାଲେଃଲା ତିଗ୍ ଆମିକ୍ ବାବ୍‌ରେ ଝେଟାକ୍ଲେଃକେ ତାଗ୍‌ରେ ମନେ ବାବେରେ

☆ ୪:୧୭ ୧ କରିନତିୟ ୧୧:୧; ପିଲିପିୟ ୩:୧୭.

ଦେହରକମ୍ ଦଦ୍ୟା କାମ୍ ତିଙ୍ଗବକ୍ତ୍ରେ ରେମୁଆଁ ବିରୁଦ୍ଧରେ ମାପୁ ଡ଼ଣ୍ଡ
ବିଃ ଆଃତାବକେ ।

୪ ମାପୁ ଜିସୁନେ ମ୍ନିରେ ପେଇଂ ମୁଇଂଅରିଆ ରିସିଙ୍ଗନେ ବେଲା
ନେଙ୍ଗ୍ ତିଗ୍ ଆଡ଼ଅରିଆ ଆମ୍ବିକ ବାବ୍ରେ ଝେଟାନ୍ନେଃକେ ତାଗ୍ଟେ
ମ୍ୟାପା ବାରି ମାପୁ ଜିସୁନେ ବପୁ ନେନେ ଅରିଆ ପାଙ୍ଗଲେଃକେ ।

୫ ଦେକ୍‌ରକମ୍ ରେମୁଆଁ ଗାଗ୍‌ଡ଼େନେ ନସ୍ ଆଡ଼ିଙ୍ଗନେସା
ସୟତାନ୍ନେ ଛିନିଆ ବିଃନେ ଦରକାର୍ ଜେନ୍ତିକି ମାପୁ ଜିସୁ ପାଙ୍ଗନେ
ଦିନା ମେଁନେ ଆମ୍ବି ରକ୍ୟା ବାୟାଏ ।

୬ *ପେ ବିତ୍ତେ ଦେକ୍‌ରକମ୍ ଗର୍ବ ତିଙ୍ଗନେ ବଲ୍ ଶୁ । ପେ ମେଁନେ
ପେମ୍ୟାକେ ଇକୁଡ଼ା ଖମିର ତାଡ଼ତେ ମଇଦାକେ ଖମିର୍ ଆଡ଼ିଙ୍ଗବିଏ
?

୭ ପେ ବିତ୍ତେ ପାପ୍ ରକମ୍‌ନେ ବାଞ୍ଜିରକ୍ତେ କମିରକେ ସ୍ଥୁ ଆଡ଼ିଙ୍ଗଟେ
କ୍ଲିଗ୍‌ତା ପବିତ୍ର ତିଙ୍ଗପା । ତେଲା ପେ ଖମିର ଶୁନ୍ୟ ମିକ୍ତେ ପରଟଲ୍
ମଇଦା ରକମ୍ ପେଡ଼ିଙ୍ଗଏ ଏଲେଡ଼ିଗ୍ ନେଙ୍ଗ୍ ମ୍ୟାଃକେକେ ପେ ଏବେ
ଦେହରକମ୍ ପେଲେକେ । ନିସ୍ତାର୍ ପାଶୁଏ ଆମେଁନେ ତାଲେଃକେ ।
ବାରି କିସ୍‌ଟ ନେନେ ନିସ୍ତାର୍ ପାଶୁଏଃନେ ମେଣ୍ଡା ରକମ୍ ନିଜେ କିସ୍‌ଟ
ଗୁଏ ଲେଃକେ ।

୮ ଆଡେନ୍‌ସା ପାଙ୍ଗଲାପା ନେନେ ପାପ୍ ବାରି ଦୁସ୍ ରେମୁଆଁ ରକମ୍
ବାଞ୍ଜିରକ୍ତେ କମିର୍ ଆନ୍ତାର୍ ନେଃବିପା ବାରି କମିର୍ ଆମିସୁଃକେ ରୁଟି
ଏଡେ ବା ସଡ଼ରେ ବାରି ସାଦାସିଦା ରକମ୍ ରୁଟି ବାନ୍ ଆକେନ୍ ପାଶୁଏ
ନେଃଟଙ୍ଗପା ।

୯ ଅଡ଼ାରେଗ୍‌ଇଂନେ ଏଡେ ଆମିସୁନ୍‌ସା ନେଙ୍ଗ୍ ଆପେକେ
ନେଙ୍ଗ୍‌ନେ ଉଲିଆନ୍ନିଆ ଗୁଆର୍‌ମ୍‌କେ;

୧୦ ମେଁନେ ଅରତ ଶୁ ଜେ ଏନ୍ ମଞ୍ଚପୁରନେ ଅଡ଼ାରେଗ୍,
କଟିଙ୍ଗଡ଼େଗ୍, ଡ଼ଙ୍ଗାରେ ବାରି ମୁତ୍ ପୁଜା ତିଙ୍ଗଣ୍ଡେ ଏଡେ ମେଃଡ଼ିଗ୍
ସମ୍‌କ ପେବ ଶୁ । ଦେହରକମ୍ ତିଙ୍ଗଲା ଆପେକେ ମଞ୍ଚପୁରବାନ୍
ମୁଇଂ ମାଡ଼ରେ ତାର୍ ଝେ ତିଙ୍ଗଏ ।

୧୧ ନେଙ୍ଗ୍ ବାସଙ୍ଗନେ ଉଦେସ୍ ତିଙ୍ଗତିଙ୍ଗକେ ସାମୁଆଁ ତିଙ୍ଗତିଙ୍ଗେ
ଜେ ପେନେ ସାଙ୍ଗ୍ ତାଗ୍‌ଟେ ସ୍ମାମୁଆଃ ଲେଲା ତିଗ୍ ମୁଡ଼ି ରେମୁଆଁ

☆ ୫:୭ ଗାଳାତିୟ ୫:୯.

ଜଦି ଅଡ଼ାରେଗ, କଟିଙ୍ଗଡ଼େଗ, ମୁରତି ପୁଜାରି, ମାନିନ୍ଦାଣ୍ଡେ, ମଦୁଆ
ଶୁଲ୍ଲୀ ତଙ୍ଗାରେ ତିଙ୍ଗଲେଖଏ, ତେଲା ମେଁ ଏତେ ସାପା ସମ୍ପକ୍ ତିଙ୍ଗନେ
ଆଃସ୍ମାମୁଆଃ ବିଏ । ଦେକରକମ୍ କି ଦେକରକମ୍ନେ ରେମୁଆଁ ଏତେ
ଆଚଙ୍ଗାପା ।

୧୨ ବାଏରେ ରେମୁଆଁଇଁନେ ବିଚାର୍ ତିଙ୍ଗନ୍ଦସା ନେଙ୍ଗ ଜାଣ୍ଡେ ?
ମାତର ନେନେ ବିସ୍ବାସ୍ ଦଲ୍ଲନ୍ନିଆ କୁଡ଼େଲେକ୍ଲେ ରେମୁଆଁଇଁନେ
ବିଚାର୍ ତିଙ୍ଗନେ ଦାଇଡ଼ ମେଃନେ ନେଃନେ ଶୁ ?

୧୩ ଇସ୍ପପର୍ ମେଁଇଁନେ ବିଚାର୍ ତିଙ୍ଗଏ । ଦର୍ମ ସାସ୍ତ୍ରନ୍ନିଆ
ଗୁଆରବକେ “ପେ ବିତ୍ରେବାନ୍ ଦୁସ୍ତ୍ ରେମୁଆଁଇଁକେ ନୁଆଁପା ।”



କ୍ରିଷ୍ଟିଆନ୍ ବୟାଁଇଁନେ ବିରଦ୍ରେ ଦାବି

୧ ପେଇଁନେ ବିତ୍ରେ ମୁଇଁଜାନେ ବିରଦ୍ରେ ଜଦି ଜାଣ୍ଡେନେ
ମେଃଡ଼ିଗ୍ ସାମୁଆଁ ଲେଖଏ ତେଲା ମେଁ ବିସ୍ବାସି ଦଲ୍ଲ ଡାଗ୍ରା ମାଝେତେ
ଅବିସ୍ବାସିଇଁ ବିଚାର୍ ତିଙ୍ଗନେ ଡାଗ୍ରା ଝେନେସା ତିରକମ୍ ସାଆସ୍
ତିଙ୍ଗକେ ?

୨ ଇସ୍ପପର୍ନେ ରେମୁଆଁଇଁ ମଞ୍ଚପୁରନେ ବିଚାର୍ ତିଙ୍ଗଏ ଡାଗ୍ରାତେ
ମେଃମେଃନେ ପେମ୍ୟାକେ ? ପେ ଜଦି ମଞ୍ଚପୁରନେ ବିଚାର୍
ତିଙ୍ଗପେୟାଏ ତେଲା ଏନ୍ ଡାଆଁ ବିସ୍ତ୍ ଇଁନେ ମେଃମେଃନେ
ସମାଦାନ୍ ତିଙ୍ଗ ପେୟାଶୁ ?

୩ ନେ କିତଂଇନି ଦୁଡ଼ଇଁନେ ତିଗ୍ ବିଚାର୍ ନେତିଙ୍ଗଏ ଏନ୍
ମେଃମେଃନେ ପେମ୍ୟାକେ କି ? ତେଲା ଜାଗତିକ ସାମୁଆଁ ଇଁନେ
ସମାଦାନ୍ ଆତିଙ୍ଗନେ ନେନେ ଡାଗ୍ରା ଜାବର୍ ସଅଜ୍ ଆତିଙ୍ଗ୍ ଶୁ କି ?

୪ ଏନ୍ ସାପା ସାଦାରନ୍ ବିସ୍ତ୍ନେ ସମାଦାନ୍ ଆତିଙ୍ଗନେସା
ମେଁନ୍ଦସା କ୍ରିଷ୍ଟିୟ ବିସ୍ବାସି ଦଲ୍ଲ ସାମ୍ନାରେ ଜାଣ୍ଡେଇଁ ସନ୍ମାନ୍ ଶୁ
ଦେଡ଼ରକମ୍ ମଣ୍ଡଲିନ୍ନିଆ ସନ୍ମାନ୍ ଆଲେଃକ୍ଲେ ରେମୁଆଁଇଁନେ ଡାଗ୍ରା
ଝେପେତିଙ୍ଗ ?

୫ ଆତେନ୍ଦସା ପେଇଁ ଗିଆସ୍ ତିଙ୍ଗନେ ଦରକାର୍ । କ୍ରିଷ୍ଟ ବିସ୍ବାସି
ବୟାଁ ବିତ୍ରେ ତାର୍ଲେଃକ୍ଲେ ଝିଙ୍ଗିଆ ରିଙ୍ଗିଆନେ ସମାଦାନ୍ ଆତିଙ୍ଗ୍

ନ୍ୟା ତିଲାଡ଼ିଗ୍ ପେ ବିସ୍‌ବାସି ଦଲ୍‌ନିଆ ଜା ଶୁଲ୍ଲା ଜା ମୁଇଙ୍ଗ୍ ଗିଆନ୍ ରେମୁଆଁ ଲେଃକେ ।

୬ ମୈଁ ତାଗରା ମାଝେରେ ମୁଇଙ୍ଗ୍ ବୟାଁ ବିନ୍ ବୟାଁ ବିରଦ୍‌ରେ ବିଚାରନା ତୁଆନ୍ନିଆ ଦାବି ତିଙ୍ଗ୍‌ଏ, ଅବିସ୍‌ବାସ୍‌ଶ୍ରେ ଆକେନ୍ ବିଚାର୍ ତିଙ୍ଗ୍‌ଏ ।

୭ ପେ ବିତ୍ରେ ତିଙ୍ଗ୍‌ତିଙ୍ଗ୍‌କ୍ଲେ ମାଲିମକଦମା ପର୍‌ମାନ୍ ତିଙ୍ଗ୍‌ତିଙ୍ଗ୍‌କେ ଜେ ପେ କ୍ଲିଗ୍‌ତା ଆରେ ପେଲେଃକେ । ଦାବି ତିଙ୍ଗ୍‌ନେ ଆନ୍ତାର୍‌ରେ ଶୁଲ୍ଲା ଅନ୍ୟାୟ୍ ସାମ୍ବାଲେରେ କସ୍‌ଟ ବାନେ ପେ ପାକା ଦଦ୍ୟା ଶୁ କ୍ଲି ?

୮ ଏନ୍ ତିଙ୍ଗ୍‌ନେ ବାଟା ନିଜର୍ ନିଜର୍ ଆଡ଼ାତ୍ରା ଦେକ୍‌ରକମ୍ କି ନିଜର୍ ବୟାଁଇଁନେ ଆଡ଼ାତ୍ରା ତିଗ୍ ଅନ୍ୟାୟ୍ ତିଙ୍ଗ୍‌ରେ ଆମେଇଁକେ ନାଲେ ପେଡ଼ିଙ୍ଗ୍‌କେ ।

୯ ପେଇଁ ନିମାଣ୍ଡା ବାବ୍‌ରେ ମ୍ୟାପେଲେଃକେ ଜେ ଦଦ୍ୟା ରେମୁଆଁଇଁ ଇସ୍‌ପର୍‌ନେ ରାଜିନ୍ନିଆ ଅଦିକାର୍ ଆଡ଼ିଙ୍ଗ୍‌ଆର୍ ଶୁ । ଏନ୍ ବିସ୍‌ୟ୍‌ରେ ପେନେ ମେଃଡ଼ିଗ୍ ଆଙ୍ଗ୍ ଆଡ୍ ମନ୍ ଆଲେଲେ । ତଙ୍ଗାନେ କି ମୁତ୍ ପୁଜାରି କି ଅଡ଼ାରେଗ୍ ବିଃ ଦଦ୍ୟା ସମ୍ପର୍କ୍ ବନେ ଆସାଇ ରେମୁଆଁଇଁ

୧୦ ତଙ୍ଗାରେ ଦନ୍‌ଲବ୍ ବୁସାଃରେ ଆନିନ୍ଦାଶ୍ରେ ବାରି ତଙ୍ଗାରେଇଁ ଇସ୍‌ପର୍‌ନେ ରାଜିନ୍ନିଆ ବାଟା ଆବାଆର୍ ଶୁ ।

୧୧ ବାରି ପେଇଁନେ ବିତ୍ରେ ଜାଣ୍ଡେ ଜାଣ୍ଡେ ଦେକ୍‌ରକମ୍ ପେଲେକେ; ଏବେ ପେ ପାପ୍‌ବାନ୍ ପର୍‌ଟଲ୍ ତିଙ୍ଗ୍‌ରେ ମାପୁ ଜିସୁ କିସ୍‌ଟନେ ମ୍ପିରେ ବାରି ପବିତ୍ର ଆମ୍ବା ଏଃଡେ ପେ ଦାର୍‌ମିକ୍ ତାଗ୍‌ରେ ସ୍ମାମୁଆଃ ତିଙ୍ଗ୍‌ପେଲେଃକେ ।

ନିଜର୍ ଗାଗ୍‌ଡେ ଏଃଡେ ଇସ୍‌ପର୍‌ନେ ଗୌର୍‌ବ୍ ନ୍ୟାଃ ବାଃଲିର୍‌ବାଃତାପା

୧୨ ☆ଜାଣ୍ଡେ ବାସଙ୍ଗ୍ ଯାଆର୍‌ଏ “ଆନେଙ୍ଗ୍ ସାପା ମେଃଡ଼ିଗ୍ ତିଙ୍ଗ୍ ନ୍ୟା ଆଦେସ୍ ବିଃବକେ ।” ସଡ୍ ସାମୁଆଁ ମାଡର୍ ସାପା ମେଃଡ଼ିଗ୍ ପେ ନ୍ୟା ବଲ୍ ଶୁ । ମୈଁ ତିଗ୍ ବିସ୍‌ୟ୍ ତିଙ୍ଗ୍‌ନ୍ୟା ଅଦିକାର୍ ନେଙ୍ଗ୍‌ନେ ଲେଃକେ ତାଗ୍‌ରେ ଆନେଙ୍ଗ୍ ତାଆଁ ତିଙ୍ଗ୍ ନ୍ୟା ନେଙ୍ଗ୍ ଜାଣ୍ଡେକେ ତିଗ୍ ଅଃନା ଅଦିକାର୍ ନ୍ନାବି ଶୁ ।

☆ ୬:୧୨ ୧ କରିନ୍ତସ୍ ୧୦:୨୩.

୧୩ ବିନ୍ଦରେ ଜା ବାସଙ୍ଗ ଯାଏ “କାଦି ସୁଲୁଏଃ ନସା ବାରି ସୁଲୁଏଃ କାଦି ନସା ଦରକାର ।” ସତ୍ତ୍ୱ ସାମୁଆଁ ମାତର ଇସପର ମ୍ୟାୟାକେ ନସ୍ତୁ ଆଡ଼ିଙ୍ଗଏ । ଗାଗଡ଼େ ଦଦ୍ୟା କାମରେ ବେବଆର ମାଡ଼ିଙ୍ଗତେ ମାପୁ ସେବାରେ ବେବଆର ଡିଙ୍ଗଲେ ମେଃଡାଗଲ୍ଲା ମାପୁ ଗାଗଡ଼େନେ ଦରକାର ଲେଃଃକେ ସାପା ବିଏ ।

୧୪ ଇସପର ମାପୁ ଜିସୁକେ ଗୁଏନେବାନ୍ ଆଃତଡ଼୍ୟାବକେ ବାରି ନିଜର ବପୁରେ ମେଁ ଆନେକେ ଡିଗ୍ ଆଃତଡ଼୍ୟାଏ ।

୧୫ ପେନେ ଗାଗଡ଼େ କିସଟନେ ଗାଗଡ଼େନେ ଅଙ୍ଗ ରକମ୍ ଡାଗଡ଼େ ମେଁନେ ପେମ୍ୟାକେ ? ତେଲ୍ଲା ନେଙ୍ଗ୍ ମେଁନେ କ୍ରିସୁନେ ଗାଗଡ଼େନେ ମୁଇଙ୍ଗ୍ ଗାଗଡ଼େକେ ଅଡ଼ାରେଗ୍ନେ ଗାଗଡ଼େ ରକମ୍ ନ୍ନାଡ଼ିଙ୍ଗଏ ? ଆନା ଶୁ ।

୧୬ ପେ ଡିଙ୍ଗଏ ତ ମ୍ୟା ପେଲେଃକେ ଜା ଅଡ଼ାରେଗ୍ ଏତେ ମିସୁଏ ମେଁ ମେଁ ଏତେ ଗାଗଡ଼େ ଇସାବରେ ମୁଇଙ୍ଗ୍ ଡିଙ୍ଗ୍ଝେଏ ? ସାସ୍ତ୍ରନ୍ନିଆ ନିମାଣ୍ଡା ବାବରେ ଗୁଆର ବକେ, “ମେଁ ମ୍ୟାୟା ମୁଇଂ ଡିଙ୍ଗଏ ।”

୧୭ ମାତର ଜାଣ୍ଡେ ମାପୁ ଏତେ କୁଡ଼େଃଏ ମେଁ ମେଁ ଏତେ ଆମ୍ବିକ୍ ବାବରେ ମୁଇଙ୍ଗ୍ ଡିଙ୍ଗଏ ।

୧୮ ଦଦ୍ୟା କାମ୍ବାନ୍ ସ୍ତୁ ଲାଲାପା । ବିନ୍ଦ ମେଃଡ଼ିଗ୍ ପାପି ରେମୁଆଁନେ ଗାଗଡ଼େକେ ମ୍ମାର୍ ଆରାଡ଼ିଙ୍ଗ୍ ଶୁ ମାତର ଅଡ଼ାରେଗ୍ ନିଜର ଗାଗଡ଼େ ବିରଦ୍ରେ ପାପ୍ ଡିଙ୍ଗ୍ମ୍ୟାକେ ।

୧୯ ☆ପେ ମେଁନେ ପେମ୍ୟାଃକେ ଜେ ପେଇଂନେ ଗାଗଡ଼େ ପବିତ୍ର ଆମ୍ବାନେ ମନ୍ଦିର । ମୁଡ଼ି ଆମ୍ବା ପେ ଇସପରନେବାନ୍ ବାପେଲେଃକେ ।

୨୦ ମେଁ ଆପେକେ ଜାବର ଡାବୁ ବିଚେ ବିଆର ବକେ । ତେସା ପେନେ ଗାଗଡ଼େ ଏତେ ଇସପରକେ ଗୌରବ୍ ଡିଙ୍ଗ୍ପା ।



ବିହେ ସାମୁଆଁନେ ନିଅମ୍

୧ ପେନେ ଉଲିଆନ୍ନିଆ ଆଣ୍ଡିନେ ସାପା ପ୍ରସ୍ନ ସାଲ୍ୟାଃକୁପେବକେ, ଏବେ ନେଙ୍ଗ୍ ଆତେନ୍ ସାପାନେ ଉତର୍ ମ୍ବିଏ । ଜିରେ ଇସାବ୍ରେ ବିଏ ଆଡିଙ୍ଗ୍ନେ ନିମାଣ୍ଡା ।

୨ ମାତର୍ ସାପା ଅଡାରେଗ୍ ନ୍ ଲେଃଗେସା ସାପା ଜିର୍ବଏନେ ସେଲ୍ୟାମ୍ବୁ ବାରି ସାପା ସେଲ୍ୟାମ୍ବୁଃ ଜିର୍ବଏ ଲେଃନେ ଦର୍କାର୍ ।

୩ ନିଜର୍ ଗାଗଡେ ଆଡାତ୍ରା ସେଲ୍ୟାମ୍ବୁଃନେ ଅଦିକାର୍ ଶୁ ମ୍ବାତର୍ ଜିରେନେ ଲେଃକେ । ଟିକ୍ ଦେଡରକମ୍ ନିଜର୍ ଗାଗଡେ ଆଡାତ୍ରା ଜିରେନେ ଅଦିକାର୍ ଶୁ ମ୍ବାତର୍ ସେଲ୍ୟାମ୍ବୁଃ ଲେଃକେ ।

୪ ସେଲ୍ୟାମ୍ବୁଃ ନିଜର୍ ଗାଗଡେ ଆଡାତ୍ରା ଅଦିକାର୍ ଶୁ ମାତର୍ ଆଣ୍ଡାନେ ଲେଃକେ; ଦେଡରକମ୍ ଡିଗ୍ ଆଣ୍ଡାନେ ନିଜର୍ ଗାଗଡେ ଆଡାତ୍ରା ଅଦିକାର୍ ଶୁ ମାତର୍ ସେଲ୍ୟାମ୍ବୁଃ ଲେଃକେ ।

୫ ନିଜର୍ ନିଜର୍ ବାନ୍ ମେଇଁ ବିନେ ଆଲେଃ ଆର୍ଲେ । ମାତର୍ ମ୍ବାୟାନ୍ତୁଗ୍ ମୁଇଁ ମନ୍ ଡିଙ୍ଗ୍ରେ ପାର୍ଡନାନ୍ନିଆ ଝେନ୍ସା ଉଡିପର୍ ଜାକ ବିନେ ଲେଃଆର୍ଏ । ଆମ୍ବାନ୍ନିଆ ଜିତେନେ ଅବାବ୍ ନସା ସଏତାନ୍ ଡିରକମ୍ ଆମେଇଁକେ ଅଲ୍ଗା ମନ୍ ଆବି ଶୁ ଆତେନ୍ସା ମେଇଁ ବାର୍ମୁଇଁତର୍ ମୁଇଁଅରିଆ ଡିଙ୍ଗ୍ଲେଃ ।

୬ ଏନ୍ ବିସୟରେ ନେଙ୍ଗ୍ ମେଃମେଃନେ ସାପା ବାସଙ୍ଗ୍ଣି ଆତେନ୍ ନେଙ୍ଗ୍ନେ ଆଦେସ୍ ଶୁ; ମାତର୍ ପେନେ ସୁବିଦା ନସା ଏନ୍ ନେଙ୍ଗ୍ନେ ଆଦେସ୍ ।

୭ ପେ ସାପାରେ ନେଙ୍ଗ୍ ରକମ୍ ଡିଙ୍ଗ୍ପା ଡାଗ୍ରେ ନେଙ୍ଗ୍ ଚାଏଁଣ୍ଡିକେ । ମାତର୍ ସାପାରେ ଇସ୍ପର୍ନେବାନ୍ ମ୍ବା ମ୍ବା ଦାନ୍ ବାଲେଆର୍କେ । ଆଜାକେ ମୁଇଙ୍ଗ୍ ରକମ୍ ବାରି ବିନ୍ରେ ବିନ୍ ମୁଇଙ୍ଗ୍ ରକମ୍ ଦାନ୍ ପାଙ୍ଗ୍ଲେଃକେ ।

୮ ବିହେ ଆଡିଙ୍ଗ୍ଣେ ବାରି ଗୁଏସାଙ୍ଗ୍କୁଏଃନେ ବିସୟରେ ନେଙ୍ଗ୍ନେ ଚିନ୍ତା ଦେକ୍‌ରକମ୍ ମେଇଁ ନେଙ୍ଗ୍ ରକମ୍ ମୁଇଙ୍ଗା ଲେଲା ନିମାଣ୍ଡା ପାଡିଙ୍ଗ୍ ।

୯ ମାତର୍ କୁଡେଃମାଡେଃ ଡିଙ୍ଗ୍ଆୟାଲା ମେଇଙ୍ଗ୍ନେ ଇସାବ୍ରେ ବିଏ ଡିଙ୍ଗ୍ନେ ଦର୍କାର୍ । ମେଃଡାଗଲା କୁଡେଃମାଡେଃନେ ଜାବର୍ ଇକ୍ତା ଡିଙ୍ଗ୍ଲା ମେଁନେ ବାଦୁଲ୍ ବିଏ ଡିଙ୍ଗ୍ନେ ବଲ୍ ।

୧୦ ☆ବିହେ ତିଜ୍ଞଆରକ୍ଷେ ରେମୁଆଁଇଁ ଆଡ଼ାଡ଼ା ଏନ୍ ନେଙ୍ଗନେ ଆଦେସ୍ ଶୁ ଇସ୍ପରନେ ଆଦେସ୍ ସେଲାମ୍ପୁଃ ଆଣ୍ଡାଣ୍ଡେକେ ଅଃନାଡିଗ୍ ଆଆଁନ୍ତାରଲେ ଆନ୍ତାର୍ ଆବିଃଲେ

୧୧ ଜଦି ତିଜ୍ଞଏ ତେଲା ମେଁ ମୁଇଁଜା ଲେଃଲେ ଶୁଲୁ ଆଣ୍ଡାଣ୍ଡେ ଏତେ ବାର୍ମୁଇଁତର କୁଡ଼େଲେ । ବାରି ଆଣ୍ଡାଣ୍ଡେ ମେଁ କୁନ୍ନୁଏଃଡ଼େକେ ଅଃନାଡିଗ୍ ଆନ୍ତାର୍ ଆବିଲେ ।

୧୨ ବିନ୍ରେ ଆଡ଼ାଡ଼ା ଆକେନ୍ ନେଙ୍ଗନେ ଆଦେସ୍ ଇସ୍ପରନେ ଶୁ ! ଜଦି ନେନେ ବିଡ୍ରେବାନ୍ ଜାନେ ସେଲାମ୍ପୁଃ କିସ୍ତ ବିସ୍ବାସ୍ ମାଡିଙ୍ଗ୍ରେ ତିଗ୍ ଆଣ୍ଡାଣ୍ଡେ ଏତେ ଲେନ୍ସା ଇକ୍ତା ତିଜ୍ଞଏ ତେଲା ଆଡେନ୍ ବୟାଁ ଆମେକେ ଆନ୍ତାର୍ ବିଃନେ ବଲ୍ ଶୁ ।

୧୩ ଦେଡ଼ରକମ୍ ଆଣ୍ଡିନେ ଆଣ୍ଡା ଅବିସ୍ବାସି ତିଜ୍ଞରେ ତିଗ୍ କ୍ରିସ୍ଟୁ ବିସ୍ବାସି ସେଲାମ୍ପୁଃ ଏତେ ବୁଆନ୍ସା ଚାଏଁଏ ତେଲା ଆଡେନ୍ ସେଲାମ୍ପୁଃ ଆମେକେ ଆନ୍ତାର୍ ବିଃନେ ଦର୍କାର୍ ଶୁ ।

୧୪ ମେଃଡାଗ୍ଲା ଆଡେନ୍ ଅବିସ୍ବାସି ଙ୍ଗରେ ମେଁ କୁନେଡ୍ରେନେ ନିଜର୍ ଇକ୍ତାରେ ବାରି ଆଡେନ୍ ଅବିସ୍ବାସି ସେଲାମ୍ପୁଃ ନିଜେନେ ଆଣ୍ଡାଣ୍ଡେନେ ନିଜର୍ ଇକ୍ତାରେ ମାପୁ ଜିସୁ କିସ୍ତକେ ସାଃ ଯାଏ । ଆଡେନ୍ ଆଡିଙ୍ଗ୍ଲା ମେଁଇଙ୍ଗ୍ନେ ଗରିସିଆଃଇଁ ଅପବିତ୍ର ତିଜ୍ଞଆରଏ । ମାତର ସଡ଼ ପାକା ମେଇଁ ଇସ୍ପରନେବାନ୍ ପବିତ୍ର ।

୧୫ ଆଡେନ୍ ମେଁ ତିଗ୍ ତିଜ୍ଞଲେଃ ଜଦି ମୁଇଁଜା ଅବିସ୍ବାସି ମେଁନେ କିସ୍ତ ବିସ୍ବାସି ଆଣ୍ଡାଣ୍ଡେ ବା ସେଲାମ୍ପୁଃବାନ୍ ବିନେ ଲେଃନ୍ସା ଚାଏଁଏ, ତେଲା ମେଁ ଆଡେନ୍ ତିଜ୍ଞଲେ । ଏନ୍ ଆଡ଼ାଡ଼ା କିସ୍ତ ବିସ୍ବାସି ଆଣ୍ଡାଣ୍ଡେ ଶୁଲା ସେଲାମ୍ପୁଃ ମେଃଡିଗ୍ ନିୟମନ୍ନିଆ ଦଦ୍ୟା ଶୁ । ତାଗ୍ଲା ସାନ୍ତିରେ ବୁଆ ତିକେଃନ୍ସା ଇସ୍ପର ଆନେକେ ଖା ବକେ ।

୧୬ କ୍ରିସ୍ଟୁ ବିସ୍ବାସି ସେଲାମ୍ପୁ ନାନେ ନିଜର୍ ଆଣ୍ଡାକେ ବିସ୍ବାସ୍ ଆଡିଙ୍ଗ୍ ନାୟାଏ ଡାଗ୍ରେ ମେଁନେ ବଲ୍ ବାବ୍ରେ ମ୍ୟାନାଲେଃକେ ? ବିସ୍ବାସି ଆଣ୍ଡା ନାନେ ନିଜର୍ ସେଲାମ୍ପୁଃକେ କ୍ରିସ୍ଟୁ ବିସ୍ବାସି ଆଡିଙ୍ଗ୍ ନାୟାଏ ଡାଗ୍ରେ ମେଁନେ ବଲ୍ ବାବ୍ରେ ବାସଙ୍ଗ୍ ନାୟାଏ ?

ଇସ୍ପରନେ ଖାକ୍ସେ ରକମ୍ ବୁଆ ତିକେଃପା

୧୭ ଇସ୍ରାଏଲ ଜାଣିଲେକେ ତିରକମ୍ ଦୟା ତିଜ୍ଞବକେ ବାରି ଜାଣିଲେକେ ତିରକମ୍ ଅବସ୍ଥାରେ ଖା ବକେ ମେଁ ଦେଡ଼ରକମ୍ ବାବ୍ରେ ବୁଆ ତିକେଠନେ ଦରକାର୍ । ଏନ୍ ଆଦେସ୍ ନେଜ୍ ସାପା ବିସ୍ବାସ୍ ଦଲକେ ବିଃମ୍ବକେ ।

୧୮ ପବିତ୍ର ତିଜ୍ଞକ୍ତେ ଇଡ଼ିଜ୍ ଜାଣିଲେ ଜଦି ଇସ୍ରାଏଲ ବାନ୍ ଆଦେସ୍ ବାଏ । ମେଁ ପବିତ୍ରନେ ଚିନା ନସ୍ତୁ ଆଡ଼ିଜ୍ନେସା ରେସ୍ଟା ଆଡ଼ିଜ୍ଲେ ।

୧୯ ମେଃଡାଗ୍ଲା ପବିତ୍ର ତିଜ୍ଞନେ ବାରି ପବିତ୍ର ଆଃଡ଼ିଜ୍ନେ ମେଃଡ଼ିଗ୍ ମୁଲ୍ୟ ଶୁ । ମ୍ବା ବିସୟ୍ ତିଜ୍ଞଡ଼ିଜ୍କେ ଇସ୍ରାଏଲନେ ଆଦେସ୍ ପାଲନ୍ ତିଜ୍ଞନେ ।

୨୦ ଇସ୍ରାଏଲ ଖାକ୍ତେ ମାନେଃ କେଲା ଜାଣିଲେକେ ତିରକମ୍ ଅବସ୍ଥାରେ ଲେଃଗେ ମେଁ ଦେଡ଼ ଅବସ୍ଥାରେ ଲେଃଲେ ।

୨୧ ଇସ୍ରାଏଲ ଖାନେ ବେଲା ପେ ମେଃମେଃନେ ଗତିରେ ପେଲେଃଗେ ? ତେନ୍ସା ମନ୍ କସ୍ତୁ ଆଡ଼ିଜ୍ପା ଜଦି ମେଃଡ଼ିଗ୍ ଉପାୟରେ ତାର୍ ପେୟାଏ ତେଲା ଆଡେନ୍ ସୁଜଗ୍କେ ସଡ଼ ବେବଆର୍ ତିଜ୍ଞପା ।

୨୨ ମେଃଡାଗ୍ଲା ମାପୁବାନ୍ ପାଜ୍ଲେଃକ୍ତେ ଗତିରେ ମେଁବାନ୍ ତାର୍ଲେଃକ୍ତେ ରେମୁଆଁ । ବିନ୍ ପାକା କିସ୍ଟ ଖାବକ୍ତେ ରେମୁଆଁ, ମେଁ ମେଁନେ ଗତିରେ ।

୨୩ ଇସ୍ରାଏଲ ଆପେକେ ଜାବର୍ ତାରୁ ବିଚେ ବିଆର୍ ବକେ । ତେସା ରେମୁଆଁନେ ଗତିରେ ଆଡ଼ିଜ୍ପା ।

୨୪ ଅ ବୟାଁ ବାରି ତନାଜ୍ ଇସ୍ରାଏଲ ଆପେକେ ତିଡ଼ି ଅବସ୍ଥାରେ ଖାକ୍ତେ ବେଲା ତିଡ଼ି ଅବସ୍ଥାରେ ପେଲେଃଗେ । ଦେଡ଼ ଅବସ୍ଥାରେ ପେ ଲାଲାପା ।

ବିହେ ଆଡ଼ିଜ୍ଣେ ବାରି ଗଏସାଜ୍କୁଏନେ ବିସୟ୍ରେ ପ୍ରସନ୍

୨୫ ପେଇଁ ବିହେ ଆଃଡ଼ିଜ୍ଣେନେ ବିସୟ୍ରେ ମ୍ୟାନସା ଚାଏଁପେଡ଼ିକେ । ଏନ୍ ବିସୟ୍ରେ ନେଜ୍ ମାପୁନେବାନ୍ ମେଃଡ଼ିଗ୍ ଆଦେସ୍ ନେବାକେ ଶୁ । ମାତର୍ ମାପୁନେ ଦୟାବାନ୍ ମୁଇଜ୍ ବିସ୍ବାସ୍ ତିଜ୍ଞକ୍ତେ ରେମୁଆଁ ବାବ୍ରେ ନେଜ୍ ନିଜେନେ ସାମୁଆଁ ବାଲିର୍ ଶୁଜ୍କେ ।

୨୭ ଆକେନ୍ ଦୁକ୍ ବେଲା ତାଗ୍‌ରେ ନେଇଁ ମନେ ବାବେଣ୍ଟିକେ;
ମୁଇଙ୍ଗ୍ ରେମୁଆଁ ଡିରକମ୍ ଲେଖକେ ଦେଡ଼ରକମ୍ ଲେଖନେ ଦରକାର୍

୨୭ ପେ ମେଃମେଃନେ ବିହେ ଡିଙ୍ଗ୍‌ପେଲେକେ ? ତେଲା
ସେଲାମ୍‌ସୁଃବନ୍ ତାର୍‌ଝେନ୍‌ସା ଚେସ୍‌ଟା ଆଡିଙ୍ଗ୍‌ପା । ପେ ମେଃନେ
ବିହେ ପେଡିଙ୍ଗ୍‌କେ ? ଜଦି ବିହେ ଡିଙ୍ଗ୍‌ନ୍‌ସା ଇକ୍‌ଟା ପେଡିଙ୍ଗ୍ ।

୨୮ ଜଦି ବିହେ ପେଡିଙ୍ଗ୍‌ଏ ପେ ପାପ୍ ପେଡିଙ୍ଗ୍ ଶୁ । ବିହେ
ଆଡିଙ୍ଗ୍‌କ୍ଲେ ସେଲାମ୍‌ସୁ ବିହେ ଡିଙ୍ଗ୍‌ଲା ମେଃଡିଗ୍ ପାପ୍ ଆଡିଙ୍ଗ୍ ଶୁ
। ମାଡର୍ ବିହେ ଡିଙ୍ଗ୍‌କ୍ଲେ ରେମୁଆଁକେ ସଂସାର୍‌ନ୍ନିଆ ଜାବର୍ ଦୁକ୍
କସ୍ ସାମ୍‌ଲେ ପଡେଏ । ଏନ୍ ଦୁକ୍‌ବେଲା ଆଡ୍‌ବାନ୍ ପେଇଁ ଉଦାର୍
ପେବାଏ ଏନ୍ ନେଇଁନେ ଇକ୍‌ଟା ।

୨୯ ବୟାଁଇଁ ନେଇଁ ଏନ୍ ସାମୁଆଁ ବାସଙ୍ଗ୍ ନ୍‌ସା ଇକ୍‌ଟା ଡିଙ୍ଗ୍‌ଣ୍ଟିକେ
ଜେ ଜୁଗ୍ ତାଗ୍‌ ପିଙ୍ଗ୍‌ଟାକେ । ଏଃବନ୍ ବିହେ ଡିଙ୍ଗ୍‌କ୍ଲେ ରେମୁଆଁଇଁ
ବିହେ ଆଡିଙ୍ଗ୍‌କେ ରକମ୍ ବୁଆ ଡିଂକେ ଆରଲେ ।

୩୦ ବାରି ଜାଣ୍ଟେଇଁ ଅଃଆର୍‌ଡିଙ୍ଗ୍‌କେ ମେଇଁ ଅଃନେ ମେଃଡିଗ୍
କାରନ୍ ଶୁ ଡାଗ୍‌ରେ ମନେ ଡିଙ୍ଗ୍‌ପା । ବାରି ଜାଣ୍ଟେଇଁ ମ୍ଲେଃଡିଆଃ
ଡିଙ୍ଗ୍‌ଆର୍‌ଡିଂକେ ମେଇଁ ସାଦା ଡିଙ୍ଗ୍‌ନେ ମେଁ ଡିଗ୍ କାରନ୍ ଶୁ ଡାଗ୍‌ରେ
ମନେ ଡିଙ୍ଗ୍‌ପା । ଜାଣ୍ଟେଇଁ ମେଁନେ ବିଆର୍ ଡିଂଆର୍‌କେ ଆଡେନ୍
ନିଜେନେ ଶୁ ଡାଗ୍‌ରେ ମନେ ଡିଙ୍ଗ୍‌ପା ।

୩୧ ବାରି ଜାଣ୍ଟେଇଁ ମଞ୍ଚପୁରନେ ବିସୟରେ କାମ୍ ଡିଙ୍ଗ୍‌ଆର୍‌ଡିଙ୍ଗ୍‌କେ
ମେଇଁ ଆକ୍‌ଅରିଆ କାମ୍ ଆଡିଙ୍ଗ୍‌କେ ରକମ୍ ଲେଃଆରଲେ ମେଁ
ଡାଗ୍‌ଲା ଆକେନ୍ ଏନ୍ ମଞ୍ଚପୁରନେ ନିଜେନେ ଅବସ୍ତା ବାରି ଜାବର୍
ଦିନା ଆଲେଃ ଶୁ ।

୩୨ ପେଇଁ ନିୟମ୍‌ବାନ୍ ଉଦାର୍ ବାପା ତାଗ୍‌ରେ ନେଇଁ ଚାଏଁଣ୍ଟିକେ
। ବିହେ ଆଡିଙ୍ଗ୍‌କ୍ଲେ ରେମୁଆଁ ମାପୁନେ ସ୍ଲେନ୍‌ନିଆ ମନ୍ ବିଃପା; ତାଗ୍‌
ମାପୁକେ ସାଦା ଆଡିଙ୍ଗ୍‌ନେ ମେଁନେ ମୁଇଁ ଆଃ ଇକ୍‌ଟା ।

୩୩ ମାଡର୍ ଆଣ୍ଟିନେ ରେମୁଆଁ ବିହେ ଡିଙ୍ଗ୍‌ଲେକେ ମେଁ ସଂସାର୍‌ନେ
ବିସୟରେ ଚିନ୍ତାରେ ଲେଃଡେ ମେଁନେ ସେଲାମ୍‌ସୁକେ ସାନ୍ତି ଆଡିଙ୍ଗ୍
ନ୍‌ସା ଚାଏଁଏ ।

୩୪ ତେସା ମେଁ ସ୍ବାକ୍‌ଲିଗ୍ ସାମୁଆଁନ୍ନିଆ ମନ୍ ବିଃ ଡିଂକେ । ବିହେ

ଆଡ଼ିଙ୍ଗୁକ୍ଳେ ସେଲାମ୍ବୁ ବାରି ସେଲା ପବିତ୍ର ତିନେସା ମାପୁନେ କାମ୍ବରେ ମନ୍ ବିଃପା ମେଃଡାଗ୍ଲା ଗାଗ୍ଡେ ବାରି ଆମ୍ବିକ୍ ବାବ୍ରେ ମେଁ ନିଜେକେ ଇସପର୍ ତାଗ୍‌ରା ବିଃନ୍‌ସା ଚାଏଁ ତିଙ୍ଗକେ । ମାତର୍ ବିହେ ତିଙ୍ଗଲେଃକେ ସେଲାମ୍ବୁଃ ସାଂସାରିକ୍ ବିସୟରେ ତୁଙ୍ଗ୍‌ଝେତେ ତାନ୍ତାରେ ଲେଃକେ । ମେଃଡାଗ୍ଲା ଆଣ୍ଡାଣ୍ଡେକେ ଆମ୍ବେଡ଼ିଆଃ ନ୍‌ସା ମେଁନେ ଇକ୍‌ଚା ।

୩୫ ଏନ୍ ସାମ୍ବୁଆଁ ନେଙ୍ଗ୍ ପେଇଁନେ ବଲ୍ ନ୍‌ସା ବାସଙ୍ଗ୍‌ଣ୍ଡିଂ ଆପେକେ ବନ୍‌ନନ୍‌ନିଆ ଗାଗ୍‌ରେ ବନ୍‌ସା ବାସଙ୍ଗ୍ ନାଡ଼ିଙ୍ଗକେ ଶୁ ନେଙ୍ଗ୍ ଇକ୍‌ଚା ଶ୍ରିଙ୍ଗ୍‌ଏ ଜେ ପେଇଁ ନିଜେକେ ମେଃଡିଗ୍ ବିନ୍ ସ୍ଲେନିଆ ଆଡ଼ିଙ୍ଗରେ ସମାନ୍ ବାବ୍ରେ ମାପୁନେ କାମ୍‌ନିଆ ଲାଲାପା ଏନ୍ ନେଙ୍ଗ୍‌ନେ ଇକ୍‌ଚା ।

୩୬ ବିହେ ମାଗ୍‌ନି ତିଙ୍ଗ୍ ଝେକ୍ଲେ ଇଡ଼ିଙ୍ଗ୍ ଈର୍‌ବଏ ଜଦି ମନେ ତିଙ୍ଗ୍‌ଏ ଜେ ମେଁନେ ସାଲ୍ୟାଃବକ୍ଲେ ସେଲାମ୍ବୁଃ ଆଡ଼ାତ୍ରା ମେଁ ଅଡ଼ାରେଗ୍ ତିଙ୍ଗ୍ ଆୟାକେ ଶୁ ଜଦି ମେଁନେ ଅଡ଼ାରେଗ୍ ଇକ୍‌ଚା ତିଙ୍ଗ୍‌ଏ ବାରି ଆଡେନ୍ ଆଡ଼ାତ୍ରା ବିହେ ତିଙ୍ଗ୍‌ନେ ତିଲାଡିଗ୍ ଦରକାର ପଡ଼େଏ ତେଲା ମେଁନେ ଇକ୍‌ଚା ସୁଗୁଆ ମେଇଁ ବିହେ ତିଙ୍ଗ୍‌ଲେଃ । ଏନ୍‌ଅରିଆ ମେଃଡିଗ୍ ପାପ୍ ଶୁ ।

୩୭ ମାତର୍ ଜାଣ୍ଡେ ଗାଗ୍‌ଡେନ୍‌ନିଆ ସାନ୍ତି ଲେଃଏ ବାରି ଦରକାର ଲେଃକେ ଆତୁର୍ ଶୁ ବାରି ନିଜର୍ ଇକ୍‌ଚା ଅନୁସାରେ ତିଙ୍ଗ୍ ନ୍‌ସା ଅଦିକାର ଲେଃଏ ବାରି ଜାଣ୍ଡେ ନିଜର୍ ସେଲାମ୍ବୁକେ ସେଲା ବନ୍‌ସା ଗାଗ୍‌ଡେନ୍‌ନିଆ ବାବେ ଲେଃଏ, ତେଲା ମେଁ ନିମାଣ୍ଡା ତିଙ୍ଗ୍‌ଏ ।

୩୮ ଏନ୍‌ସା ଜାଣ୍ଡେ ନିଜର୍ ସେଲା ସେଲାମ୍ବୁଃକେ ବିହେ ତିଙ୍ଗ୍‌ଏ ମେଁ ନିମାଣ୍ଡା ତିଙ୍ଗ୍‌ଏ ବାରି ଜାଣ୍ଡେ ବିହେ ଆବି ଶୁ ମେଁ ଆରି ନିମାଣ୍ଡା ତିଙ୍ଗ୍‌ଏ ।

୩୯ ମୁଇଙ୍ଗ୍ ଆଣ୍ଡା ଜିବନ୍ ଲେଃଜାକ ସେଲାମ୍ବୁଃ ମେଁନେ ଏଡେ ଲେଃନ୍‌ସା ବାଦ୍ୟ । ଆଣ୍ଡା ଗୁଏକ୍ଲେ ଇଡ଼ିଙ୍ଗ୍ ମେଁ ଜେ ଜାଣ୍ଡେଡିଗ୍ ବିନ୍ ରେମ୍‌ବୁଆଁ ଏଡେ ବିହେ ତିଙ୍ଗ୍ ନ୍‌ସା ଇକ୍‌ଚା ଲେଃକେ । ମାତର୍ ଜାଣ୍ଡେକେ ବିହେ ତିଙ୍ଗ୍‌ଏ, ମେଁ ମାପ୍‌ରୁ କ୍ରିସ୍ଟ୍ ତାଗ୍ରା ବିସ୍‌ବାସି ତିଙ୍ଗ୍‌ଲେଃନେ ଦରକାର ।

୪୦ ନେଙ୍ଗ୍‌ନେ ମନ୍‌ରେ ମେଁ ତିରକମ୍ ଅବସ୍ତାରେ ଲେଃକେ, ଦେଡ୍ ଅବସ୍ତାରେ ଲେଃଲା ଜାବର୍ ସୁକ୍ ତିଙ୍ଗ୍‌ଏ ବାରି ନେଙ୍ଗ୍ ତିଗ୍

ଇସପରନେ ଆମ୍ବା ବାଲ୍ଲେଃକେ ଡାଗ୍‌ରେ ନିଂ ଏତେଣ୍ଟିଂକେ ।

୮

ଦେବତା ପରସାଦନେ ପ୍ରସନ

୧ ମୁତ୍ ପୁଜା ପରସାଦ ବିସୟରେ ନେଙ୍ଗନେ ଉତର ଆକେନ୍, ନେ ସାପାରେନେ ବୁଦି ଲେଃକେ ଡାଗ୍‌ରେ ମ୍ୟାନେଲେକେ । ବୁଦି ରେମୁଆଁକେ ଆଂକାର୍ ତିଙ୍‌ଏ ମାତର ଆଲାଦ ରେମୁଆଁକେ ଡାଗ୍ ଆଃଡିଙ୍‌ଏ ।

୨ ଜଦି ଜାଣ୍ଟେ ବାସଙ୍‌ଏ ଜେ ମେଁ ମେଃମେଃନେ ମ୍ୟାଲେଃନେ ଦରକାର୍, ଆତେନ୍ ମେଁ ଆମ୍ୟାଃକେ ଶୁ ।

୩ ଜାଣ୍ଟେ କି ଇସପରକେ ଆଲାଦ ତିଙ୍‌ଏ ମେଁ ଆଃ ମୁଇଂ ମେଁନେ ସ୍ମାମୁଆଃ ରେମୁଆଁ ତିଂଏ ।

୪ ମୁତ୍ ପୁଜାନେ ପ୍ରସାଦ୍ ଚଙ୍‌ନେ ବିସୟରେ ନେ ମ୍ୟାନେଲେଃକେ ଜେ ଏନ୍ ମଞ୍ଚୁପୁରନ୍ନିଆ ମୁତ୍ ନେ ମେଃଡିଗ୍ ସତେଆ ସାନ୍ତି ଶୁ । ନେନେ ଇସପର ଆଃ ମୁଇଂ ଇସପର ।

୫ ଡାଗ୍ଲା କିତଂଇନି ତିଙ୍‌ଲେଃ ବା ମଞ୍ଚୁପୁରନ୍ନିଆ ତିଙ୍‌ଲେଃ ଜାଣ୍ଟେଇଂକେ ଦେବତା ଡାଗ୍‌ରେ ବାସଙ୍‌ଏ, ଆଣ୍ଡିଡିଗ୍ ମେଇଂ ଲେଃଆରଏ, ଦେକ୍‌ରକମ୍ ତିଗ୍ ଗୁଲୁଏ ଦେବତା ବାରି ଗୁଲୁଏ ମାପୁ ଲେଃଆରକେ ।

୬ ମାତର ନେନେ ମୁଇଂ ଆଃ ଇସପର ଆଣ୍ଡିନେ ଆବାନେବାନ୍ ସାପା ବିସୟ ତିଙ୍‌ଲେକେ ବାରି ନେ ମେଃନୁସା ତିଙ୍‌ନେଲେଃକେ ବାରି ମୁଇଂ ଆଃ ମାପୁ ଡାଗ୍‌ଲା ଜିସୁ କିସ୍‌ଟ ମେଁନେ ବାନ୍ ସାପା ବିସୟ ତିଙ୍‌ ଲେଃକେ ବାରି ମେଁନେ ବାନ୍ ନେ ତିଙ୍‌ନେଲେଃକେ ।

୭ ଏଲେଡିଗ୍ ସାପାରେନେ ଏନ୍ ସଡ୍ ଆମ୍ୟାଃଆର୍ ଶୁ; ମାତର ଉଡି ରେମୁଆଁ ଏଃଜାକ ଦେବତା ଲେଃକେ ଡାଗ୍‌ରେ ବାବେରେ ମୁତ୍ ପୁଜା ତିଙ୍‌କ୍ଳେ ପ୍ରସାଦ୍ ଚଙ୍‌ଆରକେ ବାରି ମେଁଇଂନେ ବୁଦି ଆଲେଃଲା ଅପବିତ୍ର ତିଙ୍‌ଏ ।

୮ ଚଙ୍‌ନେ ଜିନିସ୍ ବାନ୍ ଇସପରନେ ଏତେ ନେନେ ସମ୍‌କନ୍ନିଆ ମେଃଡିଗ୍ ଆବଦ୍‌ଲେ ଶୁ । ମେଃଡିଗ୍ ଚଙ୍‌ନେ ଜିନିସ୍ ଆଃମାନେଃନେ

ବାନ୍ ନେନେ ମେଃଡ଼ିଗ୍ କେଡ଼ି ଆଡ଼ିଙ୍ଗ ଶୁ ଶୁଲ୍ଲା ମେଃଡ଼ିଗ୍ କାଦି ଜିନିସ୍ ଗ୍ରଥନ୍ ଡ଼ିଙ୍ଗନେ ବାନ୍ ନେନେ ମେଃଡ଼ିଗ୍ ଲାବ୍ ଆଡ଼ିଙ୍ଗ ଶୁ ।

୯ ମାତର୍ ତରକ୍ ପେଇଂନେ ଏନ୍ ମୁକ୍ତି ଡ଼ିରକମ୍ ଅସକ୍ତିଆ ବିସ୍ବାସିଇଂନେ ଗଟ୍ନା ରକମ୍ ଆଡ଼ିଙ୍ଗଲେ ।

୧୦ ମନେ ଡ଼ିଙ୍ଗପା ମୁଇଂଜା ଅସକ୍ତିଆ ବିସ୍ବାସି ନାନେ ରକମ୍ ମୁଇଙ୍ଗ୍ ବୁଦି ଲେଃଢ଼େ ରେମୁଆଁକେ ମନ୍ଦିର୍ ବିଡ୍ରେ ପ୍ରସାଦ୍ ଚଙ୍ଗନେ କେଚେ ମେଁ ମେଃଫେଃଢ଼େ ପରସାଦ୍ ଚଙ୍ଗ୍ ନସା ଇକ୍ତା ଆଡ଼ିଙ୍ଗ ଶୁ ?

୧୧ ତେଲା ଆଣ୍ଡିନେ ଅସକ୍ତିଆ ବିସ୍ବାସି ବୟାଁ ନସା କିସ୍ତ ଗୁଏ ଲେଃଢ଼େ ପେନେ ଏନ୍ “ବୁଦି” ମେଃଢ଼େ ନସ୍ ଡ଼ିଙ୍ଗନେ କାରନ୍ ଆଡ଼ିଙ୍ଗ ଶୁ କି ?

୧୨ ଦେକ୍‌ରକମ୍ ବାବ୍ରେ ପେନେ ସାଙ୍ଗ୍ ବିସ୍ବାସିଇଂନେ ବିରଦ୍ରେ ପାପ୍ ତିଂଚେ ପେ କିସ୍ତନେ ବିରଦ୍ରେ ପାପ୍ ପେଡ଼ିଙ୍ଗ୍ଏ ବାରି ଆତେନ୍ ବୟାଁଇଂନେ ଅସକ୍ତିଆ ବୁଦିକେ କସ୍ତୁ ବିଏ ।

୧୩ ଏଲେଡ଼ିଗ୍ ମେଃଡ଼ିଗ୍ ଚଙ୍ଗନେ ଜଦି ନେଙ୍ଗ୍ ବୟାଁନେ କସ୍ତୁ ରକମ୍ ଡ଼ିଙ୍ଗଚେ ଆମେକେ ପାପ୍ ଗାଲିପାକା ଖାଡୁଙ୍ଗ୍‌ଝେଏ ଆତେନ୍ ଚିଲି ନେଙ୍ଗ୍ ଅଃନାଡ଼ିଗ୍ ନେଚଙ୍ଗ୍ ଶୁ ।



ବେବକ୍ଲେ ସିସ୍‌ନେ ବାଃଲିର୍‌ବାଃତାନେ ନିଅମ୍

୧ ନେଙ୍ଗ୍ ମୁଇଙ୍ଗ୍ ନିଜର୍ ବିଡ୍ରେ ଲେଃଢ଼େ ରେମୁଆଁ । ନେଙ୍ଗ୍ ମୁଇଂଜା ବେବକ୍ଲେ ସିସ୍ । ନେଙ୍ଗ୍ ନେଁଇଂନେ ମାପୁ ଜିସୁକେ କେଲ୍ଲେକେ । ପେଇଂ ନେଙ୍ଗ୍ ମାପୁନେ ସା ଡ଼ିଙ୍ଗବକ୍ଲେ କାମ୍‌ନେ ରୁଚୁ ରକମ୍ ଶୁ କି ।

୨ ବିନ୍‌ଶ୍ରେଇଂ ଆନେଙ୍ଗ୍ ବେବକ୍ଲେ ସିସ୍ ତାଗଚେ ଗ୍ରଥନ୍ ଆଡ଼ିଙ୍ଗ୍‌ଲା ଡ଼ିଗ୍ ପେଇଂ ଗ୍ରଥନ୍ ପେଡ଼ିଙ୍ଗ୍ ତାଗ୍ଲା ମାପୁନେ ଏଡେ ପେନେ ପାରାନ୍‌ନିଆ ମିସେଲେଃଢ଼େ ସା ଆନେଙ୍ଗ୍ ବେବକ୍ଲେ ସିସ୍ ଡ଼ିଙ୍ଗନେ ପରମାନ୍ ପେ ବାପେଲେକେ ।

୩ ବିଚାର୍ ରେମୁଆଁକେ ନେଙ୍ଗ୍ ଦେକ୍ ରକମ୍ ଉତର୍ ବିଃମ୍‌କେ ।

୪ ବଲେ ଚଙ୍ଗ୍ ଉଗ୍‌ନେ ମେଁନେ ନେଁଇଂନେ ଅଦିକାର୍ ଶୁ ?

୫ ବିନ୍‌ବିନ୍‌ନେ ବେବକ୍ଲେ ସିସ୍ ପିତର୍ ବାରି ମାପୁନେ ବୟାଁ କେଫା ରକମ୍ ବିସ୍ବାସି ପରିବାର୍‌ନେ ମୁଇଂଜା ସେଲାମ୍‌ସୁକେ ବିହେ

ଡିଙ୍ଗିରେ ମୈନେ ଏତେ ଝେନେ ନେଙ୍ଗନେ ମେଠମେଠନେ ଅଦିକାର୍ ଶୁ ?

୬ ଚଙ୍ଗନେ ରାଝସିଙ୍ଗନେସା ମାତର୍ ଆନେଙ୍ଗ ବାରି ବର୍ଣ୍ଣବା କିକେ କସ୍ ଡିଙ୍ଗନେ ପଡ଼େଏ ।

୭ ମୁଇଂଜା ସନ୍ୟ ନିଜର୍ କର୍ ନିଜେ କର୍ ଡିଙ୍ଗବଏ କି ? ଲିଜ ସ୍ମେରେ ମେଠମେଠନେ ନିଜର୍ ଅଙ୍ଗୁର୍ ତୁଗ୍ଡିନେ ରୁଚୁ ଆଚଙ୍ଗ ଶୁ ଶୁଲା ମେଣ୍ଟା ବିଚଙ୍ଗଣ୍ଟେ ନିଜର୍ ମେଣ୍ଟା ନେ ତ୍ରାଡ଼୍ୟା ଆଉଗ୍ ଶୁ ?

୮ ରେମୁଆଁ ବାବରେ ମୈନେ ନେଙ୍ଗ ଏନ୍ ବାସଙ୍ଗଣ୍ଟି ? ନିୟମନ୍ନିଆ ଏନ୍ ବାସଙ୍ଗ ଆବକେ ଶୁ କି ?

୯ ମସାନେ ନିୟମନ୍ନିଆ ଗୁଆର୍ ବକେ “କିଆଲେକ୍ଲା ଅଲେଙ୍ଗନେ ଅରେଝକେ ତୁମୁଆଝନ୍ନିଆ ଆଗାର୍ପା ।” ଇସ୍ପର୍ ମୈନେ ଅରେଝନେ ସାମୁଆଁ ଚିନ୍ତା ଡିଙ୍ଗକେ ?

୧୦ ଏନ୍ ନେଙ୍ଗନେ ବିସୟରେ ଗୁଆର୍କେ ଶୁ କି ? ଡିଲାଡିଗ୍ ଆଡେନ୍ ନେ ନସା ଗୁଆର୍ବକେ । ଲିଜ ସ୍ମେରେ ବାରି କିଆ ଝେଝଣ୍ଟେ କିଆବାନ୍ ବାଟା ବାନ୍ସା ଆସା ଡିଙ୍ଗିରେ କାମ୍ ଡିଙ୍ଗବଆର୍ବଏ ।

୧୧ ✨ନେ ପେନେ ବିଡ୍ରେ ଆମ୍ବାନେ ମୁଞ୍ଜି ବିଗ୍ନେବକେ । ତେସା ପେଇଂନେ ବାନ୍ ଉଡ଼ି ଆଲ୍ଲେକ୍ କିଆ ବାନ୍ସା ଇକ୍ଚା ଡିଙ୍ଗନେ ମେଠନେ ନେନେ ଅଦିକାର୍ ଶୁ ।

୧୨ ପେଇଂନେବାନ୍ ଦେକ୍ଚକମ୍ ଆସା ଡିଗ୍ ନସା ବିନ୍ଣେଣ୍ଟେନେ ଅଦିକାର୍ ଲେଝକେ । ତେଲା ନେନେ ଅଦିକାର୍ ମେଠନେ ମେଇଂନେ ବାନ୍ ଜାବର୍ ଶୁ ? ନେ ଏନ୍ ଅଦିକାର୍କେ ବେବଆର୍ ନେଡିଙ୍ଗକେ ଶୁ । ମାତର୍ କିସ୍ଚନେ ନିମାଣ୍ଟା ସାମୁଆଁ ବାସଙ୍ଗନ୍ନିଆ ମେଠଡିଗ୍ କସ୍ ଡିଆର୍ ଆଡିଙ୍ଗ୍ ନସା ନେନେ ସାପା ସାମ୍ବାଲେ ଝେ ନେଡିଙ୍ଗକେ ।

୧୩ ପେଇଂ ମୈନେ ପେମ୍ୟାକେ ଶୁ ଜାଣ୍ଟେଇଂ ମନ୍ଦିରନ୍ନିଆ କାମ୍ ଡିଙ୍ଗିଆର୍ବଏ ମେଇଂ ମନ୍ଦିରବାନ୍ ଚଙ୍ଗନେ ବାଆର୍ବଏ ? ପୁଜା ଡିଙ୍ଗନେ ରେମୁଆଁ ପୁଜାନେ ବାଟା ଆବା ଶୁ କି ?

୧୪ ✨ଦେଡ୍ ରକମ୍ ବାବରେ ନିମାଣ୍ଟା ସାମୁଆଁ ବାସଙ୍ଗ ଡିଆର୍ଡିଂକେ ମେଇଂ ଜେ ନିମାଣ୍ଟା ସାମୁଆଁ ବାନ୍ ପାରାନ୍ ଆମ୍ ଆର୍ବଏ ଏନ୍ ମାପୁ ଆଦେସ୍ ବିଝବକେ ।

୧୫ ମାତର ନେଇ ଆତେନ୍ ଅଦିକାରଇଂବାନ୍ ମୁଇଇଁ ତିଗ୍ ଅଧନା
 ବେବଆର୍ ନାଡ଼ିଇଁକେ ଶୁ । ନେଇଁ ତିଗ୍ ମେଫେଫେନେ ବାନ୍‌ସା
 ଚେସ୍‌ଗା ନାଡ଼ିଇଁକେ ଶୁ । ଏନ୍ ବିସୟରେ ନେଇଁ ଏନ୍ ନ୍ନାଗୁଆରକେ
 । ଜାଣେ ନେଇଁନେ ଏନ୍ ଗରବ୍‌ନେ ଅଦିକାର ନେଇଁବାନ୍ ତୁଂତଲା
 ବାରି ନେଇଁନେ ଗୁଏଫେନେ ନିଂ ନ୍‌ସା ନିମାଣ୍ଡା ।

୧୬ ନିମାଣ୍ଡା ସାମୁଆଁ ବାସଇଁ ତିଇଁଶ୍ରିଂକେ ତାଗ୍‌ଚେ ନେଇଁ ଗରବ୍
 ତିଇଁନେ ମେଫେଡ଼ିଗ୍ କାରନ୍ ଶୁ । ଏନ୍ ଦାଇଡ଼ ପାଲେ ନ୍‌ସା ନେଇଁ
 ଆଦେସ୍ ବାଲ୍ଲେଫେକେ । ତେସା ନିମାଣ୍ଡା ସାମୁଆଁ ନାବାସଇଁଲା ଆନେଇଁ
 ତଶ୍ ମିଲେଏ ।

୧୭ ଡାଗ୍ଲା ନେଇଁ ଇକତାରେ ଏନ୍ ଶ୍ରିଂଏ ତେଲା ନେଇଁନେ
 ପୁରୁସକାର ଲେଫେକେ; ମାତର ଇସପର୍ ନେଇଁ ଆଡ଼ାଡ଼ା ଏନ୍ ଦାଇଡ଼
 ବିବଲା ଏନ୍ ତିଇଁନେ ନେଇଁନେ ଦରକାର ।

୧୮ ତେଲା ନେଇଁ ମେଫେଫେନେ ପୁରୁସକାର ବାଲ୍ଲେଫେକେ ?
 ସାପାରେନେ ତାଗ୍ଲା ସରା ତାରୁରେ ନିମାଣ୍ଡା ସାମୁଆଁ ବାସଇଁ ଶ୍ରିଂକେ,
 ଏନ୍ ନେଇଁନେ ପୁରୁସକାର । ଏନ୍‌ସା ନିମାଣ୍ଡା ସାମୁଆଁ ବାସଇଁ ନ୍‌ସା
 ନେଇଁ ମେଫେଡ଼ିଗ୍ ସୁଜଗ୍ ସୁବିଦା ନ୍ନାବା ଶୁ ।

୧୯ ନେଇଁ ମୁଇଇଁ ନିଜର୍ ବିଡ଼ରେ ଲେଫେକେ ରେମୁଆଁ ଜାନେ
 ଗତିରେ ଶୁ ଏଲେଡ଼ିଗ୍ ଗୁଏରେକେ ଲାବ୍ ତିଇଁ ନ୍‌ସା ନେଇଁ
 ସାପାରେନେ ଗତିରେ ତିଇଁଲ୍ଲେକେ ।

୨୦ ଜିହୁଦିଇଁକେ ଲାବ୍ ଆଡ଼ିଇଁ ନ୍‌ସା ନେଇଁ ମେଫେଫେନେ ଏତେ
 ଜିହୁଦିନେ ରକମ୍ ବେବଆର୍ ତିଇଁଶ୍ରିଂକେ । ମସାନେ ନିଅମ୍
 ପାଲନ୍ ତିଇଁଶ୍ରିଂକେ ଲାବ୍ ତିଇଁ ନ୍‌ସା ନେଇଁ ମେଫେଡ଼ିଗ୍ ନିୟମ୍‌ନେ
 ବିତ୍ତେ ନେଡ଼ିଇଁଲା ତିଗ୍ ନିଅମ୍ ବିତ୍ତେ ଲେଫେନେ ରକମ୍ ବେବଆର୍
 ତିଇଁଶ୍ରିଂକେ ।

୨୧ ଦେଡ଼ରକମ୍ ଅଣଜିହୁଦୀଇଁକେ ଲାବ୍ ତିଇଁ ନ୍‌ସା ନେଇଁ
 ମେଫେଫେନେ ବିତ୍ତେ କାମ୍ ତିଇଁକେଲା ଅନଜିହୁଦିଇଁନେ ରକମ୍ ନିଅମ୍
 ମାନେଚେ ବେବଆର୍ ତିଇଁଶ୍ରିଂକେ । ଏନ୍ ଅର୍ତ୍ତ ଶୁ ଜେ ନେଇଁ
 ଇସପର୍‌ନେ ନିଅମ୍ କାନୁନ୍ ନ୍ନାପାଲେ ଶୁ । ସଡ଼ରେ ନେଇଁ କିସ୍‌ଚନେ
 ନିୟମ୍‌ନିଆ ନ୍ଲେଫେକେ ।

୨୨ ଜାଣେଇଂ ବିସ୍‌ବାସ୍‌ରେ ଅସକ୍‌ତ୍ୟା ଆମେଇଁକେ ଲାବ୍ ତିଇଁ

ନ୍ୟା ନେଇଁ ମେଁଇଁନେ ରକମ୍ ତିଇଁଲ୍ଲେକେ । ତିରକମ୍ ଉପାୟରେ
ସାପାରେକେ ରକ୍ୟା ତିଇଁ ନ୍ୟା ନେଇଁ ବିନ୍‌ବିନ୍ ବାବ୍‌ରେ ବେବଆର୍
ତିଇଁମ୍‌କେ ।

୨୩ ନେଇଁ ନିମାଣ୍ଡା ସାମୁଆଁ ବାସଙ୍ଗରେ, ଏନ୍‌ବାନ୍ ଆସି ବାଦ୍
ବାନ୍‌ସା ଆକେନ୍ ସାପା ତିଇଁମ୍‌କେ ।

୨୪ ପେଇଁ ମେଠମେଠନେ ପେମ୍ୟାକେ ଜେ ଝିର୍‌ନେ ତାଗ୍‌
ଗୁଲୁଏ ବାଗ୍‌ ତୁଇଁତ ଆର୍‌ଏ ମାତର୍ ମୁଇଁଜା ପୁରୁସ୍‌କାର୍ ବାଏ ?
ପେଇଁ ଦେକ୍‌ରକମ୍ ବାବ୍‌ରେ ଝିର୍‌ପା ତିରକମ୍ ପୁରୁସ୍‌କାର୍ ଲାବ୍
ତିଇଁପେୟାଏ ।

୨୫ ଜାଣ୍ଡେକି ଲୁଠିଆ ବାଗ୍‌ ତୁଇଁତଏ । ମେଁ ସାପା ବିସୟରେ ସମାନ୍
ବାଗ୍‌ ତିଇଁଏ; ମେଇଁ ଦରକାରନେ ନସ୍ତୁ ତିଇଁମ୍ୟାଠକ୍‌କେ ସାଜ ବାନ୍‌ସା
ଆତେନ୍ ତିଇଁଆର୍‌ଏ, ମାତର୍ ମେଇଁ ନସ୍ତୁ ଆଠତିଇଁନେ ପୁରୁସ୍‌କାର୍
ବାନ୍‌ସା ତିଇଁନେତିଇଁକେ ।

୨୬ ତେନ୍‌ସା ନେଇଁ ମୁଇଁଇଁ ଜିଦ୍‌ରେ ଆତେନ୍ ଜାଗାନ୍‌ନିଆ ଝିର୍‌ଣ୍ଡିଁ ।
ନେଇଁ ତ୍ରିନ୍‌ନିଆ ଜୁଦ୍‌ ତିଇଁକେ ରକମ୍ ଜୁଦ୍‌ ତିଇଁଣ୍ଡିଁ ଝେଡ଼୍ୟା ଏତେ ଜୁଦ୍
ନ୍ନାତିଇଁ ଶୁ ।

୨୭ ମେଁ ତାଗ୍‌ ବିନ୍‌ଣ୍ଡେଇଁନେ ତାଗ୍‌ ନିମାଣ୍ଡା ସାମୁଆଁ ବାସଙ୍ଗ
ତିଇଁବଲା ତିଗ୍‌ ନେଇଁ ନିଜେ ତିରକମ୍ ଦଦ୍ୟା ନାତିଇଁ ଶୁ ଏନ୍‌ସା କସ୍ତୁ
ସାମ୍‌ଲେଚେ ଗାଗ୍‌ଡେକେ ତାବ୍‌ ଆତିଇଁମ୍‌କେ ବାରି ନିଜର୍ ଗତିରେ
ରକମ୍ ଆତିଇଁଚେ ମ୍‌କେ ।

୧୦

ମୁତ୍ ବିରଦ୍‌ରେ ସ୍ତୁ ଲେଠନେ

୧ ତାଗ୍‌ ଅ ବୟାଁଇଁ ମସାନେ ପ୍ଲା ଝେଚେ ନେନେ ଛାଞ୍ଜାଇଁନେ
ଆଡ଼ାଡ଼ା ମେଠନେ ଗଚେଲେଠକେ ପେ ମନେ ବପା ଆକେନ୍ ନେଇଁନେ
ଇକ୍‌ଚା । ମେଇଁ ସାପାରେ ତ୍ରିଗ୍‌ତିଆଠ ଏତେ ନିମାଣ୍ଡା ବାବ୍‌ରେ
ଲେଠଆର୍‌ଗେ ଲହିତ କେଣ୍ଡିଆକେ ଜାବର୍ କସ୍‌ଚେ ପୁଆ ଆର୍‌କେ ।

୨ ମସାନେ ପ୍ଲା ଝେଣ୍ଡେ ମେଇଁ ସାପାରେ ତ୍ରିଗ୍‌ତ୍ୟାଠ ବାରି
ମ୍‌କେଣ୍ଡିଆ ଅରିଆ ତୁବନ୍ ବାଲେଠଆର୍‌ଗେ ।

୩ ମେଇଁ ସାପାରେ ମୁଇଁଇଁ ଆମ୍‌କ ଚଙ୍ଗନେ ବାରି ଶ୍ରିଆ ଉଗ୍‌ଲେ
ଆର୍‌ଗେ ।

୪ ମେଘତାଗ୍ନୀ ମେଁ ଏତେ ଖେନେ ଆତ୍ମିକ ବ୍ରାହ୍ମଣ ଶ୍ରୀଆ
ଉତ୍ତରାଧିକାରୀ ବାରି ଆତେନ୍ ବ୍ରା ନିଜେ କିସଟ ।

* ଏଲେଡିଗ୍ ଇସପର୍ ମେଁଲ୍‌ନେ ବିଦ୍ରେ ଗୁଲେରେ ବିଦ୍ରେ ସାଦାରେ
ଆଲେଃ ଆରଗେ ଶୁ । ତେସା ମେଁଲ୍‌ନେ ଗୁଏଃଠେ ଗାଗ୍‌ଡେ
ବାଲିଲଃନେ ପିତୁର୍‌ପାକା ତିନଟତର୍ ଡିଙ୍ଗ୍ ଲଃଲେଗେ ।

୬ ମେଲ୍ ଡିରକମ୍ ଦଦ୍ୟା ବିସୟନ୍ନିଆ ସଡ଼ଶୁନେ ଚିନ୍ତା
ଡିଙ୍ଗ୍‌ଆରକେ ନେ ଦେଡ଼ରକମ୍ ଦଦ୍ୟା ଚିନ୍ତା ନେଡିଙ୍ଗ୍ ଶୁ ଏନ୍‌ସା
ଏନ୍ ସାପା ବିସୟ ନେନେ ବିଦ୍ରେ ଉସା ରକମ୍ ଡିଙ୍ଗ୍‌ଲେକେ ।

୭ ଡିରକମ୍ ମେଲ୍ ବିଦ୍ରେବାନ୍ ଉଃଡିରୁଆ ମୁରତି ପୁଜା ତିଂଶ୍ଟେ
ତିଂଆରକେ, ଦେଡ଼ରକମ୍ ଯେ ମୁରତି ପୁଜା ତିଂଶ୍ଟେ ଆତିଂଗେପା;
ସାସ୍ତ୍ରନ୍ନିଆ ଗୁଆରବକେ, “ରେମୁଆଁଲ୍ ଚଙ୍ଗ୍‌ନେସା କକେ ବାରି
ଝାଡ଼େଙ୍ଗ୍ ଝାନ୍‌ସା ତଡ଼୍ୟାଆକେ ।”

୮ ମେଁଲ୍‌ନେ ବିଦ୍ରେ ଉଡି ଅଡ଼ାରେଗ୍ ଡିଙ୍ଗ୍‌ରେ ମୁଇଙ୍ଗ୍ ଦିନ୍‌ରେ
୬୩ ଅଜାର ରେମୁଆଁ ଗୁଏଆରକେ । ଦେଡ଼ରକମ୍ ପାପ୍ ନେଃ
ନେଃଡିଂଗେପା ।

୯ ମେଁଲ୍‌ନେ ରକମ୍ ନେନେ କିସଟକେ ପରିକ୍ୟା ଡିଙ୍ଗ୍‌ନେ ବଲ୍
ଶୁ । ମାପୁକେ ପରିକ୍ୟା ଡିଙ୍ଗ୍‌ନେବଗ୍‌ସା ମେଲ୍ ବୁବଃ ଆଗଗ୍‌ଗାତେ
ଗୁଏଆରକେ ।

୧୦ ମେଁଲ୍‌ନେ ବିଦ୍ରେ ଜାଶ୍ଟେ ଜାଶ୍ଟେ ଇସପର୍‌ନେ ବିରଦ୍‌ରେ ଆପତି
ଦାବି ଡିଙ୍ଗ୍‌ରେ କିତଂଲିନେ ଦୁଡ଼ ବାନ୍ ଦଂସ ଡିଙ୍ଗ୍‌ଲେକେ । ଯେଲ୍
ଦେଡ଼ରକମ୍ ଆପତି ଅବିଜଗ୍ ଆଡିଙ୍ଗ୍‌ପା ନାମଃ ।

୧୧ ମେଲ୍ ନସା ଆକେନ୍ ସାପା ଗର୍‌ନା ବିନ୍‌ରେନେ ଉସା ରକମ୍
ଗଟେ ଲେଃକେ ବାରି ଆନେକେ ତରକ୍ ଆଡିଙ୍ଗ୍‌ନେସା ଆତେନ୍‌ଲ୍
ଗୁଆରବକେ । ମେଁ ଡାଗ୍‌ଲା ଜୁଗ୍ ଡାନେ ବେଲା ନେ ବାସା
ନେଡିଙ୍ଗ୍‌କେ ।

୧୨ ଜାଶ୍ଟେ ଡାଗାମ୍ ବାବ୍‌ରେ ନ୍‌ଲେଃକେ ଡାଗ୍‌ରେ ବାବେଏ ମେଁ
ତରକ୍ ଲାଃଲେ । ମେଁନେ ଡିରକମ୍ ନସ୍‌ଆଡିଙ୍ଗ୍ ଶୁ ।

୧୩ ଯେ ଆଶ୍ଟିନେ ସାପା ପରିକ୍ୟାନ୍ନିଆ ସାମନା ଡିଙ୍ଗ୍‌ପେଲେଃକେ
ରେମୁଆଁ ସାଦାରନ୍‌ରେ ଦେଡ଼ ରକମ୍ ପରିକ୍ୟାନ୍ନିଆ ସାମନା
ଡିଙ୍ଗ୍‌ଆରଏ ମାତର୍ ଇସପର୍ ମେଁଲ୍‌ନେ ପାରମାନ୍ ରକ୍ୟାନ୍ନିଆ

ବିସ୍ବାସ୍ । ମୈଁ ଆପେକେ ପେ ବପୁନେ ବାଏରେ ପରିକ୍ୟା ତିଙ୍ଗନ୍‌ସା ଆବି ଶୁ । ପେ ପରିକ୍ୟା ତିଙ୍ଗନେ ବେଲା ସାଇଜ ତିଙ୍ଗ୍ ନ୍‌ସା ଇସ୍‌ପର୍ ଆପେକେ ବପୁ ବିଏ ବାରି ଉଦାର୍ ବାନେ ଗାଲି ଆଃସୁଏ ବିଃଏ ।

୧୪ ଅ ନେଙ୍ଗନେ ନିଜର୍ ବୟୁଇଂ ସାରାସାରି ନେଙ୍ଗ୍ ବାସଙ୍ଗ୍‌ଣ୍ଡିଂ ଜେ ମୁତ୍ ପୁଜାବାନ୍ ସ୍ଲ ଲାଲାପା ।

୧୫ ନେଙ୍ଗ୍ ବୁଦିଲେକ୍ସେ ରେମୁଆଁକେ ବାସଙ୍ଗ୍‌କେ ରକମ୍ ବାସଙ୍ଗ୍‌ଣ୍ଡିଂକେ; ନେଙ୍ଗ୍ ମେଃମେଃନେ ବାସଙ୍ଗ୍‌ଣ୍ଡିଂକେ ଆତେନ୍ ପେଇଂ ନିଜେ ବିଚାର୍ ତିଙ୍ଗ୍‌ପା ।

୧୬ ମାପୁ ବଜିନ୍ନିଆ ନେ ଆଣ୍ଡିନେ କ୍ସୁଇଡିଆଃ ବେବଆର୍ ତିଙ୍ଗନେତିଙ୍ଗ୍, ଆତେନ୍ ନ୍‌ସା ନେ ଇସ୍‌ପର୍‌କେ ଦନ୍‌ଏବାଦ୍ ବିନେତିଙ୍ଗ୍ । ଏନ୍ ଶ୍ରିଆଃ କ୍ସୁଇବାନ୍ ଉଗ୍‌ନେ ବେଲା ନେ କ୍ରିସ୍‌ନେ ମିଆଁନ୍ନିଆ ବାଗ୍ ତୁଙ୍ଗନେତଏ । ବାରି ରୁଟି ପାକ୍‌ଚିଚେ ଚଙ୍ଗନେ ବାନ୍ ନେନେ କିସ୍‌ଟନେ ଗାଗ୍‌ଡେନ୍ନିଆ ଅଂସ୍ ଗ୍ରଅନ୍ ନେତିଙ୍ଗ୍‌ଏ ।

୧୭ ନେ ଗୁଲୁଏ ତିଙ୍ଗ୍‌ଲା ତିଗ୍ ରୁଟି ମୁଇଙ୍ଗ୍ ତିଙ୍ଗ୍‌ଲା ନେ ମୁଇଙ୍ଗ୍ ଗାଗ୍‌ଡେ ନେତିଙ୍ଗ୍‌ଏ ତାଗ୍ଲା ନେ ସାପାରେ ଆତେନ୍ ମୁଇଙ୍ଗ୍ ରୁଟିନ୍ନିଆ ଅଂସ୍ ଗ୍ରଅନ୍ ତିଙ୍ଗନେଲେଃଏ ।

୧୮ ଇସ୍‌ଏଲ ରେମୁଆଁଇଂନେ ବିସ୍‌ୟରେ ବାବେ କେଲାପା । ମୈଁଇଂନେ ବିଡେବାନ୍ ଜାଣ୍ଡେଇଂ ପୁଜାଚି ଚଙ୍ଗ୍‌ଆର୍‌ଏ ମେଇଂ ମେଃମେଃନେ ବେଦିନ୍ନିଆ ଉପାସ୍‌ନ୍ନିଆ ବାଗ୍ ତୁଙ୍ଗ୍‌ଆତଆର୍ ଶୁ ?

୧୯ ତେଲା ନେଙ୍ଗ୍ ମେଃମେଃନେ ବାସଙ୍ଗ୍‌ଣ୍ଡିଂ ଜେ ମୁତ୍ ବାରି ମୈଁନେ ଉଦେସ୍‌ରେ ପୁଜା ତିଙ୍ଗ୍‌କ୍ସେ ମେଃଡିଗ୍ ମୁଲ୍ୟ ଲେଃକେ ?

୨୦ ଶୁ ଅଃନାଡିଗ୍ ଶୁ । ନେଙ୍ଗନେ ବାସଙ୍ଗନେ ଅର୍‌ତ୍ ତିଙ୍ଗ୍‌କେ ଜେ ମୁତ୍ ପୁଜାରିଇଂ ପୁଜା ତିଙ୍ଗ୍‌କ୍ସେ ମ୍ୟା ଇସ୍‌ପର୍‌ନେ ଉଦେସ୍‌ରେ ଶୁ ଆତେନ୍ ସେଆଁରେ ଉଦେସ୍‌ରେ ତିଙ୍ଗ୍ ମ୍ୟାକେ । ସେଆଁରେ ଏତେ ପେଇଂନେ ମେଃଡିଗ୍ ସମ୍ପର୍କ୍ ଆଲେଃଲେ ତାଗ୍‌ଚେ ନେଙ୍ଗ୍ ଚାଏଁ ନାତିଙ୍ଗ୍‌କେ ।

୨୧ ମାପୁ ବାରି ସେଆଁରେ ମ୍ବାୟାନେ କ୍ସୁଇ ଶ୍ରିଆବାନ୍ ପେଇଂ ଉଗ୍ ପେୟା ଶୁ । ମାପୁ ବାରି ସେଆଁରେ ମ୍ବାୟାଅରିଆ ପେ କୁଡେ ପେୟାଶୁ ।

୨୨ ନେ ମେଃମେଃନେ ମାପୁନେ ମନନ୍ନିଆ ରିସା ନେଃରାଡ଼ିଙ୍ଗା ?
ନେ ମେଃମେଃନେ ଇସପରନେ ବାନ୍ ଜାବର୍ ବପୁ ?

୨୩ ☆ମେଇଂ ବାସଙ୍ଗାଆର୍ଡ଼ିଂକେ “ସାପା ତିଙ୍ଗ୍ ନସା ନେନେ
ଅଦିକାର୍ ଲେଃକେ ।” ସଡ଼ ସାମୁଆଁ ମାତର୍ ସାପା ବିସୟ୍ ନିମାଣ୍ଡା ଶୁ
। ନେ ସାପା ତିଙ୍ଗ୍ନେୟାଏ ମାତର୍ ସାପା ବିସୟ୍ ଅଦିକାର୍ ଶୁ ।

୨୪ ଆଣ୍ଡିନେ ରେମୁଆଁ ମାତର୍ ନିଜର୍ ବବିସଡ଼ ନସା ଚିନ୍ତା ତିଙ୍ଗ୍ନେ
ଦରକାର୍ ଶୁ ଆତେନ୍ସା ମେଁ ବିନ୍‌ଶ୍ଟେନେ ମଙ୍ଗଲ୍ ଚିନ୍ତା ତିଙ୍ଗ୍ନେ
ଦରକାର୍ ।

୨୫ ବୁଦିକେ ପରଚଲ୍ ବନ୍ସା ମେଃଡ଼ିଗ୍ ପ୍ରସନ୍ ମାସାଲ୍ୟାକୁଚେ
ସାନ୍ତାନ୍ନିଆ ସମ୍ୟାକ୍ ଚିଲି ପେ ସାର୍ଦାରେ ଚଙ୍ଗ୍ ପେୟାଏ

୨୬ ମେଃଡାଗଲ୍ଲା ବ୍ଲାଲିରନ୍ନିଆ ଗୁଆରବକେ, “ମଞ୍ଚପୁର୍ ବାରି
ଆଡ଼ଅରିଆ ଲେଃକେ ସାପା ବିସୟ୍ ମାପୁନେ ।”

୨୭ ଅବିସ୍ବାସି ରେମୁଆଁଇଂନେ ବିଡ୍ରେ ଜାଣ୍ଡେ ଜଦି ଆପେକେ
ଝା ଆର୍ଏ ବାରି ପେଇଂ ଝେନ୍ସା ଇକ୍ତା ପେଡିଙ୍ଗାଏ, ତେଲା
ମେଃନେ ତିଗ୍ ଆପେକେ ବିଃଆର୍ଏ, ବୁଦି ଲେଃକେ ରକମ୍ ମେଃଡ଼ିଗ୍
ମାବାସଙ୍ଗାଚେ ଆତେନ୍ ଚଙ୍ଗାପା ।

୨୮ ମାତର୍ ଆତେନ୍ ଦେବ୍ତା ବଗ୍ ଡାଗ୍ରେ ଜଦି ଜାଣ୍ଡେ ବାସଙ୍ଗାଏ
ମେଁନେ ମଙ୍ଗଲ୍ ନସା ବାରି ବୁଦି ନସା ଆତେନ୍ ଆଚଙ୍ଗାପା ।

୨୯ ଆକ୍‌ଅରିଆ ପେନେ ବୁଦିନେ ସାମୁଆଁ ନେଙ୍ଗ୍ ବାସଙ୍ଗା
ନାଡିଙ୍ଗାକେ ଶୁ ମେଁନେ ବୁଦି ନସା ଏନ୍ ସାମୁଆଁ ବାସଙ୍ଗା ଶ୍ରିଂକେ ।
ପେଇଂ ତିଙ୍ଗାଏ ତ ସାଲ୍ୟାଃକୁ ତିଙ୍ଗାପେୟାଏ, “ନେ ମୁକ୍ତି ମେଃନ୍ସା
ବିନ୍‌ଶ୍ଟେନେ ବୁଦି ଏତେ ବିଚାର୍ ତିଙ୍ଗାଏ ?

୩୦ ଜଦି ନେଙ୍ଗା ଇସପରକେ ଦନ୍ୟବାଦ୍ ବିଚେ ଞ୍ଚାଏ, ତେଲା ଜାଣ୍ଡେ
ଆଡ଼ଲା ଦନ୍ୟବାଦ୍ ମ୍ବିଏ, ମେଁ ଆଡ଼ଲା ନେଙ୍ଗା ମେଁନ୍ସା ନିନ୍ଦା ତିଙ୍ଗାଏ
?”

୩୧ ଆତେନ୍ସା ପେ ଚଙ୍ଗାପା ଶୁଲା ଉଗ୍ପା ଜା କିଚି ତିଙ୍ଗା ପେଡିଙ୍ଗା
ଆତେନ୍ ଇସପରନେ ଗୌରବ୍ ଆଡ଼ଲା ତିଙ୍ଗାପା ।

୩୨ ପେଇଂ ବିନ୍ ଦେସ୍‌ନେ ଜିଉଦି ଶୁଲା ଇସପରନେ ବିସ୍ବାସି ଦଲ୍
ଜା ଆଡ଼ଲା ତିଗ୍ ଟେପ୍‌ଲଃନେ ସୁଗୁଆ ଆଡିଙ୍ଗାପା ।

୩୩ ଯେ ନେଜ୍ ରକମ୍ ଅଲେଜ୍‌ଅଲଃ ତିଜ୍‌ପା । ନେଜ୍ ସାପା ବିସୟରେ ସାପାରେକେ ସାନ୍ତି ଆଡିଜ୍ ନସା ଚେସ୍‌ଟା ତିଜ୍‌ଣିଂକେ । ନିଜେନେ ଚିନ୍ତା ଆଡିଜ୍‌ଚେ ବିନ୍‌ଣ୍ଡେନେ ଉଦାର୍ ବାନ୍‌ସା ସାପାରେ ନସା ମଜ୍‌ଲ୍ ତିଂଣିଂକେ ।

୧୧

୧ ☆ନେଜ୍ ତିରକମ୍ କିସ୍‌ଟନେ ପ୍ଲା ଝେଣ୍ଡିଂକେ ଯେ ତିଗ୍ ଦେଡ୍‌ରକମ୍ ପ୍ଲା ଝେଲାପା ।

ବାଆଃ ଗୁଲୁବଃନେ

୨ ଯେଇଂ ସାପା ବିସୟରେ ଆନେଜ୍ ମନେ ଏତେ ଯେମ୍ୟାଃ ବାରି ନେଜ୍ ଆପେକେ ସାପା ନିଅମ୍ ବିମ୍‌କେ ଆତେନ୍ ସାପା ପାଲନ୍ ତିଜ୍‌ପେଡିଂକେ, ଏନ୍‌ସା ନେଜ୍ ଯେଇଂନେ ପ୍ରସଂସା ତିଜ୍‌ଣିଂକେ ।

୩ ମାତର୍ କିସ୍‌ଟ ସାପାରେ ଜିର୍‌ବଏନେ ବାଆ ରକମ୍ ବାରି ଜିର୍‌ବଏ ସେଲାମ୍‌ସୁଃ ବାଆଃ ରକମ୍ ବାରି ଇସ୍‌ପର୍ କିସ୍‌ଟନେ ବାଆଃ ରକମ୍ ଏନ୍ ଯେଇଂ ମ୍ୟାପା ଡାଗ୍‌ଚେ ନେଜ୍‌ନେ ଇକ୍‌ଟା ।

୪ ତେସା ମୁଡି ଜିର୍‌ବଏ ବାଆ ଗୁଲୁବଚେ ପାର୍‌ଡନା ତିଜ୍‌ଏ ବାରି ଇସ୍‌ପର୍‌ନେ ହାଲିର୍ ବାଲିର୍‌ଏ ମେଁ କିସ୍‌ଟକେ ଅପମାନ୍ ଆଡିଜ୍‌ଏ ।

୫ ମାତର୍ ମୁଡି ସେଲାମ୍‌ସୁ ବାଆ ମାଗୁଲୁବଃଚେ ପାର୍‌ଡନା ତିଜ୍‌ଏ ବାରି ମାପୁ ସାମୁଆଁ ବାସଜ୍‌ଏ, ମେଁ ନିଜେନେ ଆଣ୍ଡାଣ୍ଡେନେ ନିନ୍ଦା ଆଡିଜ୍‌ଏ ଦେଡ୍‌ରକମ୍ ସେଲାମ୍‌ସୁଃ ମୁଣ୍ଡିଲେଃକେ ସେଲାମ୍‌ସୁଃ ରକମ୍ ।

୬ ମୁଡି ସେଲାମ୍‌ସୁ ଜଦି ମେଁନେ ବାଆଃ ମାଗୁଲୁବଃନ୍‌ସା ଇକ୍‌ଟା ତିଜ୍‌ଏ ତେଲା ମେଁନେ ବାଆଃନେ ଉଗ୍‌ବ ଗୁଆଃବିଲେ । ମାତର୍ ଉଗ୍‌ବ ଗୁଆଃନେ ଶୁଲା ମୁଣ୍ଡି ତିଜ୍‌ନେ ସେଲାମ୍‌ସୁଃ ନସା ଗିଆସ ରକମ୍ ତିଜ୍‌ବେଲା ମେଁ ବାଆଃ ଗୁଲୁବନେ ଦର୍‌କାର୍ ।

୭ ଜିର୍‌ବଏ ଇସ୍‌ପର୍‌ନେ ରକମ୍ ମୁଡି ଆରି ମଇମା ରକମ୍ ତିଂକେସାଃ ସତେଆଃ ମେଁନେ ବାଆଃ ଗୁଲୁବନେ ଦର୍‌କାର୍ ଶୁ ମେଃଡାଗ୍ଲା ଇସ୍‌ପର୍‌ନେ ମୁଆଃନିଆ ବାରି ମଇମା ମେଁନେ ଡାଗ୍ରା ଲେଃକେ । ମାତର୍ ସେଲାମ୍‌ସୁ ଡାଗ୍ରା ଜିର୍‌ବଏଂନେ ମଇମା ଲେଃକେ ।

☆ ୧୧:୧ ୧ କରିନତିୟ ୪:୧୭; ପିଲିପିୟ ୩:୧୭.

୮ ସେଲ୍ୟାମ୍ବୁୟୁଃ ଜିର୍ବଏଃ ବାନ୍ ତିଆର୍; ମାତର୍ ଜିର୍ବଏଃ ସେଲ୍ୟାମ୍ବୁୟୁଃ ବାନ୍ ତିଆର୍ ଆଡିଙ୍ଗକେ ଶୁ ।

୯ ବାରି ଜିର୍ବଏନେ ତିଆର୍ ସେଲ୍ୟାମ୍ବୁୟୁଃ ନ୍‌ସା ଶୁ; ମାତର୍ ସେଲ୍ୟାମ୍ବୁୟୁଃ ତିଆର୍ ଜିର୍ବଏନେ ନ୍‌ସା ।

୧୦ ଆଡେନ୍ ସା କିତଂ ଦୁଡ଼ଙ୍ଗନେ ନ୍‌ସା ସେଲ୍ୟାମ୍ବୁୟୁଃ ଆଣ୍ଡାଣ୍ଡେନେ ଅଦିକାରରେ ଲେଃଗେସାଃ ସନ୍‌ମାନ୍ ବାନ୍‌ନେ ରକମ୍ ବାଆଃ ଗୁଲୁବଃନେ ଦର୍କାର୍ ।

୧୧ ମାତର୍ ମାପୁନେ ଡାଗ୍ରା ଜିର୍ବଏ ସେଲ୍ୟାମ୍ବୁୟୁଃ ବାନ୍ ବିନେ ଶୁ ବା ସେଲ୍ୟାମ୍ବୁୟୁଃ ଜିର୍ବଏଃ ବାନ୍ ବିନେ ଶୁ

୧୨ ଡାଗ୍ରା ସେଲ୍ୟାମ୍ବୁୟୁଃ ଜିର୍ବଏଃ ବାନ୍ ତିଆର୍ ଡିଙ୍ଗଲେଃକେ ବାରି ଜିର୍ବଏଃ ସେଲ୍ୟାମ୍ବୁୟୁଃବାନ୍ ତିଆର୍ ଡିଙ୍ଗଲେଃକେ ମାତର୍ ଇସ୍‌ପର୍ ସାପାରେକେ ଆରେ ବିକେ ।

୧୩ ମୁଇଙ୍ଗ୍ ସେଲ୍ୟାମ୍ବୁୟୁଃ ବାଆ ଗୁଲୁବତେ ପର୍‌ମେସର୍‌କେ ପାର୍‌ତନା ଡିଙ୍ଗନେ ମେଃମେଃନେ ଦର୍କାର୍ କି ? ଏନ୍ ପେଇଁ ନିଜେ ନିଜେ ବିଚାରୁ ଡିଙ୍ଗା ।

୧୪ ଦର୍‌ତନି ମୈନେ ଆପେକେ ସିକ୍ୟା ଆବିକେ ଜେ ଲ୍ଲେ ଉଗ୍‌ବ ଜିର୍ବଏନେ ଗିଆସମାଲା

୧୫ ମାତର୍ ଆକେନ୍ ସେଲ୍ୟାମ୍ବୁୟୁଃନେ ଗୌରବ୍‌ନେ ବିସୟ୍ ? ଆକେନ୍ ଲ୍ଲେ ଉଗ୍‌ବ ମୈନେ ବାଆଃ ଡିଡାନ୍‌ସା ବିବକେ ।

୧୬ ଜଦି ଏନ୍ ବିସୟ୍‌ରେ ଜାଣ୍ଡେ ଅଡ଼୍କା ଅଡ଼୍କି ଡିଙ୍ଗନ୍‌ସା ଇକ୍‌ଚା ଡିଙ୍ଗ୍‌ଏ ତେଲା ଆମେକେ ନେଙ୍ଗ୍ ଆକେନ୍ ବାସଙ୍ଗନେ ସାମୁଆଁ ନେ ବିତ୍ରେ ଶୁଲା ଇସ୍‌ପର୍‌ନେ ପାର୍‌ତନା ମଣ୍ଡଲିନ୍ନିଆ ପାର୍‌ତନା ବିସୟ୍‌ରେ ବିନ୍ ମେଃଡିଗ୍ ଗାଲି ଶୁ ।

ମାପୁ ବଜି

୧୭ ଆପେକେ ବାରି ଉଡ଼ିକ୍ଲିଗ୍ ଆଦେସ୍ ବିକେଲା ନେଙ୍ଗ୍ ପେନେ ପ୍ରସଂସା ଡିଙ୍ଗତେ ମେଃଡିଗ୍ ବାସଙ୍ଗ୍ ନାୟା ଶୁ । ପେ ପାର୍‌ତନା ଡିଙ୍ଗନେସା ମୁଇଁ ଡାଗ୍ରା ରିସିଙ୍ଗନେ ବେଲା ଆକେନ୍ ପେ ଇସାବ୍‌ରେ ନିମାଣ୍ଡା ମାଡିଙ୍ଗତେ ଦଦ୍ୟା ଡିଙ୍ଗଡିଙ୍ଗକେ ।

୧୮ ପର୍‌ଡୁମ୍ ନେଙ୍ଗ୍ କବର୍ ବାଲ୍ଲେଃକେ ଜେ, ମଣ୍ଡଲି ରକମ୍ ପାର୍‌ତନା କେଲା ମୁଇଁନ୍ନିଆ ରିସିଙ୍ଗନେ ବେଲା ପେଇଁନେ ବିତ୍ରେ

ଦଲ୍ ବିନେ ଡିଙ୍ଗିଆରଡ଼ିଂକେ । ଏନ୍ ଉଡ଼ି ଇସାବ୍ ବାବ୍ରେ ସଡ଼
ଡାଗ୍ରେ ନେଙ୍ଗନେ ବିସ୍ବାସ୍ ।

୧୯ ଏଲେଡ଼ିଗ୍ ପେଇଂନେ ବିଡ୍ରେ କୁଦା କୁଦା ଡିଙ୍ଗିଆରଏ ବାରି ଏନ୍
କୁଡ଼େଫାଡ଼େଫନ୍ନିଆ ଜାଣ୍ଡେଇଂନେ ଇକ୍ଚା ଉଡ଼ି ଜାନାପଡ଼େଏ ।

୨୦ ପେଇଂ ମୁଇଙ୍ଗ୍ ମାନ୍ଦା ରକମ୍ ମୁଇଂଅରିଆ ଡିଙ୍ଗିରେ ଆଣ୍ଡିନେ
ଚଙ୍ଗନେନିଆ କୁଡ଼େଫ ପେଲେଫକେ “ଆଡେନ୍ ମାପୁ ବଜି ଡାଗ୍ରେ
ବାବେ ପେଡ଼ିଙ୍ଗିକେ ଆଡେନ୍ ମାପୁ ବଜି ଶୁ”

୨୧ ମେଫଡାଗ୍ଲା ଆଡେନ୍ ବେଲା ପେ ସାପାରେ ନିଜର୍ ନିଜର୍ ବଲେ
ଚଙ୍ଗନେ ଦାନ୍ଦା ଡିଙ୍ଗିପେଲେଫଏ । ଡେନ୍ବେଲା ମୁଇଂଜା କେଡ଼େସ
ଲେଫକେଲା ବିନ୍ ମୁଇଂଜା ବୁସାଫଏ ।

୨୨ ଚଙ୍ଗ ଉଗନ୍ଦା ପେନେ ମେଫନେ ନିଜର୍ ହୁଆ ଶୁ ? ଶୁଲା
ଇସ୍ପରନେ ମଣ୍ଡଲିକେ ଦଦ୍ୟା ଗ୍ୟାନ୍ ବିଫନେ ବାରି ଅରକିଡ଼
ରେମୁଆଁଇଂକେ ଅପ୍ମାନ୍ ବିଫନେ ମେଫନେ ପେନେ ଉଦେସ୍ । ନେଙ୍ଗ
ଆପେକେ ଏନ୍ ବିସ୍ମରେ ମେଫନେ ମ୍ବାସଙ୍ଗଏ ? ମେଫନେ ଆପେକେ
ପ୍ରସଂସା ଶ୍ରିଙ୍ଗଏ ? ଶୁ ଆକ୍ଅରିଆ ନେଙ୍ଗ ଆପେକେ ପ୍ରସଂସା ଡିଙ୍ଗି
ନାନ୍ଦା ଶୁ ।

୨୩ ଏନ୍ ବିସ୍ମରେ ମାପୁନେବାନ୍ ନେଙ୍ଗ ଆଣ୍ଡିନେ ସିକ୍ୟା
ବାଲ୍ଲେଫକେ ଆପେକେ ଆଅଁ ଶ୍ରିଙ୍ଗ । ମାପୁ ଜିସୁ ସଡୁଇଂନେ ଡ୍ରିନ୍ନିଆ
ଆସାଙ୍ଗେ ମିଡ଼ିଗ୍ ରୁଚି ହୁଗ୍ଫେରେ

୨୪ ଇସ୍ପରନେ ଦନ୍ୟବାଦ୍ ବିଚେ ଆଡେନ୍ ପାକଚିଚେ ବାସଙ୍ଗକେ
“ଏନ୍ ଡିଙ୍ଗିଂକେ ନେଙ୍ଗନେ ଗାଗ୍ଡେ । ଆନେଙ୍ଗ ମନେ ଲ୍ଲାଗ୍ନେସା
ଏନ୍ ଡିଙ୍ଗିପା ।”

୨୫ ଚଙ୍ଗକ୍ଲେ ଇଡ଼ିଙ୍ଗି ଦେଡ଼ରକମ୍ ଚଙ୍ଗକ୍ଲେ ତାଲି ଆଡ଼ଡ଼୍ୟାଚେ
ମେଁ ବାସଙ୍ଗକେ “ଏନ୍ ଚଙ୍ଗକ୍ଲେ ତାଲି ନେଙ୍ଗନେ ମିଆଁରେ ଡିଆର୍
ଡିଙ୍ଗିଲେଫକେ ଇସ୍ପରନେ ମି ନିଅମ୍ । ପେଇଂ ଉଡ଼ିତର୍ ଏନ୍
ଚଙ୍ଗକ୍ଲେ ତାଲିନ୍ନିଆ ପେଚଙ୍ଗଏ ଅଫଡେନ୍ତର୍ ଆନେଙ୍ଗ ମନେ
ଲ୍ଲାଗ୍ନେସା ଆକେନ୍ ପେଡ଼ିଙ୍ଗିଏ ।”

୨୬ ଆକ୍ବାନ୍ ଆକେନ୍ ମ୍ୟାନେଡ଼ିଙ୍ଗିକେ ଜେ ପେ ଉଡ଼ି ତର୍ ଏନ୍
ରୁଚି ପେଚଙ୍ଗଏ ବାରି ଏନ୍ ଉଗ୍ଲେ କ୍ଲୁଇବାନ୍ ପେଉଗ୍ଏ ଅଫଡେନ୍
ତର୍ ମାପୁ ପାଙ୍ଗନେ ଜାକ ମେଁନେ ଗୁଏଫନେ ସାମୁଆଁ ବାସଙ୍ଗ ଲାଲାପା
।

୨୭ ଏଲେଡିଗ୍ ଜାଣ୍ଡେ ଦରକାର ଶୁ ଭାଗରେ ମାପୁନେ ଏନ୍ ମନେ
ଜ୍ଞାଗନେ ରୁଚି ଚଙ୍ଗଏ ଶୁଲା ଏନ୍ ଉଗନେ ଜ୍ଞୁଇବାନ୍ ଉଗଏ ମେଁ
ମାପୁନେ ଗାଗଡ଼େ ବାରି ମ୍ୟା ବିରୁଦ୍ରେ ପାପ୍ ପେଡ଼ିଙ୍ଗଏ ।

୨୮ ତେସା ଆକେନ୍ ରୁଚି ଚଙ୍ଗନେ ସେନୁଗ୍ ବାରି ଉଗନେ ଜ୍ଞୁଇବାନ୍
ଉଗନେ ସେନୁଗ୍ ସାପାରେ ନିଜକେ ପରିକ୍ୟା ଡିଙ୍ଗପା ।

୨୯ ମେଁ ଡାଗ୍ଲା ମୁଡ଼ି ରେମୁଆଁ ମାପୁନେ ଗାଗଡ଼େନେ ସଡ଼ ଅରଡ଼
ମାରୁଜେଚେ ଚଙ୍ଗଏ ବାରି ଉଗଏ ମେଁ ଡିଲାଡିଗ୍ ତଣ୍ଡ ବାଏ ।

୩୦ ଆତେନ୍ସା ପେଇଁନେ ବିତ୍ରେ ଏଃକେ ଗୁଲେରୁଆ
ଅସକଡିଆରେ ଲେଃକେ ରଗ୍ରେ ଲେଃଆରକେ ବାରି ଗୁଏନେ
ଆଡ଼ାଡ଼ା ଲେଃଆରକେ ।

୩୧ ମାତର୍ ସିସେନୁଗ୍ ଜଦି ଜିବନ୍ ବିଃଚେ କାମ୍ ଡିଙ୍ଗଲା ନେ
ଇସ୍ପରନେ ତଣ୍ଡ ନେବା ଶୁ

୩୨ ମାତର୍ ମଞ୍ଚପୁରନେ ସାରାସାରି ତଣ୍ଡବାନ୍ ଆନେକେ
ରକ୍ୟା ଡିଙ୍ଗନ୍ସା ଇସ୍ପର୍ ଆନେକେ ବିଚାର ଡିଙ୍ଗଚେ ବୁଜାମନା
ଆଃଡ଼ିଙ୍ଗଡ଼ିଙ୍ଗକେ ।

୩୩ ଏଲେଡିଗ୍ ନେଙ୍ଗନେ ବୟାଁଇଁ ପେଇଁ ମାପୁରୁ ବଜି ଚଙ୍ଗ ନ୍ସା
ମୁଇଁଅରିଆ ରିସିଙ୍ଗନେ ବେଲା ନିଜର୍ ନିଜର୍ ନ୍ସା ଉରପା ।

୩୪ ପେନେ ଦଲ୍ ଡିରକମ୍ ଇସ୍ପରନେ ତଣ୍ଡ ବେପା ଶୁ ଆତେନ୍ସା
ଜଦି ଜାଣ୍ଡେ କେଡ଼େସଃ ଲେଃଏ ତେଲା ମେଁ ତୁଆ ଚଙ୍ଗଚେ ପାଙ୍ଗଲେଃ
। ବିନ୍ବିନ୍ନେ ବିସୟ ସାପା ନେଙ୍ଗ୍ ଫାଙ୍ଗ୍ଲେ ଇଡ଼ିଙ୍ଗ୍ ଆଦ୍ରିଗ୍ ମ୍ବଏ ।

୧୨

ପବିତ୍ର ଆମ୍ବାନେ ବାନ୍ ଦାନ୍

୧ ବୟାଁ ବାରି ତନାଇଁ ପବିତ୍ର ଆମ୍ବାନେ ଦାନ୍ ବିସୟରେ ନେଙ୍ଗ୍
ଆପେକେ ସଡ଼ ଆମ୍ୟାଃନ୍ସା ଚାଏଁଶ୍ଟିଙ୍ଗକେ ।

୨ ପେଇଁ ମ୍ୟାପେଲେଃକେ ଜେ ଅବିସ୍ବାସି ଲେଃକେଲା
ଜିବନ୍ଶୁନେ ମୁଡ଼ିଁଇଁକେ ପୁଜା ଡିଙ୍ଗଚେ ପେଇଁ ଗାଲି
ଆବଃପେଲେଗେ ।

୩ ଆତେନ୍ସା ପେଇଁନେ ମ୍ୟାନେ ଦରକାର୍ ଜେ ଇସ୍ପରନେ ଆମ୍ବା
ବାନ୍ ଆଃଅଲେଙ୍ଗ୍ଲେ ରେମୁଆଁ ଜା ବାସଙ୍ଗ୍ଆୟା ଶୁ ଜେ “ଜିସୁ

ଅଦିସାପ୍ତ ବାଲେଃକେ” ବାରି ପବିତ୍ର ଆମ୍ବାନେ ବାନ୍ ଆଚାଲେଲା ଜାଣ୍ଡେ ଜିସୁକେ ମାପୁ ଡାଗ୍ତେ ଗ୍ରଥନ୍ ଡିଙ୍ଗ୍ ଆୟା ଶୁ ।

୪ ✠ପବିତ୍ର ଆମ୍ବାନେ ଦାନ୍ ବିନ୍ବିନ୍ ରକମ୍ ମାତର୍ ଆତେନ୍ ମୁଇଙ୍ଗ୍ ପବିତ୍ର ଆମ୍ବା ଆତେନ୍ ସାପା ଦାନ୍ ଡିଙ୍ଗ୍ଆର୍ଏ ।

୫ ବିନ୍ବିନ୍ ରକମ୍ ଜତନ୍ ଆଡିଙ୍ଗ୍ଆର୍ଡିଙ୍ଗ୍ଲା ଡିଗ୍ ମୁଇଙ୍ଗ୍ ମାପୁନେ ଜତନ୍ ଡିଙ୍ଗ୍ଏ ।

୬ କାମ୍ ଡିଙ୍ଗ୍ନେ ବପୁ ବିନ୍ବିନ୍ ରକମ୍ ମାତର୍ ମୁଇଙ୍ଗ୍ ଇସ୍ପର୍ ଆତେନ୍ ସାପା ବପୁ ଜଗେ ବଏ ।

୭ ସାପାରେନେ ମଙ୍ଗ୍ଲ ସା ସାପା ରେମୁଆଁବାନ୍ ପବିତ୍ର ଆମ୍ବାନେ ବପୁ ବିନ୍ବିନ୍ ବାବରେ ନାଏ ।

୮ ପବିତ୍ର ଆମ୍ବାନେ ଦୟାବାନ୍ ଜାଣ୍ଡେ ବୁଦିନେ ସାମୁଆଁ ବାସଙ୍ଗ୍ ନସା ଅଦିକାର୍ ବିବକେ । ବାରି ମୁଇଙ୍ଗାକେ ଗ୍ୟାନ୍ ସାମୁଆଁ ବାସଙ୍ଗ୍ ନସା ଅଦିକାର୍ ବିବକେ ।

୯ ଆତେନ୍ ମୁଇଙ୍ଗ୍ ପବିତ୍ର ଆମ୍ବା ଜାଣ୍ଡେକେ ବିଏ ବିସ୍ବାସ୍ ବାରି ଜାଣ୍ଡେକେ ବିଏ ନିମାଣ୍ଡା ଆଡିଙ୍ଗ୍ନେ ବପୁ;

୧୦ ଆଜାକେ ବିଏ ଇରିୟାଡୁଗ୍ ରକମ୍ନେ କାମ୍ ଡିଙ୍ଗ୍ନେ ଅଦିକାର୍ ଆଜାକେ ବିଏ ଇସ୍ପର୍ନେ ବବିସ୍ତ୍ ସାମୁଆଁ ବାସଙ୍ଗ୍ନେ ବପୁ ବାରି ଆଜାକେ ବିନ୍ବିନ୍ନେ ଆମ୍ବା ସାମୁଆଁନେ ଅଦିକାର୍; ବାରି ମେଁ ଆଜାକେ ବିଏ ବିନ୍ବିନ୍ ବ୍ଲାଲିର୍ ସାମୁଆଁ ବାସଙ୍ଗ୍ନେ ବପୁ ବାରି ଆଜାକେ ବିଏ ଆତେନ୍ ବାସାନେ ଅର୍ତ୍ତ ବାସଙ୍ଗ୍ନେ ଅଦିକାର୍ ।

୧୧ ମାତର୍ ଆକେନ୍ ସାପା ଆତେନ୍ ମୁଇଙ୍ଗ୍ ଆମ୍ବା ଆଃ ଡିଙ୍ଗ୍ବଏ । ମେଁ ନିଜର୍ ଇକ୍ତା ସୁଗୁଆ ସାପା ରେମୁଆଁକେ ବିନ୍ବିନ୍ ବିସୟ୍ ବିଃମ୍ୟାକେ ।

ମୁଇଙ୍ଗ୍ ଗାଗ୍ଡେ ମାତର୍ ଗୁଲୁଏ ଅଙ୍ଗ

୧୨ ✠ଡାଗ୍ଲା ଡିରକମ୍ ଗାଗ୍ଡେ ମୁଇଙ୍ଗ୍ ବାରି ଆଡ୍ଅରିଆ ଗାଗ୍ଡେଗୁଗ୍ଲା ଗୁଲୁଏ ମାତର୍ ଗାଗ୍ଡେନେ ସାପା ଗାଗ୍ଡେଗୁଗ୍ଲା ଗୁଲୁଏ ଡିଙ୍ଗ୍ଲା ଡିଗ୍ ମୁଇଙ୍ଗ୍ ଗାଗ୍ଡେ ଆଃ ଦେଡ୍‌ରକମ୍ ଡିଗ୍ କିସ୍ତ

✠ ୧୨:୪ ରମିୟ ୧୨:୭-୮. ✠ ୧୨:୧୨ ରମିୟ ୧୨:୪,୫.

୧୩ ଦେହରକମ୍ ଜିହ୍ଵଦି ଅବିସ୍ଵାସି ଗତିରେ ବାରି ମୁକ୍ତି ରେମୁଆଁ ସାରାସାରିକେଲା ନେ ସାପାରେ ମୁଇଙ୍ଗ ଆମ୍ଭାନେ ସାସନ୍ ଡିଙ୍ଗନେ ଛୁଆଦିକ୍ୟା ବାରେ ଆତେନ୍ ମୁଇଙ୍ଗ ଗାଗ୍ଡେନ୍ନିଆ ମିସୁ ନେଲେଃକେ ମୁଇଙ୍ଗ ଆମ୍ଭାକେ ଉଗ୍ ନେଲେଃକେ ।

୧୪ ଗାଗ୍ଡେ ମୁଇଙ୍ଗ ଗାଗ୍ଡେକେ ତୁଙ୍ଗ୍ଝେତେ ଆରେଆବକେ ମାତର୍ ଗୁଲୁଏ ଗାଗ୍ଡେ ଏତେ ଆରେବକେ ।

୧୫ ଞ୍ଜ ଜଦି ବାସଙ୍ଗଏ “ନେଙ୍ଗ୍ ଛି ଶୁ ତେଲା ଗାଗ୍ଡେନେ ଅଙ୍ଗ ଶୁ” ତେଲା ଏନ୍ ନସା ଆତେନ୍ ଗାଗ୍ଡେ ଅଙ୍ଗ ଡିଙ୍ଗ୍ରେ ଲେଃ ଆୟା ଶୁ କି ।

୧୬ ଲୁଗ୍ ଜଦି ବାସଙ୍ଗଏ “ନେଙ୍ଗ୍ ମ୍ନୁଆଃ ଶୁ, ତେଲା ଗାଗ୍ଡେନେ ଅଙ୍ଗ ଶୁ” ତେଲା ଏନ୍ ନସା ମେଁ ଡିଗ୍ ଗାଗ୍ଡେବାନ୍ ବିନେ ଡିଙ୍ଗ୍ରେ ଲେଃଆୟା ଶୁ ।

୧୭ ସାପା ଗାଗ୍ଡେ ଜଦି ମ୍ନୁଆଁଃ ଡିଙ୍ଗ୍ଏ, ତେଲା ଅଁ ଡିଙ୍ଗ୍ଏ ଡିରକମ୍ ? ବାରି ଆତେନ୍ ଜଦି ମାତର୍ ଲୁଗ୍ ଡିଙ୍ଗ୍ଏ ତେଲା ତୁଇନ୍ସା ଡିଙ୍ଗ୍ଏ ଡିରକମ୍ ?

୧୮ ମାତର୍ ଇସପର୍ ଗାଗ୍ଡେଗୁଗ୍ଡାକେ ମୁଇଂ ମୁଇଂ ଡିଙ୍ଗ୍ରେ ଗାଗ୍ଡେନ୍ନିଆ ନିଜର୍ ଇକଟା ରକମ୍ ଜଡେବକେ ।

୧୯ ବାରି ଜଦି ଆତାନ୍ସାପା ମୁଇଙ୍ଗ୍ ଅଙ୍ଗ ଡିଙ୍ଗ୍ପାଲେଃ ତେଲା ଗାଗ୍ଡେ ଆଣ୍ଡିଅରିଆ ?

୨୦ ମାତର୍ ସତେଆ ଗାଗ୍ଡେଗୁଗ୍ଡା ଗୁଲୁଏ ମାତର୍ ଗାଗ୍ଡେ ମୁଇଙ୍ଗ୍ ।

୨୧ “ନାତାଗ୍ରା ନେଙ୍ଗ୍ନେ ଦର୍କାର୍ ଶୁ” ତାଗ୍ରେ ମ୍ନୁଆଁଃ ଛିକେ ବାସଙ୍ଗ୍ ଆୟାକେ ଶୁ । “ଶୁଲ୍ଲା ନାତାଗ୍ରା ନେଙ୍ଗ୍ନେ ଦର୍କାର୍ ଶୁ ତାଗ୍ରେ ବାଆ ଞ୍ଜକେ ବାସଙ୍ଗ୍ ଆୟା ଶୁ ।”

୨୨ ବିନ୍ ପାକା ଗାଗ୍ଡେନେ ଆଣ୍ଡିନେ ଅଙ୍ଗ ଆଣ୍ଡେଙ୍ଗ୍ ଅସକ୍ତିଆ ତାଗ୍ରେ ମନେ ଡିଙ୍ଗ୍ଏ ଆତେନ୍ ଆଣ୍ଡେଙ୍ଗ୍ ଦର୍କାର୍ ।

୨୩ ଗାଗ୍ଡେ ଆଣ୍ଡିନେ ଅଙ୍ଗ ଆଣ୍ଡେଙ୍ଗ୍ ନେନେ ଜାବର୍ ଦର୍କାର୍ ତାଗ୍ରେ ମନେ ଡିଙ୍ଗ୍ନେଡିଂକେ ଶୁ ଆତେନ୍ ଆଣ୍ଡେଙ୍ଗ୍ ନେନେ ଜାବର୍ ଜଡନ୍ ନେଡିଙ୍ଗ୍ଏ । ବାରି ଗାଗ୍ଡେନେ ବୁଡିଲେଃକେ ଅଙ୍ଗ ଇଂନେ ଆଡାଡା ନେନେ ଜାବର୍ ମନ୍ ନେବିଏ

୨୪ ମାତର୍ ନେନେ ବୁଡିଲେଃକେ ଗାଗ୍ଡେ ଆଣ୍ଡେଙ୍ଗ୍ ସବା ନ୍ହାନେ ଦର୍କାର୍ ଶୁ ।

୨୫ ତେସା ଗାଗଡ଼େ ବିତ୍ତେ ମେଠଡ଼ିଗ୍ ଅସ୍ବିଦା ଆଡ଼ିଙ୍ଗ୍ ଶୁ ବାରି ବିନ୍ବିନ୍ ଗାଗଡ଼େଗୁଗ୍ଡା ଆଣ୍ଡେଙ୍ଗ୍ ମେଁ ମେଇଁ ବିଡ଼ରେ ଦରକାର୍ ଲେଠକେ ଜିନିସ୍ ବୁଜେମ୍ୟାଠକେ ।

୨୬ ଜଦି ଗାଗଡ଼େନେ ମୁଇଙ୍ଗ୍ ଅଙ୍ଗ କସ୍ ବାଏ, ମେଁ ଏତେ ଗାଗଡ଼େନେ ବିନ୍ ଅଙ୍ଗ ଆଣ୍ଡେଙ୍ଗ୍ ଡିଗ୍ କସ୍ ବାଏ । ଜଦି ଗାଗଡ଼େନେ ମେଠଡ଼ିଗ୍ ଅଙ୍ଗ ସନ୍ମାନ ବାଏ, ବିନ୍ ସାପା ଅଙ୍ଗ ଆଣ୍ଡେଙ୍ଗ୍ ମେଁ ଏତେ ମୁଇଁଅରିଆ ଡିଙ୍ଗ୍ରେ ସାର୍ଦା ଡିଙ୍ଗ୍ଆରଏ ।

୨୭ ଯେ କିସ୍ତନେ ଗାଗଡ଼େ । ଯେ ସାପାରେ ଆତେନ୍ ଗାଗଡ଼େନେ ମୁଇଁ ମୁଇଁ ଅଙ୍ଗ ।

୨୮ *ମଣ୍ଡଲିନ୍ନିଆ ଇସ୍ପର୍ ସିସେ ପ୍ରେରିଡ଼ ସିସ୍ଇଁକେ, ତେନ୍ ଇଡ଼ିଁ ବାବବାଦିଇଁକେ, ତେନ୍ ଇଡ଼ିଁ ଆଲନେ ଗୁରୁଇଁକେ । ତେନ୍ ଇଡ଼ିଁ ଇରିଆଡୁଗ୍ କାମ୍ ଡିଙ୍ଗ୍ନେ, ରେମୁଆଁଇଁକେ ରଗ୍ ନିମାଣ୍ଡା ଆଠଡ଼ିଙ୍ଗ୍ଣେ, ସାଇଜ ଡିଙ୍ଗ୍ଣେ, ନେତା କାମ୍ରେ ଅଦିକାର୍ ବାରି ବିନ୍ବିନ୍ ବ୍ଲାସାରେ ସାମୁଆଁ ବାସଙ୍ଗ୍ନେ ରେମୁଆଁଇଁକେ ସ୍ତ୍ରୀ ବକେ ।

୨୯ ମେଇଁ ସାପାରେ ପ୍ରେରିଡ଼ ସିସ୍ ବାବବାଦି କି ଗୁରୁ ଶୁ । ସାପାରେ ମେଠ ବପୁନେ କାମ୍ ପୁରନ୍ ଆଠଡ଼ିଣ୍ଡେ ।

୩୦ ସାପାରେ ରଗ୍ ନିମାଣ୍ଡା ଆଡ଼ିଙ୍ଗ୍ନସା ବିନ୍ବିନ୍ ବ୍ଲାସାରେ ସାମୁଆଁ ବାସଙ୍ଗ୍ ନସା ବାରି ମେଁ ସାପାନେ ଅରଡ଼ ବୁଜେନସା ଆୟାଆର୍ ଶୁ ।

୩୧ ଯେ ନିମାଣ୍ଡା ଦାନଆଣ୍ଡେଙ୍ଗ୍ ବାନସା ତିଆର୍ ଡିଙ୍ଗ୍ପା । ନେଙ୍ଗ୍ ଆପେକେ ଆକ୍ମେବାନ୍ ନିମାଣ୍ଡାନେ ମୁଇଙ୍ଗ୍ ଗାଲି ନ୍ନାଠକେଏ ।

୧୩

ଆଲାଦ୍

୧ ଜଦି ନେଙ୍ଗ୍ ରେମୁଆଁଇଁନେ ବାରି କିତଂ ଦୁଡ଼ଇଁନେ ବ୍ଲାସାରେ ସାମୁଆଁ ଘାସଙ୍ଗ୍ ନେଙ୍ଗ୍ ରୁଦୟନ୍ନିଆ ଆଲାଦ୍ ଆଲେଠଲା ତେଲା ନେଙ୍ଗ୍ ନ୍ନାଙ୍ଗ୍ନେ ଗଣ୍ଡା ଶୁଲା ଜିଲିଙ୍ଗ୍ ଜିଲିଙ୍ଗ୍ ତିମ୍ୟାଠକେ ମୁଇଁ ଛି ବାଠଡ଼ିନେ ରକମ୍ ଡିଙ୍ଗ୍ଲେକେ ।

୨ *ବାରି ଜଦି ନେଙ୍ଗ୍ନେ ଇଡ଼ିଁତେ ସାମୁଆଁ ବାସଙ୍ଗ୍ନେ ବପୁ ଲେଠଏ । ସାପା ବିସୟରେ ଗ୍ୟାନ୍ ଲେଠଏ ତାଡ଼ତେ ବିସୟ ବୁଜେନସା

☆ ୧୨:୨୮ ପିଲିପିୟ ୪:୧୧. ☆ ୧୩:୨ ମାଡ଼ିଉ ୧୭:୨୦; ୨୧:୨୧; ମାର୍କ ୧୧:୨୩.

ବପୁ ଲେଖଏ ବିସ୍‌ବାସ୍‌ନେ ବପୁରେ କଣ୍ଡା ଗୁଚେନ୍‌ସା ବିସ୍‌ବାସ୍‌ ଲେଖଏ; ମାତର୍ ନେଙ୍ଗ୍‌ନେ ଆଲାଦ୍ ଆଲେଃଲୀ ନେଙ୍ଗ୍ ମେଃଡିଗ୍ ଶୁ ।

୩ ବାରି ଜଦି ନେଙ୍ଗ୍ ଅରକିଡ୍ ରେମୁଆଁକେ ଆଃଚଙ୍ଗ୍ ନ୍‌ସା ନେଙ୍ଗ୍‌ନେ ସାପା ଦାନ୍ ଶ୍ରିଙ୍ଗ୍‌ଏ ବାରି ଜଦି ନେଙ୍ଗ୍ ନେଙ୍ଗ୍‌ନେ ଗାଗ୍‌ଡେକେ ବାବିଃନ‌ସା ଦାନ୍ ଶ୍ରିଙ୍ଗ୍‌ଏ ମାତର୍ ନେଙ୍ଗ୍‌ନେ ଆଲାଦ୍ ଆଲେଃଲୀ ତେଲା ନେଙ୍ଗ୍‌ନେ ମେଃଡିଗ୍ ଲାବ୍ ଶୁ ।

୪ ଆଲାଦ୍ ମାଲେ ସାଆସ୍ ବାରି ଲିବିସଃ, ଆଲାଦ୍, ରିସା ଶ୍ରି ଆନ୍ତାରବିନେ ଶ୍ରି ରୁଆ ଆଂକାର୍ ତିଙ୍ଗ୍‌ନେ ଶ୍ରି ।

୫ ଆଲାଦ୍ ଦଦ୍ୟା ବାଃଲିର୍‌ବାଃତା ଆଡିଙ୍ଗ୍ ଶ୍ରି ନିଜର୍ ବଲ୍ ଚେସ୍‌ଟା ଆଡିଙ୍ଗ୍ ଶ୍ରି ସଅଜ୍‌ରେ ଆଗ୍‌ସେ ଶ୍ରି ଆଲାଦ୍ ଅଃନାଡିଗ୍ ମେଁ ଆଡାଡା ବଲ୍ ଆଡିଙ୍ଗ୍‌ବକ୍ଲେ କାମ୍ ମନେ ଆବ ଶୁ ।

୬ ଆଲାଦ୍ ଅଦର୍ମନ୍ନିଆ ସାଦା ଆଡିଙ୍ଗ୍ ଶ୍ରି ସଡ୍‌ନ୍ନିଆ ମେଁନେ ସାଦା ।

୭ ଆଲାଦ୍ ସାପା ସମ୍‌ଲେଏ ସାପା ବିସ୍‌ବାସ୍ ତିଙ୍ଗ୍‌ଏ ସାପା ବିସ୍‌ୟରେ ସାଆସ୍ ସାଃଚେ ଲେଖଏ ।

୮ ଆଲାଦ୍ ଅଃନା ଆଡା ଶ୍ରି; ମାତର୍ ଜଦି ଇସ୍‌ପର୍ ତାଗ୍ରାବାନ୍ ସାମୁଆଁ ବାସଙ୍ଗ୍‌ନେ ବପୁ ବଃ ଝେଏ; ବିନ୍ ବ୍ଲାସାରେ ବାସଙ୍ଗ୍‌ନେ ବପୁ ବଃ ଝେଏ, ରେମୁଆଁନେ ଗିଆନ୍ ବଃ ଝେଏ ।

୯ ମେଃଡାଗ୍ଲା ନେନେ ଗିଆନ୍ ବିଃନେ ଦାନ୍ ବାରି ନେ ଇସ୍‌ପର୍‌ନେ ସାମୁଆଁ ବାସଙ୍ଗ୍‌ନେ ଦାନ୍ ଆଡା ଶ୍ରି ।

୧୦ ମାତର୍ ସାପା ବିସ୍‌ୟନେ ସମାନ୍ ବାବ୍‌ରେ ପାଙ୍ଗ୍‌ଲା ଏନ୍ ସାପା ବିସ୍‌ୟ ତା ଝେଏ ।

୧୧ ନେଙ୍ଗ୍ ଚିଲ୍‌ାଃଅ ଲେଃକେଲା ନେଙ୍ଗ୍‌ନେ ବାଲିର୍‌ବାଃତା ମ୍ବାନେ ବାରି ଚିନ୍ତାଡିଂନେ ଚିଲ୍‌ାଃଅ ରକମ୍ ଲେଃଗେ । ମାତର୍ ମ୍ବାଲା ନେଙ୍ଗ୍ ବାରି ଚିଲ୍‌ାଃଅ ରକମ୍ ବାଃଲିର୍‌ବାଃତା ତିଙ୍ଗ୍‌ନାଡିଙ୍ଗ୍‌କେ ।

୧୨ ଦେଡ୍ ରକମ୍ ନେ ମୁଇଙ୍ଗ୍ ଦାର୍‌ପନ୍ ଏତେ କେନେଡିଙ୍ଗ୍‌କେ, ମାତର୍ ଆଡେନ୍ ବେଲା ନେ ନିମାଣ୍ଡା ବାବ୍‌ରେ ନେକେଏ । ନେଙ୍ଗ୍ ଏବେ ମାତର୍ ମେଃନେ ମ୍ୟାଲ୍‌କେ ମାତର୍ ଆଡେନ୍ ବେଲା ପର୍‌ମେସର୍ ଆନେଙ୍ଗ୍ ତିରକମ୍ ମ୍ୟାଲେଃକେ ଦେଡ୍‌ରକମ୍ ନେଙ୍ଗ୍ ନିମାଣ୍ଡା ବାବ୍‌ରେ ମ୍‌ମ୍ୟାଃଏ ।

୧୩ ବିସ୍ବାସ ଆସା ବାରି ଆଲାଦ୍ ଏନ୍ ଓକ୍ଲିଗ୍ ଲେଃକ୍ସ୍ ବିସୟ୍ ବିତ୍ତେ ଆଲାଦ୍ ଆଃ ମ୍ମା ।

୧୪

ଆମ୍ମାନେ ଦାନ ବିସୟ୍ରେ ମାଲେ ସାମୁଆଁ

୧ ଆଲାଦ୍ନେ ପ୍ଲା ଝେଲ୍ଲାପା । ଆମ୍ମିକ୍ ଦାନସାପା ବାନ୍ସା ଚେସ୍ଟା ଡିଙ୍ଗ୍ପା ସାପାବାନ୍ ବବିସଡ୍ ସାମୁଆଁ ବାସଙ୍ଗ୍ ନସା ଇକ୍ଟା ଡିଙ୍ଗ୍ପା ।

୨ ତାଗ୍ଲା ଜାଣ୍ଟେ ବିନ୍ ବ୍ଲାସାରେ ସାମୁଆଁ ବାସଙ୍ଗ୍ ମେଁ ରେମୁଆଁକେ ସାମୁଆଁ ଆବାସଙ୍ଗ୍ ଶୁ ମାତର୍ ଇସ୍ପର୍କେ ବାସଙ୍ଗ୍ ତେସା ଜାଣ୍ଟେ ଆତେନ୍ ଆବୁଜେ ଶୁ ମାତର୍ ମେଁ ଆମ୍ମାବାନ୍ ତାଣ୍ଟେ ସାମୁଆଁ ବାସଙ୍ଗ୍ ।

୩ ମାତର୍ ଜାଣ୍ଟେ ଇସ୍ପର୍କେ ବ୍ଲାଲିର୍ ବାସଙ୍ଗ୍, ମେଁ ଆତେନ୍ ରେମୁଆଁକେ ବାସଙ୍ଗ୍, ଆତେନ୍ବାନ୍ ଆମେକ୍କେ ସାଇଜ୍ ସାର୍ଦା ବାରି ସାକ୍ତି ବିଏ ।

୪ ଜାଣ୍ଟେ ବିନ୍ ବ୍ଲାସାରେ ସାମୁଆଁ ବାସଙ୍ଗ୍ ମେଁ ମାତର୍ ନିଜର୍ ନସା ଆତେନ୍ ଡିଙ୍ଗ୍ ମାତର୍ ଜାଣ୍ଟେ ବବିସଡ୍ ସାମୁଆଁ ବାସଙ୍ଗ୍ ମେଁ ସାପା ମଣ୍ଡଲିକେ ସାଇଜ୍ ଡିଙ୍ଗ୍ ।

୫ ପେଇଁ ସାପାରେ ଜେ ବିନ୍ ବ୍ଲାସାରେ ସାମୁଆଁ ପେବାସଙ୍ଗ୍, ଏନ୍ ନେଙ୍ଗ୍ନେ ଇକ୍ଟା, ମାତର୍ ପେଇଁ ଜେ ବବିସଡ୍ ସାମୁଆଁ ପେବାସଙ୍ଗ୍, ଏନ୍ ନେଙ୍ଗ୍ନେ ଜାବର୍ ଇକ୍ଟା; ମୁଡ୍ଡି ରେମୁଆଁ ବବିସଡ୍ ସାମୁଆଁ ବାସଙ୍ଗ୍, ମେଁ ବିନ୍ବିନ୍ ବାସା ବାସଙ୍ଗ୍ୟାନେ ରେମୁଆଁବାନ୍ ମ୍ମା । ମାତର୍ ମେଁ ଜଦି ଆତେନ୍ ବାସା ଇଁନେ ଅରଡ୍ ଡିଙ୍ଗ୍ୟାଏ, ତେଲା ମେଁ ଇସ୍ପର୍କେ କବର୍ ବାସଙ୍ଗ୍ମ୍ୟାକ୍ସ୍ ରେମୁଆଁ ଏତେ ସମାନ୍ । ଏନ୍ବାନ୍ ମଣ୍ଡଲିକେ ସାଇଜ୍ ଡିଙ୍ଗ୍ ।

୬ ବୟ୍ଲିକ୍ ନେଙ୍ଗ୍ ଜଦି ପେଇଁନେ ତାଗ୍ଲା ଝେଚେ ନ୍ମାକ୍ସ୍ ବ୍ଲାଲିର୍ ବା ଗ୍ୟାନ୍ ବା ବବିସଡ୍ ସାମୁଆଁ ବା ସିକେକ୍ସ୍ ସାମୁଆଁ ମାବାସଙ୍ଗ୍ତେ ମାତର୍ ବିନ୍ ବ୍ଲାସାରେ ସାମୁଆଁ ବାସଙ୍ଗ୍, ତେଲା ଆଡ୍ଅରିଆ ନେଙ୍ଗ୍ ପେଇଁନେ ମେଃ ସାଆଜ୍ୟ ମ୍ମାଏ ?

୭ ବାଉଁସି ବା ଗୁମ୍ଫା ରକମ୍ ଜିବନ୍‌ଶୁନେ ବଗ୍‌ଡେଙ୍ଗ୍‌ନେ କାଣ୍ଡେଙ୍ଗ୍ ଜଦି ଟିକ୍ ସର୍ ଆର ଶୁ ତେଲା ଆଡ଼ଅରିଆ ମେଁ ମେଁନେ ନ୍ନାଙ୍ଗ୍‌କେ ଜାଣ୍ଡେ ମେଁ ମେଠନେ ମ୍ୟାଃ ଯାଏ ?

୮ ଜୁଦ୍‌ନିଆ ଜଦି ପ୍ଲିଃ ନିମାଣ୍ଡା ବାବ୍‌ରେ ଆଅଁଶୁ ତେଲା ସନ୍‌ୟଙ୍ ଜୁଦ୍ ନ୍‌ସା ତିଆର୍ ତିଙ୍‌ନେ ବେଲା ମ୍ୟା ଆୟା ଆର୍‌ଏ ଶୁ ?

୯ ଦେଡ଼ରକମ୍ ଜଦି ଆମ୍ୟାକ୍ଲେ ବ୍ଲାସାରେ ସାମୁଆଁ ପେନିଏଏ, ତେଲା ଆମେ ଜାଣ୍ଡେ ବୁଜେଏ ? ଏନ୍ ଖେଡ଼ିଆକେ ବାସଙ୍‌କେ ରକମ୍ ତିଙ୍‌ଏ ।

୧୦ ମଞ୍ଚପୁରନ୍‌ନିଆ ଗୁଲୁଏ ବାସା ଲେଃକେ ମାତର୍ ଆତେନ୍ ସାପାନେ ଅର୍ତ୍ତ ଲେଃକେ ।

୧୧ ଜଦି ନେଙ୍ଗ୍ ଏତେ ବାଲିରବାତା ତିଙ୍‌ମ୍ୟାକ୍ଲେ ରେମୁଆଁନେ ବାସା ନେଙ୍ଗ୍ ବୁଜେ ନାୟା ଶୁ ତେଲା ଆତେନ୍ ରେମୁଆଁ ନେଙ୍ଗ୍ ଡାଗ୍ରା ଆସାମୁଆଃକ୍ଲେ ରେମୁଆଁ ରକମ୍ ତିଙ୍‌ଏ ନେଙ୍ଗ୍ ତିଗ୍ ମେଁ ଡାଗ୍ରା ଆସାମୁଆଁକେ ରେମୁଆଁ ରକମ୍ ଶ୍ରିଙ୍‌ଏ ।

୧୨ ଦେଡ଼ ରକମ୍ ପେଙ୍ ଡିଗ୍ ପବିତ୍ର ଆମ୍‌ନେ ଦାନ୍ ସାପା ବାନ୍‌ସା ତେସ୍‌ଟା ତିଙ୍‌ପେଲେଗ୍‌ସା ମଣ୍ଡୁଲି ମ୍ଲାନ୍‌ସା ଆତେନ୍ ସାପା ଜାବର୍ ବାବ୍‌ରେ ବାନ୍‌ସା ତେସ୍‌ଟା ତିଙ୍‌ପା ।

୧୩ ତେସା ଜାଣ୍ଡେ ବିନ୍ ବ୍ଲାସାରେ ସାମୁଆଁ ବାସଙ୍‌ଏ, ମେଁ ଏନ୍ ଅର୍ତ୍ତ ବୁଜେୟା ନ୍‌ସା ପବିତ୍ର ଆମ୍‌ନେ ଦାନ୍ ବାନ୍‌ସା ପାର୍‌ତନା ତିଙ୍‌ଲେ ।

୧୪ ମେଠଡାଗ୍ଲୁ ନେଙ୍ଗ୍ ଜଦି ବିନ୍ ବ୍ଲାସାରେ ପାର୍‌ତନା ଶ୍ରିଙ୍‌ଏ ତେଲା ନେଙ୍ଗ୍‌ନେ ଗର୍‌ବେନେ ଆମ୍‌ ଆତେନ୍ ତିଙ୍‌ଏ ମାତର୍ ନେଙ୍ଗ୍‌ନେ ବୁଜେ ଯାଏ, ନେନେ ବପୁ ଆଡ଼ଅରିଆ ଆଲେଃ ଶୁ ।

୧୫ ତେଲା ନେଙ୍ଗ୍ ମେଠମେଠନେ ଶ୍ରିଏ ? ନେଙ୍ଗ୍ ନେଙ୍ଗ୍‌ନେ ଆମ୍‌ନେ ବୁଦିରେ ପାର୍‌ତନା ଶ୍ରିଙ୍‌ଏ; ମାତର୍ ଜିଆଃ ଜିଆଃ ବୁଦି ଆଃକଟେଟେ ତିଗ୍ ପାର୍‌ତନା ଶ୍ରିଙ୍‌ଏ । ନେଙ୍ଗ୍ ନେଙ୍ଗ୍‌ନେ ଚାଲନାରେ ଅସ୍‌ମାର୍ ନ୍‌ସାର୍‌ଏ ମାତର୍ ମେଁ ଏତେ ମନ୍ ଦିଆନ୍ ବିଚେ ଅସ୍‌ମାର୍ ନ୍‌ସାର୍‌ଏ ।

୧୬ ପେଙ୍ ଜଦି ଆମ୍‌ ବାନ୍ ପର୍‌ମେସର୍‌କେ ଦନ୍‌ୟବାଦ୍ ପେଡିଙ୍‌ଏ, ତେଲା ସାଦାସିଦା ରେମୁଆଁ ପେନେ ସାମୁଆଁ ଆବୁଜେଆର୍‌ଲା ତିରକମ୍ ପେନେ ଦନ୍‌ୟବାଦ୍ ବିଃନ୍‌ନିଆ “ଆମେନ୍”

ବାସଙ୍ଗ୍ୟ ?

୧୭ ପେଇଁ ପରମେସରକେ ନିମାଣ୍ଡା ବାବରେ ଦନ୍ୟବାଦ୍ ଆମ୍ୟାପେଡିଙ୍ଗ୍ ମାତର୍ ମେଁବାନ୍ ବିନ୍ ରେମୁଆଁ ଆମିକ ଲାବ୍ ଆବାକେ ଶୁ ।

୧୮ ନେଙ୍ଗ୍ ଇସପରକେ ଦନ୍ୟବାଦ୍ ବିଃଣ୍ଡିଂ ଡାଗ୍ଲା ନେଙ୍ଗ୍ ପେନେ ସାପାରେ ଡାଗ୍ଲା ଜାବର୍ ବାବରେ ବିନ୍ ବାସା ବାସଙ୍ଗ୍ ଇୟାଏ ।

୧୯ ମାତର୍ ମଣ୍ଡଲିନେ ଉପାସନ୍ନିଆ ବିନ୍ ବାସାନ୍ନିଆ ଏଜାମାୟାନେ ବ୍ଲାଲିର୍ ଆଃମିସୁଚେ ବାରି ସାପାରେ ବୁଜେ ଯାକେ ରକମ୍ ମାଲିକ୍ଲିଗ୍ ସାମୁଆଁ ବାସଙ୍ଗ୍ନେ ବଲ୍ ଡାଗ୍ଟେ ନେଙ୍ଗ୍ ମନେ ଶ୍ରିଏ ।

୨୦ ଅ ତନା ବାରି ବୟାଁଇଁ ବୁଦି କଟେକେଲା ଗଡେଇଁ ରକମ୍ ଆଡିଙ୍ଗ୍ପା ବାରି ଦଦ୍ୟା ବିସୟରେ ଗଡେଇଁ ରକମ୍ ଡିଙ୍ଗ୍ପା ବାରି ବୁଦିରେ ଡକ୍ତା ରେମୁଆଁ ସୁଗୁଆ ଡିଙ୍ଗ୍ପା ।

୨୧ ଦରମ୍ ସାସ୍ତ୍ରନ୍ନିଆ ଗୁଆରବକେ

“ମାପୁ ବାସଙ୍ଗ୍ଣିଙ୍ଗ୍ ମାମ୍ୟାକ୍ଲେ ବାସା ବାସଙ୍ଗ୍ମ୍ୟାକ୍ଲେ
ବିଦେସି ରେମୁଆଁଇଁନେ ତୁମୁଆଃନ୍ନିଆ

ନେଙ୍ଗ୍ ଏନ୍ ଜାଡି ଏଡେ ସାମୁଆଁ ଘାସଙ୍ଗ୍ୟ ।

ଏଲେ ଡିଗ୍ ମେଇଁ ନେଙ୍ଗ୍ନେ ସାମୁଆଁ ଆଃ ଅଁ ଆରଏ ଶୁ ।”

୨୨ ତେସା ବିନ୍ ବ୍ଲାସାରେ ସାମୁଆଁ ବାସଙ୍ଗ୍ନେ ବିସବାସିଇଁ ନସା ଚିନା ରକମ୍ ମାତର୍ ଅବିସବାସିଇଁ ନସା ଚିନା ରକମ୍; ବିନ୍ ପାକା ବବିସଡ୍ ସାମୁଆଁ ବାସଙ୍ଗ୍ନେ ଅବିସବାସିଇଁ ନସା ଚିନା ରକମ୍ ଶୁ ମାତର୍ ବିସବାସିଇଁ ନସା ଚିନା ରକମ୍ ।

୨୩ ମଣ୍ଡଲିନେ ସାପାରେ ମୁଇଁଅରିଆ ରିସିଙ୍ଗ୍ ଲେଃକେଲା ଜଦି ସାପାରେ ମାମ୍ୟାକ୍ଲେ ବ୍ଲାସାରେ ସାମୁଆଁ ବାସଙ୍ଗ୍ୟ ବାରି ଆଡ୍ଅରିଆ ସାଦାସିଦା ରେମୁଆଁ ବାରି ବିନ୍ ଅବିସବାସି ରେମୁଆଁଇଁ ପାଙ୍ଗ୍ୟ ମେଇଁ ମେଁନେ ମଣ୍ଡଲିନେ ସାପାରେକେ ବାୟା ଡାଗ୍ଟେ ମନେ ଆଡିଙ୍ଗ୍ ଆରଏ ?

୨୪ ମାତର୍ ମେଇଁ ଜଦି ଇସପରନେ ବ୍ଲାଲିର୍ ବାସଙ୍ଗ୍ ପାଲେ ବାରି ମୁଇଁଜା ବିନ୍ ଅବିସବାସି ଶୁଲା ସାଦାସିଦା ରେମୁଆଁ ଆଡ୍ଅରିଆ ପାଙ୍ଗ୍ଲେଃକେ, ମେଁ ମେଃମେଃନେ ଅଁଏ,

୨୫ ଆଡ଼ବାନ୍ ମେଁନେ ପାପ୍ ଆଡ଼ାତ୍ରା ମେଁ ଚେଡ଼ନା ଡିଙ୍ଗ୍ ଯାଏ; ମେଁନେ ଗାଗଡ଼େନେ ବୁଡ଼ିଲେଃକେ ବିସୟ୍ ତାଣ୍ଡେ ନାଏ; ମେଁ ଇସ୍ପରନେ ତାଗ୍ରା ଗୁଆରେଚେ ମେଁନେ ଆରାଦନା ଡିଙ୍ଗ୍ଏ ବାରି ବାସଙ୍ଗ୍ ଅଲେଙ୍ଗ୍ଏ । “ସଡ଼ରେ ଇସ୍ପର୍ ପେ ବିତ୍ରେ ପାଙ୍ଗ୍ଲେଃକେ !”

ମଣ୍ଡଲିନ୍ନିଆ ସାନ୍ତି

୨୬ ବୟାଁ ବାରି ତନାଇଂ ଆପେକେ ନେଙ୍ଗ୍ ବାସଙ୍ଗ୍ନେ ଉଦେସ୍; ପାରତନା ଡିଙ୍ଗ୍ନସା ମୁଇଂଅରିଆ ରିସିଙ୍ଗ୍ନେ ବେଲା ଜାଣ୍ଡେ ମୁଇଂଜା ଅସ୍ମାର୍ ସାରଲେଃ ବାରି ମୁଇଂଜା ବୁଦି ବିଲେ, ଜାଣ୍ଡେ ମୁଇଂଜା ଇସ୍ପରନେ ଗୁଲୁଏ ଦେସ୍ପାକା କେକ୍ସେ ସାମୁଆଁ ବାସଙ୍ଗ୍ଲେ ବାରି ମୁଇଂଜା ବିନ୍ ବାସା ସାମୁଆଁ ବାସଙ୍ଗ୍ଲେ ବାରି ମୁଇଂଜା ଏନ୍ ଆମ୍ୟାକ୍ସେ ବାସାନେ ଅର୍ତ୍ତ ବୁଜେ ବିଲେ । ଏନ୍ ସାପା ମଣ୍ଡଲି ବିତ୍ରେ ମ୍ନା ନସା ଦରକାର୍ ।

୨୭ ଜଦି ଉଡ଼ିରୁଆ ବିନ୍ ବ୍ନାସାରେ ସାମୁଆଁ ବାସଙ୍ଗ୍ ନସା ଇକ୍ତା ଡିଙ୍ଗ୍ଏ ତେଲା ମୁଇଂଜା ଇଡ଼ିଂ ମୁଇଂଜା ଦେକ୍ତରକମ୍ ମ୍ନାକ୍ସିଗ୍ବାନ୍ ଜାବର୍ ଡିଙ୍ଗ୍ଲା ଞ୍ଜିରୁଆ ବାସଙ୍ଗ୍ଲେ ବାରି ଜାଣ୍ଡେଡିଗ୍ ମୁଇଂଜା ଡିଲାଡିଗ୍ ମେଁନେ ଅର୍ତ୍ତ ବୁଜେ ବିଲେ ।

୨୮ ଅର୍ତ୍ତ ଆଃବୁଜେ ନସା ଜାଣ୍ଡେ ଆଲେଃଗେ ବିନ୍ ବ୍ନାସାରେ ସାମୁଆଁ ବାସଙ୍ଗ୍ ନସା ଚାଏଡ଼ିଂକ୍ସେ ରେମୁଆଁ ମଣ୍ଡଲିନ୍ନିଆ ବୁଙ୍ଗ୍ ଲେଃଲେ । ମେଁ ମାତର୍ ମନେ ମନେ ଇସ୍ପର୍ ଏତେ ଦେଡ଼ରକମ୍ ସାମୁଆଁ ବାସଙ୍ଗ୍ଲେଃ ।

୨୯ ବାରି ମ୍ନାୟା ଶୁଲା ଞ୍ଜିରୁଆ ବାବବାଦି ବାସଙ୍ଗ୍ଆରଲେଃ ବାରି ବିନ୍ ରେମୁଆଁ ବିଚାର୍ ଡିଂଆରଲେଃ ।

୩୦ ଜଦି ଆଡ଼ଅରିଆ କଲେଃକେ ମୁଇଙ୍ଗ୍ ରେମୁଆଁ ପର୍ମେସ୍ପରନେ ବାନ୍ ମୁଇଙ୍ଗ୍ ସାମୁଆଁ ବାଏ, ତେଲା ପର୍ତ୍ତୁମ୍ ବନ୍ତା ବୁଙ୍ଗ୍ ଲେଃନେ ଦରକାର୍ ।

୩୧ ସାପାରେନେ ବୁଦି ବାରି ଚେଡ଼ନାନ୍ସା ସାପାରେ ମୁଇଂଜା ଇଡ଼ିଂ ମୁଇଂଜା ଇସ୍ପରନେ ବ୍ନାଲିର୍ ବାସଙ୍ଗ୍ ପେୟାଏ ।

୩୨ ମାତର୍ ଇସ୍ପରନେ ବ୍ନାଲିର୍ ବାସଙ୍ଗ୍ନେ ବପୁ ବାବବାଦିଇଂନେ ତାଗ୍ରା ଲେଃନେ ଦରକାର୍ ।

୩୩ ମୈଁ ଡାଗଲା ଇସ୍‌ପର୍ କିରମର ଡିଙ୍ଗନେ ମାପୁ ଶୁମ୍ଭେଁ ସାନ୍ତିନେ ଇସ୍‌ପର୍ । ତିଡିରକମ୍ ପବିତ୍ର ରେମୁଆଁଇଁନେ ମଡ଼ା କଲସିୟନ୍ନିଆ ଲେଃକେ ।

୩୪ ପେ ମଶୁଲିନେ କୁକପାରନ୍ନିଆ ତିଗ୍ ଦେଡ଼ରକମ୍ ସେଲମ୍‌ସୁଃଇଁ ବୁଙ୍ଗ ଲେଃଆର୍ଲେ । ଆଡ଼ଅରିଆ ସାମୁଆଁ ବାସଙ୍ଗନେସା ଆମେଇଁକେ ଆଦେସ୍ ଆମିଲେକେ । ଜିହୁଦି ନିୟମ୍ ଇସାବ୍‌ରେ ମେଇଁ ଆଡ଼ଅରିଆ କଲେ ଆର୍ଲେ ।

୩୫ ମେଇଁ ମେଃଡିଗ୍ ବିସୟ୍ ବିଜେନ୍‌ସା ଇକ୍‌ଚା ତିଙ୍ଗିଆର୍‌ଏ ତୁଆ ଝିଗ୍‌ରେ ନିଜର୍ ଆଣ୍ଡୁକେ ସାଲିଆଃକୁପା । ଡାଗ୍ଲା ମଶୁଲି ବିତ୍ତେ ସାମୁଆଁ ବାସଙ୍ଗନେ ସେଲମ୍‌ସୁଃନେ ଆଡ଼ାଡ଼ା ଗିଆସମାଲା ।

୩୬ ଇସ୍‌ପର୍‌ରେ ବ୍ଲାଲିର୍ ମେଃମେଃନେ ପେ ବିଡ଼ରେବାନ୍ ଡାର୍ ଆଲେଃଃଗେ ଶୁଲ୍ଲା ଆକେନ୍ ମୈଁନେ ସରାଃ ପେ ଡାଗ୍‌ରା ପାଙ୍ଗ୍‌ଲେଃଃଗେ ?

୩୭ ପେ ବିତ୍ତେ ବାନ୍ ଜାଣ୍ଡେ ଜଦି ନିଜେକେ ମୁଇଙ୍ଗ୍ ବାବବାଦି ଶୁଲ୍ଲା ଆମ୍‌ନେ ଦାନ୍ ବାଲେଃଃକ୍ରେ ରେମୁଆଁ ଡାଗ୍‌ରେ ବାବେଏ ମୈଁ ମ୍ୟାଲେଃଃକେ ଜେ ଆକ୍‌ଅରିଆ ନେଙ୍ଗ୍ ଜା ସାପା ଗୁଆର୍‌ବକେ ଆତେନ୍ ମାପୁନେ ଆଦେସ୍ ।

୩୮ ମାତର୍ ଜଦି ମୈଁ ଆକେନ୍ ସାପା ବ୍ଲାଲିର୍‌କେ ଉର୍ଲେଃଏ । ପେ ଆମେକେ ଉର୍ପା ।

୩୯ ତେସା ଅ ନେଙ୍ଗ୍‌ନେ ବୟାଁଇଁ ଇସ୍‌ପର୍‌ରେ ବ୍ଲାଲିର୍ ବାସଙ୍ଗ୍ ଅଲେଙ୍ଗ୍‌ନେ ଇକ୍‌ଚା ପେଡିଙ୍ଗ୍ । ମାତର୍ ବିନ୍ ବ୍ଲାସାରେ ସାମୁଆଁ ବାସଙ୍ଗନେସା ଆଜାକେ ମନା ଆଡିଙ୍ଗ୍ପା ।

୪୦ ସାପା କାମ୍ ନିମାଣ୍ଡା ବାବ୍‌ରେ ସାନ୍ତିରେ ଡିଙ୍ଗନେ ଦର୍‌କାର୍ ।

୧୫

କିସ୍‌ଟ ଡଃଡ଼୍ୟାନେ

୧ ଡନା ବାରି ବୟାଁଇଁ ନେଙ୍ଗ୍ ମୁଡି ନିମାଣ୍ଡା ବ୍ଲାଲିର୍ ପେଇଁନେ ଡାଗ୍ଲା ବାସଙ୍ଗ୍ ତିଙ୍ଗମ୍‌କେ ଆଣ୍ଡିନେ ପେଇଁ ସାଃପେବକେ ବାରି ଜାଣ୍ଡେନେ ଆଡ଼ାଡ଼ା ପେଇଁନେ ବିସ୍‌ବାସ୍ ଲେଃକେ ଆତେନ୍ ବିସୟ୍ ଆପେକେ ଆଃ ଅଁ ବିନ୍‌ସା ନେଙ୍ଗ୍ ଚାଏଁଶ୍ଟିଙ୍ଗେ ।

୨ ନେଇଁ ପେଇଁନେ ତାଗ୍ରା ବାସଙ୍ଗ ଡିଙ୍ଗବକ୍ଲେ ଆତେନ୍ ବଲ୍
 ବ୍ଲାଲିର୍ ଆଃ ନିମାଣ୍ଡା ସାମୁଆଁ । ପେଇଁ ଆତେନ୍ ନିମାଣ୍ଡା ସାମୁଆଁନ୍ନିଆ
 ତାଟ୍ ବିସ୍ବାସ୍ ଡିଙ୍ଗଟେ ପେଲେଃଲା ଉଦାର୍ ପେବାଏ । ଶୁଲା
 ପେଇଁନେ ବିସ୍ବାସ୍ ସରା ଡିଙ୍ଗଏ ।

୩ ନେଇଁ ବାଲେଃଃକ୍ଲେ ମୁଇଙ୍ଗ୍ ଗ୍ୟାନ୍ ଆପେକେ ଆମ୍ୟାଣ୍ଡିଙ୍ଗକେ
 । ଆତେନ୍ ସାପା ବାନ୍ ଦରକାର୍ । ଆତେନ୍ ଡିଙ୍ଗଡିଙ୍ଗେ ଦର୍ମ
 ସାସ୍ତ୍ରନ୍ନିଆ ଗୁଆରବକେ ଇସାବ୍ରେ କିସ୍ଟ ନେନେ ପାପ୍ ନ୍ୟା
 ଗୁଏଃକେ ।

୪ ✧ ମେଁ ଗୁଏକେ ବାରି ସାସ୍ତ୍ର ଅନୁସାରେ ଜିରସି ବିତ୍ରେ ତଡ଼୍ୟାକେ

।
 ୫ ମେଁ ପିତର୍ ବାରି ଇଡିଙ୍ଗ୍ ମେଁନେ ଗୁଆକ୍ଲିଗ୍ ସିସକେ ମୁସୁଡିଙ୍ଗ୍
 ବିକେ ।

୬ ତେନ୍ଇଡିଁ ମେଁ ମୁଇଁ ମାଡ଼ରେ ମେଁନେ ମାଲ୍ସ ବାନ୍ ଜାବର୍ ମେଁ
 ପ୍ଲା ଖେଣ୍ଡେଇଁକେ ମୁସୁଃଡିଙ୍ଗ୍ ବିବଗେ । ମେଁଇଁନେ ବିତ୍ରେ ଉଡିରୁଆ
 ଏବେ ମଞ୍ଚପୁରନ୍ନିଆ ଶୁମାତର୍ ବାଃଗା ଉଡିରୁଆ ଜିବନ୍ ଲେଃଆରକେ

।
 ୭ ଏନ୍ ଇଡିଙ୍ଗ୍ ମେଁ ଜାକୁବ୍ ବାରି ସାପା ସିସ୍ଇଁକେ ମୁସୁଡିଙ୍ଗ୍ ବିକେ

।
 ୮ ✧ ସାପାନେ ଇଡିଙ୍ଗ୍ ମେଁ ନେଇଁ ରକମ୍ ମୁଇଙ୍ଗ୍ ଅକାଲ୍ ଜନମ୍କେ
 ଡିଙ୍ଗ୍ ଦର୍ସନ୍ ବିଃବକେ ।

୯ ✧ ନେଇଁ ସାପା ସିସ୍ଇଁନେ ବାନ୍ ତାଆଁ । ଦେକ୍‌ରକମ୍‌କି
 ନେଇଁନେ ବେବକ୍ଲେ ତାଗଟେ ଖାନେ ତିଗ୍ ବପୁ ଶୁ ତାଗ୍ଲା ନେଇଁ
 ଅଃସେବାନ୍ ପର୍‌ମେସର୍‌ନେ ମଣ୍ଡଲିନ୍ନିଆ କସ୍ ଡିଙ୍ଗ୍‌ମୁକେ ।

୧୦ ମାତର୍ ଏବେ ନେଇଁ ମେଁନେ ଡିଙ୍ଗ୍‌ଲେକେ ଆତେନ୍
 ଇସ୍‌ପର୍‌ନେ ଆସିର୍‌ବାଦ୍‌ବାନ୍ ଡିଙ୍ଗ୍‌ଲେଃକେ ବାରି ନେଇଁ ଆଡାଡା
 ମେଁନେ ଲିବିସ୍ ଦଦ୍ୟା ଆଡିଙ୍ଗ୍‌କେ ଶୁ । ବାରି ବିନ୍‌ବିନ୍ ସାପା ବେବକ୍ଲେ
 ସିସ୍ଇଁନେ ବାନ୍ ନେଇଁ ଜାବର୍ କସ୍ ଡିଙ୍ଗ୍‌ମୁକେ । ସତେଆ ଏନ୍
 ସାପା ନେଇଁ ନାଡିଙ୍ଗ୍‌କେ ଶୁ । ମାତର୍ ନେଇଁ ଆଡାଡା ଇସ୍‌ପର୍‌ନେ
 ଲିବିସ୍‌ଃ ଲେଃକେସା ଏନ୍ ପୁରନ୍ ଡିଙ୍ଗ୍‌ଲେକେ ।

✧ ୧୫:୪ ମାତିଉ ୧୨:୪୦; ପ୍ରେରିଡ଼ ୨:୨୪-୩୨. ✧ ୧୫:୮ ପ୍ରେରିଡ଼ ୯:୩-୬. ✧ ୧୫:୯
 ପ୍ରେରିଡ଼ ୮:୩.

୨୧ ମୁଇଂଜା ଆଡ଼ଲା ଗୁଏନେ ମାସ୍ତୁରନ୍ନିଆ ଗାକେ । ଦେଡ଼ରକମ୍ ମୁଇଂଜା ନସା ଗୁଏଣ୍ଡେଇଂନେ ତଃଡ଼୍ୟାନେ ସଅଜ୍ ତିଞ୍ଜଲେଃକେ ।

୨୨ ଆଦମ ଏଡେ କୁଡେ ଲେଃଗସା ସାପା ରେମୁଆଁ ଗୁଏକେ । ଦେଡ଼ରକମ୍ କିସଟ ଏଡେ କୁଡେଲେଃଗସା ସାପା ରେମୁଆଁ ତଡ଼ିଆ ଆରଏ ।

୨୩ ମାଡର ସାପା ଆମେକ୍ଲେ ବେଲା ତଡ଼ିଆ ଆରଏ । ସାପାବାନ୍ ସିସେ କିସଟ ଗୁଏକ୍ଲେ ବାନ୍ ତଡ଼ିଆ ଲେଃକେ ।

୨୪ ଏନ୍ ଇଡ଼ିଞ୍ଜ୍ ଜୁଗ୍ ପିଞ୍ଜାଏ କିସଟ ସାପା ଦଦ୍ୟା ଆମାକେ ବାରି ଜାଆଡାତ୍ରା ସାସନ୍ ତିଞ୍ଜଏ ଅଦିକାର ବାରି ମ୍ବା ବପୁରେ ଆଡାତେ ଆବା ଇସପରକେ ଆକେନ୍ ରାଜ୍ୟ ସରପେ ବିଏ ।

୨୫ ଇସପର ମେଁନେ ସାପା ସତୁକେ ଆଃଆରେତେ କିସଟନେ ଞ୍ଚ ଆଲ ଆଡ଼ିଞ୍ଜ୍ ଜାକ କିସଟ ସାସନ୍ ତିଞ୍ଜଏ ।

୨୬ ସାପାବାନ୍ ସାରାସାରି ସତୁ ମେଁ ଗୁଏଃନେ ତିଗ୍ ଆରେ ଝେଏ ।

୨୭ ଡାଗ୍ଲା ଦରମ୍ ସାସ୍ତୁରନ୍ନିଆ ଗୁଆର୍ ବକେ “ଇସପର ସାପା ବିସୟ୍ କିସଟନେ ଞ୍ଚ ବୁନ୍ଦେ ଆଡ଼ିଞ୍ଜଏ ।” ଏଲେଡିଗ୍ ଇସପର ଏନ୍ ସାପା ବିସୟ୍ନେ ଆକୁଡେକେ ଶ୍ଟୁ ଚୁମଃଡାଗ୍ଲା ମେଁ ସାପା ବିସଏକେ କିସଟନେ ଞ୍ଚ ବୁନ୍ଦେ ଆଡ଼ିଞ୍ଜଏ ।

୨୮ ସାପା ବିସୟ୍ କିସଟ ସାସନ୍ ତିଞ୍ଜକ୍ଲେ ଇଡ଼ିଞ୍ଜ୍ କିସଟ ଜେ ଆବା ଇସପରନେ ଆଲ ତିଞ୍ଜଏ ବାରି ସାପା ଦର୍ତନି ଆଡାତ୍ରା ଇସପରନେ ସାସନ୍ ଡାଏ ।

୨୯ ଗୁଏଃ ଲେଃଆରଡିଂଗେସା ଜାଣ୍ଡେଇଂ ଶ୍ଟିଆଦିକ୍ୟା ବା ଆରଏ ମେଁଇଂନେ ବିସୟ୍ରେ ମେଁନେ ନେବାସଜ୍ ? ଉଡ଼ିରୁଆନେ ଇକ୍ତା ଇସାବରେ ଜଦି ଗୁଏଃକ୍ଲେ ରେମୁଆଁ ବାର୍ମୁଇଂତର ଆରାଃତଡ଼୍ୟା ଶୁ । ମେଇଂନେ ଆଡ଼ଲା ବିନ୍‌ଶ୍ଟେକେ ମେନ୍‌ସା ଶ୍ଟିଆଦିକ୍ୟା ବିଏ ?

୩୦ ବାରି ନେ ମେଃନ୍‌ସା କାଲାଆଃ ବିପଦ୍ ଆପଦ୍‌ନିଆ ଜୁଜ୍ ତିଞ୍ଜନେଡ଼ିଞ୍ଜକେ ?

୩୧ ବୟ୍‌ଇଂ ନେନେ ଜିବନ୍ ମାପୁ ଜିସୁ କିସଟ ଏଡେ ମିସୁ ଲେଃଗେସା, ପେ ଆଡ଼ଲା ନେଇଂନେ ମୁଡ଼ି ଗର୍ବ ଆଡ଼ଅରିଆ ପାର୍‌ମାନ୍ ତିଞ୍ଜତେ ବାସଜ୍‌ଶ୍ଟିଂ ନେଇଂ କାଲାଆଃ ଗୁଏଶ୍ଟିଞ୍ଜକେ ।

୩୨ ଜଦି ନେଇଂ ନର୍‌ନେ ଇକ୍ତା ତୁଞ୍ଜଝେତେ ଏଡ଼ିସିୟନ୍ନିଆ

କଣ୍ଠା ଜନ୍ତୁରୁ ସୁଗୁଆ ରେମୁଆଁଙ୍କଠାରେ ଏତେ ରିଙ୍ଗୁଲେଗେ ତେଲା ନେଇଁନେ ମେଁ ଲାବ୍ ତିଙ୍ଗୁକେ ? ଜଦି ଗୁଏକ୍ସେ ରେମୁଆଁଙ୍କଠା ଆଃତତ୍ୟାଆରଏ ତେଲା ବୁଲିରୁ ଇସାବରେ “ଏଲାପା ଚଙ୍ଗୁଡଗ୍ଗତେ ବେଲା ନେକାଟେପା ମେଃଡାଗିଲା ଝଡେ ତ ଆନେକେ ଗୁଏନେ ପଡେଏ ।”

୩୩ ପେ ମୁକ୍ ରକମ୍ ବେବଆର ଆଡିଙ୍ଗପା । “ଦଦ୍ୟା ସାଙ୍ଗୁଙ୍କଠା ନିମାଣ୍ଡା ଅବ୍ୟାସୁଙ୍କଠାକେ ନସୁ ଆଡିଙ୍ଗବିଏ ।”

୩୪ ତେସା ତରକ୍ ତିଙ୍ଗୁପା ପାପ୍ ଆଡିଙ୍ଗପା । ପେଇଠାରେ ବିତ୍ରେ ମୁଇଙ୍ଗୁ ଗିଆସମାଲାନେ ବିସୟ୍ ଆକ୍ ଅରିଆ ବାସଙ୍ଗୁ ବ ଶ୍ରିଠାକେ ପେଇଠାରେ ବିତ୍ରେବାନ୍ ଉଡିରୁଆ ଇସପରକେ ଆମ୍ୟାଆରକେ ଶୁ !

ହାରଜିବନ୍ ଗାଗଡେ

୩୫ ଜାଣ୍ଡେ ତିଙ୍ଗୁଏତ ସାଲ୍ୟାକୁଆରଏ, “ଗୁଏକ୍ସେ ରେମୁଆଁ ତିରକମ୍ ବାରମୁଇଠର ଜିବନ୍ ତିଙ୍ଗୁଏ ?” ମେଇଠା ତିରକମ୍ ଗାଗଡେ ସାଃଲେଆରଏ ?

୩୬ ପେଇଠା ଉଡି ମୁକ୍ । ଅଃକେନ୍ ମେଃନେ ପେମ୍ୟାକେ ଶୁ ଆଣ୍ଡିନେ ମୁଞ୍ଜି ବିଗିଆରଏ ଆତେନ୍ ଆଃଗୁଏଲା ଆପଡ୍ୟା ଶୁ ?

୩୭ ଆରି, ଆଣ୍ଡିନେ ସ୍ଲା ପଡ୍ୟାଏ ପେ ଆମେକେ ବିଗ୍ ପେବଶୁ । ପେ ବିଗ୍ପେବ ଶୁ ଗହମ୍ ଶୁଲା ବିନ୍ ମେଃଡିଗ୍ କିଆନେ ମୁଇଙ୍ଗୁ ମୁଞ୍ଜି ମାତର ।

୩୮ ମାତର ଇସପର ନିଜର ଇକ୍ତା ରକମ୍ ମେଁନେ ଗାଗଡେ ଆବଦ୍ଲେ ବିଏ ବାରି ସାପା ମୁଞ୍ଜିକେ ମେଁ ମେଁନେ ନିଜେନେ ରୁପ୍ ବିଏ ।

୩୯ ସାପା ଗାଗଡେ ମୁଇଠା ରକମ୍ ଗାଗଡେ ଶୁ ରେମୁଆଁ ଗାଗଡେ ମୁଇଙ୍ଗୁ ରକମ୍ ପୁସୁନେ ଗାଗଡେ ବିନ୍ ରକମ୍ । ପ୍ଲିଗ୍ ବାରି ଆଡନେ ଗାଗଡେ ବିନ୍ ରକମ୍ ।

୪୦ କିତଠା ବିସୟ୍ନେ ଗାଗଡେ ଲେଃକେ ମଞ୍ଚପୁର ବିସୟ୍ନେ ଗାଗଡେ ତିଗ୍ ଲେଃକେ ମାତର କିତଠାରେ ଗାଗଡେ ମୁଇଙ୍ଗୁ ରକମ୍ ସବା ବାରି ମଞ୍ଚପୁରନେ ଗାଗଡେ ବିନ୍ରକମ୍ ସବା ।

୪୧ ସ୍ଥିନେ ମୁଇଙ୍ଗ ରକମ୍ ତାକର୍ ଗ୍ ଆକେନେ ବିନ୍‌ରକମ୍ ତାକର୍ ଗ୍ ବାରି ଚାଙ୍ଗୁଆନେ ବିନ୍‌ରକମ୍ ତାକର୍ ଗ୍; ତାଗ୍ଲା ତାକର୍ ଗ୍ନିଆ ମୁଇଙ୍ଗ ଚାଙ୍ଗୁଆ ବିନ୍ ଚାଙ୍ଗୁଆ ବାନ୍ ବିନେ ।

୪୨ ଗୁଏକ୍ଲେଣ୍ଡେ ତତ୍ୟାନେ ବିସୟରେ ତିଗ୍ ଏନ୍ ସାମୁଆଁ ଦରକାର୍ । ଆତିବିକ୍ଲେ ଗାଗ୍ଡେ ନସ୍ତୁ ତିଙ୍ଗ୍ । ମାତର୍ ତତ୍ୟାନେ ଗାଗ୍ଡେ ନସ୍ତୁ ଆତିଙ୍ଗ୍ ଶୁ ।

୪୩ ଆତିବିକ୍ଲେ ଗାଗ୍ଡେ ସବାଶୁ ବାରି ଅସକ୍ତିଆ । ମାତର୍ ବାର୍ମୁଇଂତର୍ ତତ୍ୟାକ୍ଲେ ଗାଗ୍ଡେ ସୁନ୍‌ର୍ ବାରି ବପୁ ଲେ୪ଏ ।

୪୪ ଆତି ବକେଲା ଗାଗ୍ଡେ ମୁଁ ଲେ୪ଏ; ମାତର୍ ବାର୍ମୁଇଂତର୍ ଜିବନ୍ ତିଙ୍ଗ୍‌ବେଲା ଆତେନ୍ ଆମ୍ବିକ ଗାଗ୍ଡେ । ଜିବନ୍ ଗାଗ୍ଡେ ନ୍‌ର୍ୟା ଲେ୪ଲା ଆମ୍ବା ଗାଗ୍ଡେ ତିଂତିଙ୍ଗ୍‌କେ ।

୪୫ ଦର୍ମ ସାସ୍ତ୍ରୁନିଆ ଗୁଆରବକେ; “ପରତୁମ୍ ରେମୁଆଁ ଆଦମ ମୁଇଙ୍ଗ ଜିବନ୍ ଜିବ୍ ରକମ୍ ତିଆର୍ ତିଙ୍ଗ୍‌ଲେକେ ।” ସାରାସାରି ଆଦମ ଲେ୪କେ ଜିବନ୍ ବି୪ନେ ଆମ୍ବା ।

୪୬ ସେନ୍‌ଗୁବାନ୍ ଆମ୍ବିକ ବିସୟ ଆଲେ୪ଗେ ଶୁ । ସିସେ ମେ୪ମେ୪ନେ ଲେ୪କେ ସତ୍ ଏନ୍ ଇତିଙ୍ଗ୍ ପାଙ୍ଗ୍‌କେ ଆମ୍ବିକ ବିସୟ ।

୪୭ ସେନ୍‌ଗୁ ରେମୁଆଁ ଆଦମ ଲେ୪କେ ମଞ୍ଚପୁରନେ ତୁବ୪ ବାନ୍ ତିଆର୍; ମାତର୍ ମ୍ବାକ୍ଲିଗ୍ ଆଦମ କିତଂବାନ୍ ପାଙ୍ଗ୍‌ଲେ୪କେ ।

୪୮ ମଞ୍ଚପୁରନେ ରେମୁଆଁଲଂ ସାପାରେ ଆତେନ୍ ତୁବବାନ୍ ଆ୪ରେକ୍ଲେ ରେମୁଆଁ ରକମ୍ । ମାତର୍ କିତଂନେ ଗୁନ୍ ରକମ୍ ରେମୁଆଁଲଂ ଆତେନ୍ କିତଂନେ ନର୍ ରକମ୍ ।

୪୯ ନେ ମଞ୍ଚପୁରନେ ରେମୁଆଁ ରକମ୍ ଆ୪ରେ ନେତିଂକେ । ମାତର୍ ନେନେ ତିଗ୍ କିତଂନେ ରେମୁଆଁ ରକମ୍ ମୁତର୍ ନେ୪ତିଂପା ।

୫୦ ତନା ବାରି ବୟାଁଲଂ ନେଙ୍ଗ୍ ଆପେକେ ବାସଙ୍ଗ୍‌ନେ ଚାଏ ଶ୍ରିଙ୍ଗ୍ ଜେ ମ୍ୟା ଚିଲି ଗାଗ୍ଡେ ସାଚେ ନେ ଇସ୍‌ପରନେ ରାଜିନିଆ ଅଦିକାର୍ ତିଙ୍ଗ୍ ନେୟା ଶୁ ତାଗ୍ଲା ବକ୍ଲେ ଜିନିସ୍ ଆନ୍‌ା ଶୁ ।

୫୧ ✱ମାତର୍ ଅଁପା ନେଙ୍ଗ୍ ଆପେକେ ମୁଇଙ୍ଗ୍ ସତ୍ ସାମୁଆଁ ବାସଙ୍ଗ୍‌ଣିଂ ନେ ବିତ୍ରେ ସାପାରେ ନେଗୁଏ୪ଏ ଶୁ ମାତର୍ ନେ୪ ସାପାରେ ବକ୍ଲେ ନେୱେପା ।

୫୭ ଏନ୍ ମାତର ସାମ୍ନାରେ ମୁଆଁସ ମିଟ୍ଟେ ବିଠଲା ସାରାସାରି ପୁଃ
ନୁଆଁନେ ବେଲା ଗଟେଏ । ଉଡ଼ିବେଲା ପୁଃ ନୁଏ ବାରି ଉଡ଼ିସାପା
ବିସ୍ବାସି ଗୁଏଃ ଲେଃଆରକେ ମେଇଁ ଗୁଏକ୍ସେବାନ୍ ମାଡାନେ କାଲ୍
ନ୍ସା ତଡ଼୍ୟାଆରଏ ବାରି ମେଇଁ ବଲ୍ଲେ ଆରଏ ।

୫୮ ମାତର ଏନ୍ ନସ୍ତୁ ଗାଗ୍ଡେ ମାଡାନେ ରୁପ୍ ପାଟାଇ ଖାଡ଼େଗ୍ନେ
ଡିଙ୍ଗ୍ସ ବାରି ଏନ୍ ଗୁଏଃକ୍ସେ ଗାଗ୍ଡେ ମାଗୁଏନେ ପାଟାଇ ଖାଡ଼େଗ୍
ଡିଙ୍ଗ୍ସ ।

୫୯ ମାତର ଏନ୍ ନସ୍ତୁ ଗାଗ୍ଡେ ମାଗୁଏଃନେ ପାଟାଇ ବାରି ଏନ୍
ଗୁଏକ୍ସେ ଗାଗ୍ଡେ ମାଗୁଏଃନେ ପାଟାଇ ଖାଡ଼େଗ୍ନେ ଇଡିଙ୍ଗ୍ ଏନ୍
ଗୁଆରକ୍ସେ ନ୍ନାଲିର ସମାନ୍ ଡିଙ୍ଗ୍ସ, “ଗୁଏନେ ବିନାସ୍ ଡିଲେଃକେ,
ଜିଡେ ଲେଃକେ ନିମାଣ୍ଡା ।

୬୦ ରେ ଗୁଏଃରେ, ଆଣ୍ଡିକା ନାନେ ଜୟ ?

ରେ ଗୁଏଃରେ ଆଣ୍ଡିକା ନାନେ ଚିନା ବପୁ ?”

୬୧ ଚିନା ଆଡିଙ୍ଗ୍ନେ ବପୁ ଗୁଏନେ ପାପ୍ବାନ୍ ବାଲେଃଏ ବାରି
ନିୟମ୍ବାନ୍ ପାପ୍ ବପୁ ବାଏ ।

୬୨ ମାତର ଆଣ୍ଡିନେ ଇସ୍ପର୍ ଆନେକେ ମାପୁ ଜିସୁ କିସ୍ଟବାନ୍
ଆନେକେ ଆଃଜିଡେବକେ ମେଁନେ ଦନ୍ୟବାଦ୍ ଡିଙ୍ଗ୍ଲେଃ ।

୬୩ ଏଲେଡିଗ୍ ଅ ନେଙ୍ଗ୍ନେ ନିଜର୍ ବୟାଁ ଆରି ତନାଇଁ ମାପୁନେ
ସେବାନ୍ନିଆ ପେଇଁନେ କସ୍ତୁ ବେକାର୍ ଆଡିଙ୍ଗ୍ସୁ ଏନ୍ ମ୍ୟାଟେ ମାପୁନେ
ମ୍ନେନ୍ନିଆ ସାକ୍ତିରେ ଲାଗେଡିଆ ଲାଲାପା । ବାରି କାଲାଆଃ ଅଦିକ୍
ଅଦିକ୍ଥା ମ୍ନାପା ।

୧୭

ଇସ୍ପର୍ ରେମୁଆଁଇଁ ନସା ତାରୁ ସାଇଜ ଡିଙ୍ଗ୍ନେସା ଗୁଆରେନେ

୧ ✨ଜିଉଦାନ୍ନିଆ ଲେଃକ୍ସେ ମଣ୍ଡଲିନ୍ନିଆ ଲେଃଆରକ୍ସେ ବିସ୍ବାସିଇଁ
ନସା ତାରୁ ସାଇଜ ବିଠନେ ବିସ୍ତରେ ନେଙ୍ଗ୍ନେ ସାମୁଆଁ ନେଙ୍ଗ୍
ଗାଲାଡିୟ୍ ତାଗ୍ରା ତାଗ୍ରାନେ ମଣ୍ଡଲିକେ ମେଁ ଡିଙ୍ଗ୍ ନସା ଆଦେସ୍
ବିମ୍ବକେ ଆଡେନ୍ ତାଟ୍ ବାବ୍ରେ ପାଲନ୍ ଡିଙ୍ଗ୍ପା ।

୨ ନେଙ୍କ୍ ଝେଲା ତିରକମ୍ ଦାନ୍ ସାଲିଆନେ ଆପଡେ ଶୁ ଏନ୍ସା ସାନ୍ତାକେ ସେନ୍ତୁଗ୍ ଦିନ୍ରେ ପେଇଁ ସାପା ରେମୁଆଁ ନିଜର୍ ନିଜର୍ ଆର୍ଜେନେ ଇସାବ୍ରେ ନିଜେ ନିଜେ ତାଗ୍ରା ଉଡ଼ି ଉଡ଼ି ଆର୍ଜେରେ ବପା ।

୩ ଆଡ଼ଅରିଆ ଝେଚାକ୍ ଇଡ଼ିକ୍ ପେଇଁ ଆଣ୍ଟିନେ ରେମୁଆଁକେ ସିପେବକେ ନେଙ୍କ୍ ମେଁକ୍ନେ ସ୍ନାମୁଆଁ ଉଲିଆ ଏତେ ପେଇଁନେ ଦାନ୍ ଯିରୁଶାଲମ୍ନିଆ ବେମ୍ବିଏ ।

୪ ମାତର୍ ନେଙ୍କ୍ ଝେନେ ଦରକାର୍ ତିକ୍ଲା ମେଇଁ ନେଙ୍କ୍ ଏତେ ଝେ ଆର୍ଏ ।

ପାଉଲ୍ନେ ଉପାୟ

୫ ☆ନେଙ୍କ୍ ମାସିଦୋନିଆ ଝେଣ୍ଟିକେ । ଅଲେଙ୍କ୍ ଆଃତାଚେ ନେଙ୍କ୍ ପେ ତାଗ୍ରା ଆଣ୍ଟେ ମାଙ୍ଗ୍ଏ ।

୬ ବାରି ତିକ୍ପାରେ ନେଙ୍କ୍ ପେଇଁନେ ଏତେ ଉଡ଼ିସି କ୍ଲେୱଏ ତିକ୍ପାରେ ରାସକିଗ୍ ଦିନ୍ କାଚେଏ । ଏନ୍ ଇଡ଼ିକ୍ ଆଣ୍ଟିଅରିଆ ଝେନ୍ସା ଖାଏଁଏ ପେଇଁ ଆନେଙ୍କ୍ ଆଡ଼ଅରିଆ ଝେନ୍ସା ସାଇଜ ତିକ୍ ପେୟାଏ ।

୭ ତାଗ୍ରା ଝେନେ ଗାଲିନ୍ନିଆ ପେଇଁନେ ଏତେ ମାତର୍ ଗଣ୍ଟା ବେଲା କୁଡେଃନେ ନେଙ୍କ୍ନେ ଇକ୍ତା ଶୁ । ନେଙ୍କ୍ ଆସା ତିକ୍ଣିକେ ମାପୁନେ ଇକ୍ତା ତିକ୍ଲା ନେଙ୍କ୍ ପେଇଁନେ ଏତେ ଗୁଲେସି କ୍ଲେୱଏ ।

୮ ☆ମାତର୍ ପେଣ୍ଟିକଷ୍ଟ ଦିନା ପାଙ୍ଗ୍ ଜାକ ନେଙ୍କ୍ ଏଫିସିୟନ୍ନିଆ କ୍ଲେୱଏ ।

୯ ଆକ୍ଅରିଆ ନେଙ୍କ୍ ପାକା ଗୁଲ୍ଏ ରେମୁଆଁ ଲେୱଲା ତିଗ୍ ମାଃ ବାରି ନିମାଣ୍ଟା କାମ୍ ତିକ୍ନ୍ସା ନେଙ୍କ୍ ନସା ଦଦ୍ୟା ଗାଲି ରଃବକେ ।

୧୦ ☆ତିମତି ପେଇଁନେ ତାଗ୍ରା ପାଙ୍ଗ୍ଲା ଆମେକେ ଗ୍ରାଅନ୍ ତିକ୍ପା । ତାଗ୍ରା ମେଃଡିଗ୍ ନେଙ୍କ୍ ରକମ୍ ମାପୁନେ କାମ୍ ତିକ୍ତିକେ ।

୧୧ ଜାଣ୍ଟେ ଆମେକେ ଦଦ୍ୟା ଗ୍ୟାନ୍ ଆଡ଼ିକ୍ପା । ସାନ୍ତିନ୍ନିଆ ଅଲେଙ୍କ୍ ନସା ପେଇଁ ଆମେକେ ସାଇଜ ତିକ୍ପା । ତେଲା ମେଁ ବୟାଁକ୍ ଏତେ ନେଙ୍କ୍ ତାଗ୍ରା ଆଣ୍ଟେ ପାଙ୍ଗ୍ଏ । ଆମେଇଁକେ ନେଙ୍କ୍ ଉର୍ କ୍ଲେୱକେ ।

୧୨ ମାତର୍ ବୟାଁ ଆପଲ୍ ବିସୟରେ ବାସକ୍ଣିଁ ବୟାଁକ୍ନେ ଏତେ ପେଇଁନେ ତାଗ୍ରା ଝେନେ ସା ନେଙ୍କ୍ ଆମେକେ ଜାବର୍ କୁସାମୁତି

☆ ୧୭:୫ ପ୍ରେରିଡ଼ ୧୯:୨୧. ☆ ୧୭:୮ ପ୍ରେରିଡ଼ ୧୯:୮-୧୦. ☆ ୧୭:୧୦ ୧ କରିନ୍ତସ୍ ୪:୧୭.

ଶୁଦ୍ଧକେ ମାତର ଏବେ ଖେନେସା ମେଁନେ ବିଲକୁଲ୍ ଇକ୍ତା ଶୁମାତର ସୁଜଗ୍ ବାଲା ମେଁ ଖେଏ ।

ତାକ୍ତେ ସାମୁଆଁ

୧୩ ପେଇଂ ଉର୍ ଲାଃଲାପା ବିସ୍‌ବାସ୍‌ନ୍ନିଆ ତାଟ୍ ତିଙ୍ଗ୍‌ପା, ସାଆସ୍ ବାରି ବପୁ ତିଙ୍ଗ୍‌ପା ।

୧୪ ପେନେ ସାପା କାମ୍ ଆଲାଦ୍‌ନ୍ନିଆ ପୁରନ୍ ତିଙ୍ଗ୍‌ଲେ ।

୧୫ ☆ପେଇଂ ସ୍ତ୍ରୀପାନ୍ ବାରି ମେଁନେ ତୁଆଣ୍ଡେ ବିସୟରେ ମ୍ୟାପେଲେକେ । ମେଇଂ ଆଖାୟାନେ ପର୍ତୁମ୍‌ନେ କ୍ରିସ୍ଟିୟାନ୍ ବିସ୍‌ବାସି । ମେଇଂ ଇସ୍‌ପର୍‌ନେ ରେମୁଆଁଇଂନେ ସେବାନ୍ନିଆ ନିଜ୍‌କେ ଅପେଃ ବିବଆରକେ । ବୟାଁଇଂ; ନେଙ୍ଗ୍ ଆପେକେ କୁସାମୁତି ତିଙ୍ଗ୍‌ଶ୍ଟିଂକେ

୧୬ ପେଇଂ କ୍ଲେଇଂନେ ବାରି ଆକ୍‌ମେଇଂ ଏତେ କାମ୍ ବାରି ଜତନ୍ ତିଙ୍ଗ୍‌ମ୍ୟାକ୍ତେ ରେମୁଆଁଇଂନେ ଏତେ ତିଲାତିଗ୍ ତିଙ୍ଗ୍‌ପା ।

୧୭ ସ୍ତ୍ରୀପାନ୍, ଫର୍ତ୍ତନାତ ବାରି ଆଖାୟିକ ଆକ୍‌ଅରିଆ ପାଙ୍ଗ୍‌କେସା ନେଙ୍ଗ୍ ମାଲେ ମ୍ଲେଡିଆ ଶୁଦ୍ଧକେ । ତାଗ୍ଲା ପେଇଂ ମାଲେଃନେ କେଲା ମେଇଂ ପେଇଙ୍ଗ୍‌ନେ ଚାନ୍ ପୁରନ୍ ତିଂବକେ ।

୧୮ ମେଇଂ ଆପେକେ ବାରି ଆନିଂକେ ଆମ୍ଲେଡ୍ୟା ତିଂବଆରକେ । ଡେକ୍‌ରକମ୍ ରେମୁଆଁଇଂ ସନ୍‌ମାନନେ ରେମୁଆଁ ।

୧୯ ☆ଆସିଆ ଦେସ୍‌ନେ ମଣ୍ଡଲିଇଂ ଆପେକେ ସାରଲ ଶୁଦ୍ଧକେ । ଆକ୍‌ଲି ପ୍ରିସ୍ତା ବାରି ମେଁଇଂନେ ତୁଆ ପାର୍ତନା ତିଙ୍ଗ୍‌ମ୍ୟାକ୍ତେ ମଣ୍ଡଲି ମାପୁନେ ମ୍ରିରେ ଆପେକେ ଜାବର୍ ଜାବର୍ ସାରଲ ଶୁଦ୍ଧକେ ।

୨୦ ଆକ୍‌ନେ ବୟାଁଇଂ ସାପାରେକେ ସାରଲ ତିଂଆରକେ । ପେଇଙ୍ଗ୍ କିସ୍‌ଟ ଆଲାଦ୍‌ରେ ପବିତ୍ର ବାବ୍‌ରେ ବୈନ୍ତାଚେ ନିଜର୍ ନିଜର୍ ବିତ୍ରେ ସାଲିପା ।

୨୧ ନେଙ୍ଗ୍ ପାଉଲ୍ ନିଜେନେ କ୍ରିସ୍ଟିଆ ଏନ୍‌ସାପା ଗୁଆର୍ ଶୁଦ୍ଧକେ । ପେଇଙ୍ଗ୍ ନିଂନେ ସାଲିନେ ସାଃପା ।

୨୨ ଜଦି ଜାଣ୍ଡେ ମାପୁକେ ବଲ୍ ଆବା ଶୁଭେଲା ମେଁ ଅବିସାପ୍ ବାଲେଃ ।

☆ ୧୬:୧୫ ୧ କରିନ୍ଦିୟ ୧:୧୭. ☆ ୧୬:୧୯ ପ୍ରେରିଡ୍ ୧୮:୨.

୨୩ ମାପୁ ଜିସୁନେ ଦୟା ପେ ଭାଗୁରା ଲେଃଲେ ।

୨୪ କିସଟ ଜିସୁ ଏଡେ ମିସୁ ଲେଃଲେଂ ପେଇଂ ସାପାରେ ନିଂ
ଭରଦୟନେ ଆଲାଦ୍ ଗୁଅନ୍ ଡିଙ୍ଗାପା ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c